

\$ 400 aw

confinamento

METALLVRGIAE
ELEMENTA.

METALLVRGIAE

ELEMENTA,

QVAE

AMPLISSIMI

PHILOSOPHICI ORDINIS

IVSSV

AD VSVM ACADEMICVM

ELVCVBRAUIT

EMMANVEL IOSEPHVS BARJONA.



CONIMBRICAE,

TYPIS ACADEMICIS;

A. D. CLD. IDCC. LXXXXVIII.

REGIO PERMISSV,

*Praecedentibus legitimis Academiae
approbationibus.*

TN 664

. B37

1798X

ILLVSTRISSIMO
AC EXCELLENTISSIMO DOMINO
D. FRANCISCO RAPHAELI
DE CASTRO,
PVRPVRATO
PATRIARCHALIS ECCLESIAE
PRINCIPI,
REGINAE FIDELISSIMAE
A CONSILIIS,
LVSITANAE ACADEMIAE
MODERATORI PRAESTANTISSIMO,
CET. CET. CET.

*M*VLTIS quidem de causis, EXCELLEN-
TISSIME DOMINE, quo TIBI, PERILLV-
STRIQUE TVO NOMINI, hæcce Metallurgiæ
Elementa dicanda sedulo curarem, non addu-
ctus modo, sed coactus esse debui.

TV indefesse cum Scientias cunctas,
tum Philosophiam maxime protexisti.

TV meos quales quales in re philosophi-
ca progressus attentis oculis jam inde ab in-
itio observasti.

TV meorum qualiumcumque studiorum
Es æquissimus iudex, Es optimus æstimator
existis, utpote qui me, ex quo adhuc discens
TE sum exoratus, ut Magistrorum Collegio ad-
scriberer, optime nosti.

TV

TV me Magisterio , votis meis benignissime annuens, decorasti ; in spem scilicet addulus, fidem tuam, quam apud FIDELISSIMAM REGINAM de me ipso spoponderas, me fore liberaturum.

EN igitur, EXCELLENTISSIME DOMINE, primum, quod exhibere liceat, non quidem eximiæ doctrinæ, sed honestissimorum saltem, optimorumque votorum specimen. Dignare ergo, EXCELLENTISSIME DOMINE, munuscu-

nusculum hocce benevolo animo suscipere, quod
TIBI *devotissime sacratum voluit*

TVI NOMINIS

Cultor observantissimus

Emmanuel Josephus Barjona.

METALLURGIAE

PROLEGOMENA.

§. 1.

METALLURGIA est Scientia , quæ fundamenta , regulasque exponit , quibus metalla , ac semimetalla , investigari , cognosci , suo domicilio extrahi , ab omnibusque heterogeneis separari possint.

§. 2.

Unde illius objectum non quodlibet minerale , sed tantum substantiæ metallicæ constituunt.

§. 3.

Ejusdem vero finis est hominum utilitas ; quia nempe ea , quæ unicuique substantiarum metallicarum , ut ipsa propriam faciem acquirat , & variis vitæ usibus inservire valeat , necessaria sunt , singulatim edocet.

§. 4.

Multa sunt , quæ antiquitatem Metallur-

lurgiæ testantur : eam longe ante diluvium præcognitam fuisse Sacræ Litteræ ostendunt ; cum *Genes. Cap. IV. v. 22* Tubalcain in operibus cupri , ac ferri idoneum esse opificem clare perhibent.

Eamdem post diluvium propagatam fuisse ex Historia profana colligitur ; ex ea enim constat , Semiramis fodinarum , ac metallorum labores captivis adsignasse.

Egyptios hanc scientiam plurimum excoluisse , atque ipsam exercendo multas , utilissimasque observationes collegisse , exploratum habemus.

Ex Egyptiis vero Metallurgiæ scientia ad Romanos præcipue dimanavit ; narrat enim *Tit. Livius* , Lib. 32 , Carthaginenses , tributum argenteum Romam portantes , L. Lentulo , ac P. Villio consulibus , quartam boni argenti partem restituere coactos fuisse ; quia , ex legitimo Judiciorum more ponderatum , captiose adulteratum , corruptumque repertum fuit : id quia probum non esse (argentum) *Quæstores renuntiaverant* , experientibusque pars quarta decocta erat , pecunia Romæ mutua sumpta intertrimentum argenti suppleverunt.

Stra-

Strabo, ac *Diodorus Siculus* methodum, qua metalla ope salium, terræque aluminosæ, a fecibus suis separentur, indicarunt.

Plinius Lib. 33, Sect. 19, aurum igne experiri ex eo comprobat, quod validissimæ illius actioni omnia metalla cedant, præter aurum: *rerum uni nihil in igne deperit*; & alio loco: *ut purgetur, cum plumbo coqui*: hæc autem eloquendi ratio cupellationem jam tum cognitam fuisse satis ostendit. Ipse *Plinius* Sect. 43 ejusdem Libri de usu coticulæ verba facit: Sect. 44 dilucide statuit, argentum in tenuissima fragmenta redactum, & super laminam ferri candentem impositum a fordibus expurgari: & Sect. 23 viam, eamque jam tum apud Romanos usitatam, qua aurum ab arena, lapidibus, & mineris amalgamatione cum mercurio separetur, diligenter indicavit: *omnia ei innatant, præter aurum; id unum ad se trahit; ideo & optime purgat cæteras ejus sordes, exspuens crebro jactatu fictilibus in vasis.*


Necessitas homines artificiosos reddit;
& non solum usus meditando artes effudit,
sed etiam fortuita sæpe inventa ipsis
ar-

artibus, & scientiis incrementum attulere: ligna prope telluris superficiem accensa, eo in loco, ubi venæ metallicæ eidem superficiei proximæ occurrebant, primas forsan Metallurgiæ ideas suppeditarunt: nec alio fere modo Gens inculta Canadensis plumbum sub terra latens investigare solet.

Quæ omnia, & quamplurima alia consulto prætermissa, Metallurgiæ originem altius esse repetendam, vetustissimaque occurrere hujus scientiæ vestigia, penitus evincunt.

§. 5.

Rempublicam maximam ex substantiis metallicis utilitatem capere in perspicuis est; Natura vero easdem puras, sinceras, ac nostris usibus idoneas nimium raro nobis offert: quo igitur utiles evadant, necesse est, ut ars eas purificandi modum nos edoceat. Præceptorum, quibus id perficiatur, summa scientiam Metallurgiæ constituit (ex definit.); idcirco utilis, atque necessaria Metallurgia.



METALLURGIAE

PARS PRIMA.

CAP. I.

De Substantiis Metallicis in genere.

SUBSTANTIÆ metallicæ dicuntur mineralia firma, opaca, splendentia, præ reliquis naturæ corporibus, si paucissima excipias, ponderosissima, fusibilitatemque, diverso quamvis gradu, possidentia.

ART. I.

De ipsarum attributis, atque proprietatibus physicis.

§. I.

OPACITAS est quædam nonnullorum corporum proprietas, qua fit, ut per ipsorum substantiam luci transitus denegetur.

getur: pelluciditati igitur opponitur, & quæ hujusmodi proprietate gaudent, corpora opaca nominantur, non secus ac pellucida, seu diaphana dicuntur, quæ aliam nanciscuntur. Jam metalla etiam ductilia, si in laminas redigantur, & solis radiis exponantur, opaca tamen permanent: sunt igitur substantiæ metallicæ ex naturæ corporibus opacissima. Quoniam autem id omnibus æque competit, ipsarum utique erit attributum.

§. 2.

Opacitatis ergo substantiæ metallicæ itinera luci intercludunt; eamque ab illis reflecti clare observatur. Hæc autem radiorum lucis, in substantiarum metallicarum superficiem incidentium, reflexio alterum earundem attributum constituit, quod splendor metallicus nominatur.

- A. Quemadmodum ex nimia densitate metallorum opacitas derivatur, sic ex opacitate splendor metallicus potissimum pendet. Cum vero densitas non eadem sit omnibus, ita splendor in ratione densitatis incre-

crescat (cætera si sint paria) necesse est.

B. Corporis opaci superficies, quo levigatior fuerit , eo magis ad lucem reflectendam idonea ; corpora vero densa , quo duriora , eo ad obtinendam, & conservandam æqualem undique, ac levem superficiem aptiora sunt : ideo splendor metallicus (cæteris paribus) rationem sequetur duritiei.

C. Mihi non latet, præter densitatem, atque duritiem , aliam adhuc requiri in corporibus metallicis conditionem , ut lucem plus minusve repercutere, diversosque splendoris gradus obferre valeant : hæc, quæcumque tandem sit superficierum dispositio, ea utique est, quæ albedinem producit ; cujus si nota esset causa, genuinam fortasse pro splendore metallico æstimando formulam conficeremus : esset siquidem in ratione composita ipsius , necnon densitatis , ac duritiei.

§. 3.

Corporum diverforum volumine æqualium , sed densitate inæqualium , pondus rationem sequitur densitatis : jam vero substantiæ metallicæ splendore pollent , quia valde sunt opaca ; sunt autem valde opaca ob nimiam densitatem : quapropter præ reliquis naturæ corporibus erunt etiam ponderosiora.

§. 4.

Sub triplici statu corpora naturalia inveniuntur , videlicet , soliditatis , fluiditatis , & sub aeris forma , idemque corpus ex uno ad alios per vices transire potest : caloris materiam causam hujus phænomeni assignamus: quotiescumque eadem corporibus accumulatur , illorum fusionem promovet , ipsaque ex solidis in fluida , & ex fluidis in aeriformia progrediendo transire cogit.

A. Ea corpora, quæ materia ipsa caloris fundere valet , Fusibilia dicuntur.

B. Illa vero, quæ caloris conjunctionem
re-

respuunt , eique obstant , Refractaria appellantur.

§. 5.

Caloris materia omnibus substantiis metallicis nunc majori , nunc vero minori , aut fere nullo negotio copulatur : unde sequitur , ipsas fusibilitatis attributum possidere , nullamque illarum occurrere , quæ vere Refractaria sit.

§. 6.

Verumtamen caloris materia corpora non fundit , quin primo intimam particularum adhæſionem , nexumque partium omnino evertat ; substantiæ vero metallicæ nequaquam in omnibus conveniunt , sed densitate , duritie , attractione intima , & tenacitate variæ , & diversæ existunt : quapropter non eadem caloris intensitas ad singularum fusionem applicatur , sed ea tantum , quæ obstaculis illis solvendis sufficiat. Hinc ratio petenda , cur substantiarum metallicarum nonnullæ facilius , ac celerius igne liquentur , ut Wismuthum, Stannum, Plumbum; aliæ

autem difficilius , ut Platinum , *igne non liquabile* (Linn.) , Molybdænum , *metallum non fusile* (Linn.) : & cur atmosphæræ calor ad Hydrargyri fusionem sufficiens sit.

§. 7.

Corpora , quæ ignis ope in statu fluiditatis constituta sunt , interveniente majori caloris copia , iterum funduntur ; indeque sub vaporum forma in sublime rapiuntur. Hujusmodi idcirco status ex protracta ulterius fusione provenit. Substantiis quoque metallicis extrema hæc convenit fusio , dissimili tamen ratione ; quia longe alia caloris vis ad auri , & argenti , quam ad hydrargyri , zinci , atque arsenici sublimationem adhiberi oportet.

§. 8.

Quæ hætenus recensuimus , cum omnibus omnino metallicis substantiis sint communia , sub attributorum nomine distinguimus ab illis alterius generis , quæ nonnullis tantum insunt ; ut sunt Ténacitas , Malleabilitas , & Ductilitas , quasque propterea ipsarum proprietates appellare juvat.

§. 9.

§. 9.

Tenacitatis nomine intelligimus qualitatem, qua corpora quædam pondus, vim, & figuræ mutationem, quin rumpantur, sustinere valent. Profluit hæc proprietas ex partium aggregatione, ac nisu, ut invicem cohæreant.

§. 10.

Cum Tenacitate vero Durities non est confundenda; est enim Durities nifus minimarum corporis partium, ut invicem cohæreant, quin tamen loco cedant, aut primam, peculiaremque figuram amittant: dantur igitur corpora mollia simul tenacitate prædita, non secus atque dura quædam, ipsa prorsus destituta.

§. 11.

Magnum circa substantiarum metallicarum tenacitatem obtinet discrimen; siquidem non omnes eandem vim, & collisionem, quin rumpantur, sustinere possunt: hinc intelligitur, cur aliæ, mallei percussionibus, aucta longitudine, & la-

titudine, minuta vero profunditate, in laminas crassiores tantum, aliæ vero in tenuissimas admodum bracteolas, reducantur.

§. 12.

Varia hæc phænomena tenacitati quidem debentur; ejusdem vero major, minorve intensitas effectuum inter se aliquantulum diversorum causa est, & origo.

A. Substantiæ illæ metallicæ, quæ sub mallei percussionibus, vel alia quacumque pressione in laminas expanduntur, Malleabiles nominantur.

B. Cum vero illarum tenacitas tanta est, ut non solum in tenuissimas bracteolas efformentur, sed etiam in duriuscula fila longe lateque explicari possint, Ductiles dicuntur.

§. 13.

Hæc de physicis substantiarum metallicarum proprietatibus dicta sufficiant; quas tamen, vel idcirco, quod omnibus
non

non competunt , ut hæcenus paucis innuimus , alibi ad substantiarum ipsarum distinctionem adhibebimus.

A R T. II.

*De Substantiarum metallicarum attributis
chemicis.*

EXPOSITIS hucusque attributis substantiarum metallicarum physicis , reliquum est , ut de intima ipsarum natura , & indole sermonem instituamus.

§. I.

Substantias metallicas ex terra quadam primigenia , purissima , per omniaque sibi consimili efformatas esse ; aquarum sinum ad mineras producendas locum maxime idoneum ; venarumque metallicarum & collocationem , & continuitatem ad spatia valde magna , nullatenusque interrupta , argumentum esse , magnum hujusmodi opus tantummodo in fluido perfici potuisse ; in Oceano omnia ad Metallificationem necessaria existere , ac propterea mineras metallicas post mundi formationem

nem initium sumpsisse, hisceque temporibus formari adhuc posse; antiqua fuit Philosophorum opinio. *M. Lehman; M. Cronstedt.*

§. 2.

Ingeniosa quidem hæc hypothesis ab iis postea rejecta fuit, qui substantias metallicas ex unione potius terræ vitrificabilis cum principio salino coaluisse propugnarunt.

§. 3.

Alii, earum diligentius naturam inquirentes, ex triplici principio exurgere arbitrantur, Sale nempe, Sulphure, & Mercurio, quæ ipsarum elementa nominari solent.

§. 4.

Becherus autem, cum prædicta corpora composita esse deprehenderet, ea in substantiis metallicis elementorum officia nullatenus adimplere posse statuit. Illarum igitur compositionem ex triplici terra proficisci excogitavit.

1. Ex terra, quam salinam, seu vitrificabi-

bilem vocavit ; cuique substantiarum metallicarum in igne oxydation (Calcinatio), & vitrescentia deberetur.

2. E terra pingui, seu inflammabili, ad temperandam, & corrigendam primæ siccitatem necessaria.
3. Ex terra mercuriali, aut volatili, in qua substantiarum metallicarum essentia omnino posita erat: primam, ac secundam plantis, lapidibus, aliisque corporibus communes existere; tertiam vero ad Metallificationem, re ipsa necessariam, secum reputabat.

§. 5.

Becheri doctrinam suscepit *Stahlianus*, sed illam digna tanto viro sagacitate circa aliqua innovavit: ejusdem namque scriptis passim legimus, tantam substantiarum metallicarum antiquitatem esse, quanta ipsa populorum ætas, venasque metallicas ipso mundi exordio procreatas fuisse : quod autem ad substantiarum metalli-

tallicarum compositionem adtinet, ipse, ejusque sectatores, quos inter eminet *Calendish*, ex copulatione terræ non omnibus communis, sed unicuique peculiaris, cum inflammabili principio, seu phlogisto, eam derivare solent. *Kirwanus* denique non phlogistum, sed gas hydrogenicum illarum elementum esse affirmat.

§. 6.

Analytica corporum resolutio, ac synthetica compositio veram, eamque unicam rationem suppeditant, qua interna corporum principia detegi possunt: verumtamen harum operationum imperio substantias metallicas submittere haud possumus, quandoquidem artis beneficio neque illas conjunctione partium componere, neque resolutione in elementa dissipare nobis licet. Quapropter cum *Lavoisierio* persuasum habemus, substantias metallicas corpora esse simplicia. Nam

I. Phlogisti existentia ex nullo facto, nec, quod solidum sit, fundamento derivatur.

II. Substantiæ metallicæ, dum oxydantur,

tur, nullum amittunt principium, sed potius novam acquirunt substantiam; quæ & ipsa illarum proprietates immutat, & in oxyda (Calces) reducit: vnde substantiarum metallicarum oxydatio earundem analysis perperam dicitur.

III. Dum vero oxyda (Calces) exoxydare, seu revivificare intendimus, substantiæ, quæ ut hoc absolvatur adhiberi solent, nullatenus cum oxydis uniuntur, vel aliquid ipsis communicant, sed cum principio, quod substantiis metallicis accesserat, copulantur; eique unitæ vario sub statu segregantur, Regulumque dimittunt: quapropter exoxydatio synthesis immerito appellatur.

IV. Oxyda illa, quæ absque alicujus combustibilis additione reducuntur, nihil nisi purum putumque oxygenium largiuntur. Contra vero, quæ additione materiæ cujuslibet phlogisticæ, ut aiunt, restituntur, acidum carbonicum constantissime producant.

V. Si substantiarum metallicarum oxydatio alicujus principii debetur privationi,

ni , quocumque tandem modo eadem fiat operatio , semper utique cum ejusdem principii expulsionem fiet , jam vero dum substantiæ metallicæ via humida oxydantur , nunc

———— gas hydrogenum, si aquæ ope ;
nunc

———— aliud quoddam gas , idque pro
acidi varietate diversum, si acidi ipsius ope ; nunc vero

———— nullum prorsus evolvitur , si
neque acidi , neque aquæ , sed
acidificantis principii excessu
peragitur oxydatio ;

ut videre est respectu acidi muriatici
oxyginati.

VI. Gas hydrogenum oxyda quædam revivificat , non quod principium phlogisticum substantiis metallicis in eo restituitur , ut *Kirwanus* olim sibi persuadebat ; sed quia , non secus ac corpus combustibile quodvis aliud , ab ipsis oxygenum separat , eique conjunctum aquam regenerat. In opposita namque sententia intelligi nullatenus potuisset , cur oxyda quædam non omnino , sed partim tantum

tum reduceret , quacumque tandem copia adplicetur.

VII. Principium, quod alii assumpserunt Mercuriale , assumptum potius, quam demonstratum.

VIII. Substantiarum metallicarum crystallizatio , earumdemque particulæ pariter crystallizatæ Salinum principium , alterum ipsarum elementum, nedum probabile reddunt , tantum abest ut demonstrent.

§. 7.

Hæc corpora simplicia aliis vel itidem simplicibus , vel compositis conjungi , diversas inde aut subeundo , aut inducendo mutationes , apta nata sunt ; nam

I. A diverso modo , quo lux reflectitur, substantiarum metallicarum splendor plus, minus immutatur : quod etiam obtinet , ejusdem radiis per alicujus pellucidi corporis interstitia transeuntibus.

II. A majori caloris materiæ quantitate ipsarum volumen augetur : quod idem efficit

efficit communis atmosphærae calor , licet paulo insensibilis.

III. Aer substantias , de quibus agitur , magnopere afficit , earum superficiem rubigine obducendo.

IV. Harum substantiarum quædam *aqua* oxydantur , uti maxime Zincum, Ferrum.

V. Omnes igne funduntur. (Vid. Art. I. §. 5.)

VI. Si ignis actioni, aeris simul concursu, eadem exponantur , veram, non secus ac reliqua combustibilia corpora, combustionem patiuntur; inque vera oxyda alia quidem promptius , alia autem segnius transmutantur. Oxyda hæc violentiori igni tradita aut avolant , aut in vitrum abeunt.

VII. Earumdem substantiarum quælibet certis , sibi que propriis menstuis referatur : *Roellius* tamen singula acida in omnes substantias metallicas actionem suam exercere , dummodo harum aggregatio quovis modo minueretur , detexit : nihilo tamen minus substantiæ metallicæ
quæ-

quædam ac determinata acida reliquis, ut solvantur, anteponunt; ita Plumbum, Hydrargyrum, & Argentum acido nitro facillime, in muriatico vero nullatenus dissolvuntur.

VIII. Sulphur omnibus fere nubit; unde diversarum minerarum artificialis compositio.

IX. Sulphureti (hepatis Sulphuris) actioni omnes cedunt.

X. Gas hydrogenium sulphuratum (Gas hepaticum), oxyda colorando, veram exoxydationem operatur.

XI. Salium alkalinarum agendi vis in aliis potentissima, in aliis vero aut multo debilior, aut prorsus nulla.

XII. Sales neutri, generatim sumpti, in prædictas substantias parum actionis via humida exerunt; secus autem via sicca plurimi eorum decompositionem patiuntur.

XIII. Nitratis potassæ (Nitri) cum dictarum

etiarum substantiarum plerisque detonatio, vera combustio; hincque sensibilis earumdem oxydatio.

XIV. Terræ nullam in substantiis metallicis exerunt actionem.

XV. Hydrargyrum cum substantiis metallicis amalgamatur; ex quo utraque vicissim plus, minus immutantur.

XVI. Quod de amalgamatione nunc diximus, ad reliquas etiam substantias metallicas omnino applicari debet; hoc tantum discrimine, quod in his non amalgamationis, sed mixtionis (liga) nomen obtineat. *Cap. II. Art. I. Definit.*

A R T. III.

De diverso statu, in quo substantiæ metallicæ occurrunt.

§. I.

SUBSTANTIÆ metallicæ, Articulis primo & secundo nobis jam cognitæ, multipliciter possunt in terræ visceribus depre-

deprehendi ; videlicet , puræ ; sulphure , vel arsenico, vel cum alia substantia etiam metallica intime sociatæ; oxyginatæ; quacumque denique substantia salina dissolutæ: omnibus attamen existendi modis accurate consideratis , ipsos ad tres reduci posse observatione duce conficimus ; scilicet ,

1. - - - - - Nativum ;
2. - - - - - Mineralifatum ;
3. - - - - - Salinum ; quos minerarum status proprie appellamus.

§. 2.

Est igitur Minera terræ , vel lapidis portio , quæ substantiam , substantiasve metallicas , sub quocumque tandem statu, ex iis quos antea recensuimus , hæ reperiuntur , continet.

§. 3.

Terræ , vel lapis, quæ domicilium minerarum constituit , Matrix metallica appellatur ; hujus pars illa , quam super minera quiescit , Lectum ; illa vero quæ mi-

ne-

neræ est super imposita , Tectum denominatur.

§. 4.

Ex Mineræ definitione evincitur, substantias metallicas aut sub mixtionis , aut combinationis forma reperiri : si primum , sub nativo ; si secundum , sub mineralisato , & salino statu illas esse dicimus.

A. Cum substantiæ metallicæ nudæ inveniuntur, omni scilicet admixtione intima plane destitutæ ; vel formam , atque figuram sibi propriam referant ; attributa physica omnibus communia , proprietatesque específicas possideant ; vel etiam peculiari splendore aliquando spoliatæ offendantur , in statu nativo illas esse affirmamus.

B. Cum vero ipsas substantias cum sulphure , vel arsenico , vel utroque strictim inter se complecti observatur , ex eaque conjunctione aut facies metallica sic dicta adhuc manifesta apparet , aut omnino destructam fuisseprehenditur ;
tum

tum statum mineralisatum existere suademur. (*a*)

C. Si ipsæ denique cum oxygenio compositæ , vel quacumque substantia salina dissolutæ occurrunt , tum hujusmodi existendi modum status salini nomine designabimus.

C

§. 5.

(*a*). Omni quidem tempore Metalla arsenicum recludentia , seu arsenico juncta , mineralisata dixerunt Mineralogi. Quæ vero ab ipsis conceptæ fuerant de arsenico notiones , ab iis , quas nobis hodie de eadem substantia effingimus , plurimum differunt : mutata igitur rerum scientia , nomina quoque immutari necesse erat. Est profecto arsenicum non sulphur , sed semimetallum , ex eoque acidum arsenicum generatur : si itaque arsenicum regulino statu reliquis conjungitur metallis , nulla mineralisatio , sed metallicum tantum existit connubium (*liga*) ; si sub acidi forma iisdem copulatur , tunc ex principiis a nobis præstabilitis , compositiones hujusmodi sub statu salino collocarentur. Animadvertentes tamen , 1. quod , ex quonam duplici illo statu arsenicum metallis inhæreat , statuere minime ausi fuimus ; 2. ipsum reliquis Mineris sæpissime inexistere , ac sulphur ut plurimum comitari ;

§. 5.

Chemicorum nonnulli quartum admiserunt statum, videlicet calciformem, qui certe cum salino confundi debet. Nam, acida eodem principio acidificante gaudent (*Lem. 4*), basis vero acidificabilis diversa, & peculiaris unicuique existit (*Lem. 6*), aciditatis principium omnibus commune oxygenium est (*Lem. 5.*): substantiæ metallicæ, sicut combustionis ope gas oxygenium decomponunt, basim ejusdem absorbentes, ita, dum acidis solvuntur, acidificanti principio nubunt, basim vero liberam post se relinquunt (*Lem. 15*); in hac operatione, splendorem proprium amittunt, ac tandem in pul-

3. arsenicum metallis quibuscumque conjunctum eadem suis proprietatibus spoliare; 4. media, quibus arsenicum sub minerarum torrefactione segregatur, ab iis, quibus sulphur expellitur, nullatenus differre; ac tandem 5. facilitati, perspicuitatique præcipue consulendum esse, cum nimiae subdivisiones obscuritatem pariant, idcirco nihil in hac parte innovandum; sed, retentis veterum ideis, metalla quævis sulphuri, arsenicove immixta, Mineralisata æque dicenda esse constituimus.

pulverem ei per omnia similem, qui sæpe in natura occurrit, extenuantur.

§. 6.

Improprie igitur loquuntur, qui substantiarum metallicarum terras Calces metallicas apellant; quia in hunc statum toties reducuntur, quoties cum oxygenio coire possunt (§. 5): substantias hujusmodi naturæ corpora esse simplicia observavimus (*Art. II. §. 6*); cum vero substantiæ simplices oxygenio copulatæ primum oxyginationis gradum constituent, & tum oxyda nominentur, ex æquo etiam substantias metallicas dictam oxyginationem nactas, non calces, sed oxyda jure merito vocamus; sicut sulphuris, phosphori primum oxyginationis gradum, oxydum sulphuris, oxydum phosphori; cæt.

§. 7.

Oxyda ex primo oxyginationis gradu provenire vidimus (§. 6), secundus vero, tertius, & quartus denique acida constituunt genere similia, denominatione autem diversa, quæ ex majori, seu mino-

ri oxygenii quantitate tantummodo derivatur: quapropter oxyda metallica etiam, si vere acida non sint, tamen ad statum salinum quam maxime accedere suademur.

§. 8.

Metallicæ substantiæ tunc solum ab acidis oxygenantur, cum ad eorundem decompositionem efficiendam apta sunt; acida vero decomposita substantiis metallicis nihil præter oxygeneum præstare queunt (§. 5); idcirco, vel ipsæ cum acidis sub combinationis statu, vel sub terrarum forma existant, in statu compositionis cum oxygenio ipsas esse liquet; sed ex dictis (§. 6) oxyda oriuntur a primo oxygenationis gradu (*Lem.* 16); hujusmodi autem gradus, licet acida vere non constituat, statum salinum tamen procul dubio constituit (§. 7); hinc, rejecto statu calciformi, salinum potius admittimus.

ART. IV.

*De Naturali substantiarum metallicarum
Historia.*

§. I.

SUBSTANTIÆ Metallicæ in duas
tantum Classēs dividuntur,

- $$\left\{ \begin{array}{l} \text{I. in Metalla.} \\ \text{II. in Semimetalla.} \end{array} \right.$$

§. 2.

Substantiæ illæ metallicæ, quæ duritie, aut tenacitate præditæ, fragilitate sub malleo omnino carent; ductiles etiam, aut malleabiles; quæque in igne sunt maxime fixæ, etiam si aliæ citius, aliæ tardius oxydentur, Primam Classē constituunt.

§. 3.

Eæ vero, quæ cætera omnia attributa cum prioribus communia possidentes, fixitate tamen in igne, ductilitate, ac mal-

malleabilitate ab illis plurimum distant,
Semimetalla nuncupantur.

§. 4.

Prima Classis in duos Ordines distribuitur, quorum

- $$\left\{ \begin{array}{l} \text{I. Perfecta,} \\ \text{II. Imperfecta comprehendit.} \end{array} \right.$$

- A. Metalla, quæ sapore, ac, etiam si fricentur, odore destituuntur, Perfecta nominantur.
- B. Illa vero, quæ & saporem excitant, & odorem cuique proprium exhalant, Imperfecta vocantur.

§. 5.

Perfectorum Ordo tria continet Genera scilicet,

- $$\left\{ \begin{array}{l} \text{1. Aurum,} \\ \text{2. Platinum,} \\ \text{3. Argentum.} \end{array} \right.$$

Im-

Imperfectorum vero Ordinem dupliciter iterum dispertiri placet ;

- 1. in dura , ac ductilia ,
- 2. in mollia , ac malleabilia.

A. Prima divis. { Ferrum , & Cuprum ,
 B. Secunda { Stannum , ac Plumbum
 comprehendimus.

Ex triplici denique substantiarum metallicarum statu Species , ac Varietates nascuntur.

§. 6.

Proprietates, atque attributa Art. I. descripta , non eodem gradu metallis conveniunt , sed diverso : metalla igitur quoad prædicta attributa , sequenti ordine se se excipiunt.

1. Pon-

1. Pondere

1. Platinum
2. Aurum
3. Plumbum
4. Argentum
5. Cuprum
6. Ferrum
7. Stannum

2. Splendore

1. Platinum
2. Argentum
3. Aurum
4. Ferrum
5. Cuprum
6. Stannum
7. Plumbum

3. Duritie

1. Ferrum
2. Platinum
3. Cuprum
4. Argentum
5. Aurum
6. Stannum
7. Plumbum

4. Tenacitate {
1. Aurum
2. Platinum
3. Argentum
4. Cuprum
5. Ferrum
6. Stannum
7. Plumbum

5. Ductilitate {
1. Aurum
2. Platinum
3. Argentum
4. Cuprum
5. Ferrum

6. Malleabilitate {
Stannum
Plumbum

T A B V L A ,

*Qua prima substantiarum metallicarum Classis ,
ejusque divisiones continentur.*

Sapore , Odoreque destituta.	ORD. I.	{ Aurum. Platinum. Argentum.
Metallia.		
Sapore , Odoreque prædita.	ORD. II.	<div data-bbox="645 1043 770 1081">Divis. 1.</div> <div data-bbox="792 972 1045 1176">{ Dura ac { Cuprum. du- { Ferrum. ctilia</div> <div data-bbox="636 1410 756 1448">Divis. 2.</div> <div data-bbox="784 1328 1016 1525">{ Mollia ac { Stan- malle- num. abilia. Plum- bum.</div>

CLASSIS PRIMA.

METALLA.

ORDO PRIMVS.

PERFECTA.

§. 7.

GEN. I. AVRVM.

AVRVM nobilissimum, colore flavo eleganter nitens; odore, atque sapore plane destitutum; pondere secundum; ductilitate, ac tenacitate primum; ideo omnia naturalia superans; duritie quintum; vix ulla elasticitate gaudet; splendore tertium; acido nitro-muriatico, muriaticoque oxygenato solubile; ejus gravitas specifica = 192581. (*Briffon.*)

Statu Nativo.

Spec. I.

Aurum Nativum.

A. Ab omni matrice segregatum, particu-

culis arenæ palam involutis , seu
majori arenæ copia invisibiliter di-
spersis.

B. Matrice coagmentatum , membrana-
ceum , solidum , vel crystallinum.
(*Linn.*)

Statu Mineralisato.

Spec. II.

Aurum sulphureto ferri mineralisatum.

Spec. III.

Aurum sulphureto ferri , cum arseni-
co mineralisatum.

Spec. IV.

Aurum cum argento , ferro , plumbo ,
atque magnesio , sulphure mineralisatum.

Spec. V.

Aurum cum mercurio , sulphure mi-
neralisatum.

Spec.

Spec. VI.

Aurum cum ferro, cupro, atque magnefio, fulphure mineralifatum.

Spec. VII.

Aurum cum zinco, & ferro, interdum cobalto, fulphure mineralifatum. (a)

§. 8.

GEN. II. PLATINVM.

PLATINVM metallum perfectum; colore argenteo ad cæruleum declinante; inodorum, omninoque infipidum; splendore, ac pondere primum; duritie, tenacitate, ac ductilitate secundum; igne vulgari non fusile; acido nitro-muriatico, & muriatico oxyginato solubile, ex cujus solu-

(a) Plurimi ex Mineralogistis, aurum mineralifatum nec repertum fuiffe, nec reperiri poffe, afferunt: nos tamen tum ex eo quod aurum a quolibet fulphureto (hepate sulphuris) folvatur, tum etiam ex ftatus mineralifati definitione, quam Art. III. §. 4. pofuimus, prædictas auri fpecies sub eodem ftatu collocamus.

lutione muriate ammoniacali præcipitatur; ejus gravitas specifica = 203366. (*Briss.*) (*a*)

Statu Nativo.

Spec. I.

Platinum Nativum.

A. - - unitum auro ;

B. - - ferro , & magnete attractile ;

C. - - mercurio ;

D. - - terris ;

E. - - vel omnibus simul immixtum. G E-

(*a*) Primæ hujus metalli cognitiones debentur *Antonio Ulloa* in ejus *Itin. Peruv.* 1748: *Woodus* autem tentamina plurima super eadem substantia instituta in *Transact. Philosoph.* an. 1749 , 1750 , consignavit ; post experimenta vero *Cl. Sickingen* Platinum metallum esse ab omni alio distinctum , extra dubitationis aleam positum habemus. Hujus metalli fusibilitatem *Morveus* fluxu suo docimastico , *Lavoisierus* autem , *Achardus* , aliique Gas oxygenio demonstrarunt. Vid. *Journ. Ros.* 1789 *Thomas Willis.*

§. 9.

GEN. III. ARGENTVM.

ARGENTVM metallorum nobilium alterum, sapore, atque odore carens; textura solida, colore albo, elegantissimo; pondere, & duritie quartum; splendore secundum; tenacitate, ac ductilitate tertium; elasticitate aurum vincit; sono acuto gaudet; acido sulphurico caloris ope, nitroso vero etiam frigido, solubile; gravitas specifica = 101752. (*Briss.*)

Statu Nativo.

Spec. I.

Argentum nativum.

A. - - aliis mineris,

B. - - vel terris,

C. - - vel lapidibus adfixum.

Statu Mineralisato.

Spec. II.

Sulphuretum argenti.

Argentum sulphure mineralisatum.

Spec. III.

Argentum arsenico mineralifatum.
(*Kirwan*)

Spec. IV.

Argentum sulphure, & arsenico mineralifatum.

Spec. V.

Argentum cum ferro, arsenico mineralifatum.

Mine d'argent arsenico martiale (*Kirwan* (*Monnet.*) *Pyrite tenant argent* (*Henckel.*)

Spec. VI.

Argentum cum ferro, sulphure, & arsenico mineralifatum.

Spec. VII.

Argentum, & cuprum sulphure, & arsenico mineralifatum.

Spec. VIII.

Argentum cum ferro, & cupro, sulphu-

phure , & arsenico mineralifatum.

Hæc minera eo ditior argenti , quo
sterilior cupri , & vicissim.

Spec. IX.

Argentum cum zinco , sulphure mineralifatum.

Spec. X.

Argentum cum stibio , & cupro , sulphure , & arsenico mineralifatum.

Spec. XI.

Argentum cum ferro , atque cobalto , sulphure , & arsenico mineralifatum.

Spec. XII.

Argentum cum stibio , atque baryta , sulphure mineralifatum.

Spec. XIII.

Argentum cum stibio , sulphure mineralifatum. (*Chaptal.*)

D

Statu

Statu Salino.

Spec. XIV.

Oxydum argenti.

Argentum oxyginatum.

Spec. XV.

Murias argenti.

Oxydum argenti acido muriatico solutum.

Hæc minera parvam sulphatis argenti quantitatem aliquando fovet.
(*Woulf.*) (*a*)

O R-

(*a*) Si nobilioris metalli ratio semper habenda esset, mineras plumbi argentum recludentes huc amandare utique debuissim; perspicuitatis tamen gratia, aliorum vestigiis inherens, easdem ad mineras plumbiferas relegavi.

ORDO SECVNDVS.

IMPERFECTA.

DIVISIO I.

DVRA, AC DVCTILIA.

§. IO.

GEN. I. CVPRVM.

CVPRVM metallum imperfectum, colore pallido-rubro; fractura satis splendens; textura solida; frictionis, vel caloris ope ingratum spargens odorem; sapore styptico præditum; duritie tertium; tenacitate, ac ductilitate quartum; pondere, ac splendore quintum; sonorum, qua proprietate omnia metalla superat; in omnibus acidis solubile, ex quibus addita ferri lamina præcipitatur; ejusque solutiones acidæ, tantum non omnes, ammoniacæ interventu cæruleum induunt colorem; gravitas specifica = 77880. (*Briss.*)

*Statu Nativo.**Spec. I.*

Cuprum nativum.

A. Præcipitatum.

Omniū purissimum; colore proprio gaudens; ex aquis ipsum solutione habentibus, ferro præcipitatum.

*Statu Mineralisato.**Spec. II.*

Sulphuretum cupri.

Cuprum cum ferro varia ratione immixtum, sulphure mineralisatum.

A. - Sulphuretum cupri Vitreum.

B. - - - - - Cæruleum.

C. - - - - - Flavum.

Spec. III.

Cuprum cum ferro, sulphure, & arsenico mineralisatum.

Aliquando ipsi quidquam argenti accedit, sed tunc ad argenti *Spec. VII.* referas.

Spec. IV.

Cuprum cum stibio, sulphure, & arsenico mineralifatum. (*Chaptal.*)

Spec. V.

Cuprum cum ferro, atque zinco, sulphure, & arsenico mineralifatum.

*Statu Salino.**Spec. VI.*

Carbonas cupri.

Oxydum cupri acido carbonico plus minus faturatum.

A. Carbonas cupri Ruber. (Cuprum hepaticum.)

B. - - - - - Viridis. (Viride montanum Malachites.)

C. - - - - - Cæruleus. (Cæruleum montanum.)

Spec. VII.

Sulphas cupri. (Vitriolum cupri.)

Oxydum cupri acido sulphurico solutum.

Spec. VIII.

Murias cupri.

Oxydum cupri acido muriatico solutum.

§. II.

G E N. II. F E R R V M.

F E R R V M metallum imperfectorum alterum, colore obscuro, ad cæruleum vergente; particulis minimis quasi fibrosis constans; frictione peculiarem odorem spargit; saporem stypticum possidet; duritie primum; splendore quartum; tenacitate, ac ductilitate quintum; pondere sextum; quam maxime elasticum, ac proinde sonorum; retractorium; acidis solubile; ab acido gallico (principio vegetabilium adstringenti) colore nigro, a prussiate vero potassæ (alkali prussico) colore cæruleo, ex solutionibus deturbatur; ejus gravitas specifica = 72070. (*Brissou.*)

Statu Nativo.

Spec. I.

Ferrum nativum. (a)

(a) Dubitat quidem *Macquartus*, quin genuinum sit ferrum nativum a *Pallas* descriptum; illudque potius ferrum fusum esse putat.

Mor-

*Statu Mineralifato.**Spec. II.*

Sulphuretum ferri.

Ferrum cum sulphure mineralifatum.

A. - - - Flavescens.

B. - - - Fulvus , f. flavo - rube-
fcens.*Spec. III.*Ferrum arsenico mineralifatum. (*Mispi-
ckel.*)*Spec. IV.*Ferrum sulphure , & arsenico minera-
lifatum.*Statu Salino.**Spec. V.*

Carbonas ferri.

Oxydum ferri acido carbonico plus
mi-

Morveaus illius existentiam plane inficiatur.
Nos vero *Lehmanni* , *Margraafi* , *Henckelii* ,
Adansonis , *Wallerii* , *Rovellii* , *Simonis Pallas* ,
Kirwani , & *Chaptalii* , qui illud exstare conten-
tendunt , judicio subscribimus.

minus saturatum ; idque unitum

A. - - Magnesio,

B. - - Carbonati calcario ,

C. - - Argillæ , (*Ætites*) (*Hematites.*)

D. - - Silicæ.

Spec. VI.

Sulphas ferri. (Vitriolum ferri.)

Oxydum ferri acido sulphurico solutum.

Spec. VII.

Prussias ferri.

Oxydum ferri acido prussico solutum.

Spec. VIII.

Phosphas ferri. (*Syderites.*)

Oxydum ferri acido phosphorico solutum.

Spec. IX.

Ferrum carbonio adunatum. (*Plumbago*) (*a*)

(*a*) Ea species ad nullum quidem ex tribus nostræ Classificationis statibus pertinet : quum tamen una ea sit metallica substantia , in qua carbonii copulatio liquido apparet , nobis non placuit novum ob eum solum casum systema construere.

DIVISIO II.

MOLLIA, AC MALLEABILIA.

§. 12.

GEN. III. STANNVM.

STANNVM metallum imperfectum, album; & si purum ac politum argenteo fere colore; molle; flexione stridens; odore proprio, ac sapore gaudet; malleabilitate primum; splendore, duritie, atque tenacitate sextum; pondere septimum; elasticitate præ reliquis metallis minori (plumbo excepto); acido muriatico, seu nitro-muriatico solubile; ejus solutio præcipitatur sub colore cæruleo ope prussiatæ potassæ, aut calcis; ab auri vero solutione colore purpureo instructum deturbatur; gravitas specifica = 72914. (*Briss.*)

Statu Nativo.

Spec. I.

Stannum nativum. (*a*)

(*a*) *Monetus, Bergmannus, ac Mongezius* nativum stannum exstare pro dubio habent. Attamen *Chaptalius, Sagijs, de Lisleus, & Kir-*
wa-

*Statu Mineralifato.**Spec. II.*

Sulphuretum stanni.

Stannum sulphure mineralifatum.

*Statu Salino.**Spec. III.*

Carbonas stanni.

Stannum acido carbonico plus minus saturatum.

§. 13.

G E N. I V. P L U M B V M.

PLUMBVUM metallum imperfectum ; colore mixto ex albo , griseo , lividoque donatum ; fractura vero recenti albo-cærulescens ; mollissimum ; flexile ; odore , atque sapore proprio cognoscendum ; malleabilitate secundum ; pondere tertium ; du-

wanus illud in laminas tenues , ac flexibiles ductum , aut regulariter crystallifatum in quadam quartzi matrice repertum fuisse asserunt *Transact. Philosoph.* 1766 ; *Quistius* vero illius puritatem testatur in *Actis Stockholm.* ejud. ann.

duritie , splendore , ac tenacitate septimum ; minima elasticitate gaudens , ac proinde non sonorum , omnibus acidis plus minusve , speciatim vero nitroso , solubile ; quælibet hujus metalli solutio sapore saccharino insignitur ; gravitas specifica = 115523. (*Briffon.*)

Statu Nativo.

Spec. I.

Plumbum nativum. (*a*)

Statu Mineralifato.

Spec. II.

Plumbum argento , atque ferro , sulphure mineralifatum.

Spec. III.

Plumbum argento , & stibio , sulphure mineralifatum.

(*a*) Quidam Rerum Naturalium sapientes ut *Wallerius* , *Genffanius* , *Henckelius* , *Linneus* , alique plumbum nativum reperiri afferunt : at de ejus tamen existentia recte dubitari potest ; quæ enim occurrunt exemplaria , antiquorum potius laboribus referenda esse verissimilimum est.

Spec. IV.

Plumbum sulphure, & arsenico mineralisatum.

Statu Salino.

Spec. V.

Carbonas plumbi.

Oxydum plumbi acido carbonico plus minus saturatum.

Spec. VI.

Sulphas plumbi.

Oxydum plumbi acido sulphurico solutum.

Spec. VII.

Phosphas plumbi.

Oxydum plumbi acido phosphorico solutum;

CLASSIS SECVNDA.

SEMIMETALLA.

§. 14.

SEMIMETALLORVM adpellatione illæ veniunt juxta Chemicorum sententiam substantiæ considerandæ, quæ in telluris visceribus non secus atque metalla offenduntur, & cum illis quædam communia habent; a metallis tamen differunt fragilitate notabili; dum e contrario metalla ductilitate, malleabilitatēve fruuntur insigni.

Semimetallorum Ordines, tres constitui posse arbitramur: horum

- | | | |
|-------------|---|---|
| 1. Continet | { Semimetalla
dura, ac tenacia. | { GEN. I. - - Niccolum.
GEN. II. - - Zincum. |
| 2. Continet | { Semimetalla
dura, ac fragilia, nec tenacia | { GEN. I. - - Arsenicum.
II. - - Wismuthum.
III. - - Cobaltum.
IV. - - Magnesium.
V. - - Molybdænum.
VI. - - Stibium.
VII. - - Tunstenum. |
| 3. Continet | { Semimetallum
fluidum. | { GEN. - - - Hydrargyrum. |

CLASSIS SECVNDA.

SEMIMETALLA.

ORDO PRIMVS.

DVRA, AC TENACIA.

§. 15.

GEN. I. NICCOLVM.

NICCOLVM semimetallum albo-rubescens ; durum ; tenax , hinc malleabile ; textura uniformi ; retractorium ; ejus oxydum viride , inde solutiones acidæ eodem gaudent colore , quæ tamen , ammoniacæ interventu , abeunt in cæruleum ; gravitas specifica = 78070. (*Brissou.*)

Statu Nativo.

Spec. I.

Niccolum nativum ; colore hepatico ; ponderosissimum ; purum , nec peregrino inquinatum.

Statu

*Statu Mineralifato.**Spec. II.*

Niccollum ferro , atque cobalto , sulphure , & arsenico mineralifatum.

*Statu Salino.**Spec. III.*

Carbonas niccoli.

Oxydum niccoli acido carbonico plus minus faturatum.

Spec. IV.

Sulphas niccoli.

Oxydum niccoli acido sulphurico solutum.

§. 16.

G E N. II. Z I N C V M.

Z I N C V M inter semimetalla malleabilius ; colore sub-cæruleo fulgenti ; cunctis acidis solubile ; igne flammam cæruleo-viridescentem prodit, sub forma calcis albissimæ sublimatur ; gravitas specifica = 71908. (*Briffon*) (*a*)

(*a*) Quidquid *Cronstedius* , ac *Bomarus* observaverint, universi tamen Mineralogistæ de *Zinci* nativi existentia fere dubitant.

*Statu Mineralifato.**Spec. I.*

Zincum cum ferro sulphure mineralifatum.

*Statu Salino.**Spec. II.*

Carbonas zinci.

Oxydum zinci acido carbonico plus minus saturatum.

Spec. III.

Sulphas zinci.

Oxydum zinci acido sulphurico solutum.

ORDO SECVNDVS.

DVRA, AC FRAGILIA,
NEC TENACIA.

§. 17.

GEN. I. ARSENICVM.

ARSENICVM femimetallum, colore albo-flavescens; textura compacta lamellosa; fragile; aeri expositum nigrescens; combustionem fumum alliaceum spargens; acido nitrico præsertim solubile; oxyginatione acidum arsenicum prodit; gravitas specifica = 57633. (*Brissou.*)

*Statu Nativo.**Spec. I.*

Arsenicum nativum.

*Statu Mineralisato.**Spec. II.*

Sulphuretum arsenici.

Arsenicum sulphure mineralisatum.

A. - - Flavum : (*Auripigmentum*)B. - - Rubrum : (*Risigalum*)

E

Sta-

*Statu Salino.**Spec. III.*

Carbonas arsenici.

Oxydum arsenici acido carbonico plus minus faturatum

§. 18.

G E N. II. W I S M V T H V M.

WISMUTHUM semimetallum, colore albo rubicundulo, f. subflavo; textura lamellosum; fragile; semimetallorum ponderosissimum (mercurio excepto); acido nitrico, vel nitro-muriatico solubile; ex solutionibus aqua præcipitatur, magisterium wismuthi efficiens; gravitas specifica = 98227. (*Brissou.*)

*Statu Nativo.**Spec. I.*

Wismuthum nativum: aliis mineris, cobalti præcipue, aliquando argenti adhærens.

*Statu Mineralifato.**Spec. II.*

Sulphuretum wismuthi.

Wismuthum sulphure mineralifatum.

Spec. III.

Wismuthum cum ferro, sulphure mineralisatum.

Statu Salino.

Spec. IV.

Carbonas wismuthi.

Oxydum wismuthi acido carbonico plus minus saturatum.

Spec. V.

Sulphas wismuthi.

Oxydum wismuthi acido sulphurico solutum.

§. 19.

GEN. III. COBALTVM.

COBALTVM semimetallum, colore cinereo sub-cæruleo; durum; fragile; fractura granosum; difficilis oxydationis; acido nitrico, & nitro-muriatico præsertim solubile; dissolutio rubescens; gravitas specifica = 78119. (*Brissou.*)

E 2

Sta-

*Statu Mineralifato.**Spec. I.*

Cobaltum cum ferro , sulphure mineralifatum.

Spec. II.

Cobaltum cum ferro , arfenico mineralifatum.

Spec. III.

Cobaltum cum ferro , sulphure & arfenico mineralifatum.

*Statu Salino.**Spec. IV.*

Carbonas cobalti.

Oxydum cobalti acido carbonico plus minus faturatum.

Spec. V.

Sulphas cobalti.

Oxydum cobalti acido sulphurico solutum.

§. 20.

GEN. IV. MAGNESIVM.

MAGNESIVM semimetallum, colore obscure albo; fractura splendens, aeri tamen expositum palescens; durissimum; fragile; infusibilitate ferrum superans; retractorium, (si in pulverem redigatur); acidis, nitrico præsertim referandum; gravitas specifica = 6,850. (*Kirwan, Bergmann.*)

Statu Salino.

Spec. I.

Carbonas magnesi.

Oxydum magnesi acido carbonico plus minus saturatum.

A. - - - Album :

- a. Ferro paucissima portione immixtum;
- b. Interdum spathum calcarium æmulans; (*Rinman*)
- c. Aliquando in quibusdam ferri mineris, præsertim hæmatitidis, efflorescens; (*la Peirouse*)
- d. Mineras ferri spathicas plerasque comitans.

B. - - - Rubrum : differt a præcedenti majori copia ferri , necnon cal-
cis , barytæ , aut filicæ admix-
tione.

C. - - - Nigrum , s. nigricans.

§. 21.

G E N. V. M O L Y B D A E N V M.

M O L Y B D A E N V M semimetallum , fragile ;
colore ad cinereum accedente ; textura gra-
nulata ; quam maxime refractarium ; ni-
tro detonans ; acido nitrico in oxydum al-
bum convertitur , quod ulteriori oxygina-
tione acidum devenit molybdicum ; ar-
gento , cupro , ferroque conjunctum , con-
nubium perquam fragile constituit.

Statu Mineralifato.

Spec. I.

Sulphuretum molybdæni.

Molybdænum sulphure mineralifatum.

§. 22.

GEN. VI. STIBIVM.

STIBIVM semimetallum, albo-argenteum; friabile; laminis micaceis constans; fracturaque squamosa distinguendum; acido nitro-muriatico in primis solubile; fusum sub crystallorum albissimorum forma, qui antimonii argentini flores dicuntur, avolat; gravitas specifica = 67021. (*Briffon.*)

Statu Nativo.

Spec. I.

Stibium nativum. (a)

Statu Mineralisato.

Spec. II.

Sulphuretum stibii.

Stibium sulphure mineralisatum.

Spec.

(a) *Cronstedius, Wallerius, Linneus, Cartheuserus*, aliique de nativi antimonii an. 1748 ab *Ant. Swab.* reperti existentia minime dubitant. Alii ut *Lehmannus, Justius, Vogelius*, ac *de Lillius*, eam negant; nostram vero hac de re sententiam facile erit ex positis principiis divinare. Consule insuper notam sequentem.

Spec. III.

Stibium arsenico mineralifatum, (a)

Statu Salino.

Spec. IV.

Carbonas stibii.

Oxydum stibii acido carbonico plus minus faturatum.

Spec. V.

Murias stibii.

Oxydum stibii acido muriatico solutum.

§. 23.

G E N. VII. T V N S T E N V M.

T V N S T E N V M semimetallum, albo-opalinum; ponderosissimum; consistentia modice durum; acido muriatico in oxydum dilute flavum (*Bergman*), cærulescens (*Scheele*), convertitur; oxyginatione acidum

(b) Et si ea minera duorum regulorum quædam sit permixtio, attamen ex præjactis principiis (*P. I. C. I. Art. III.*) ad statum mineralifatum spectat.

dum tunsticum producit ; gravitas specifica = 60665. (*Brissou.*)

Statu Salino.

Spec. I.

Acidum tunsticum.

Tunstenum oxyginatum.

A. - - - - Album:

B. - - - - Flavum.

Spec. II.

Wolfran.

Acidum tunsticum flavum magnesio,
ferri oxydo , quartzoque immixtum.

ORDO

ORDO TERTIVS.

FLVIDA.

§. 24.

GEN. I. HYDRARGYRVM.

HYDRARGYRVM semimetallum, fluidum ; colore argenteo ; in globulos maxime mobiles divisibile ; substantiarum metallicarum ponderosissimum (auro & platino exceptis) ; gravitas specifica = 135681. (*Briss.*)

*Statu Nativo.**Spec. I.*

Hydrargyrum Nativum.

- A. - - - - Purum , forma metallica ex fissuris montium fluens :
- B. - - - - In cavitatibus collectum :
- C. - - - - Terris, lapidibus, aliisve mineris immixtum:
- D. - - - - Aliis denique metallis amalgamatum.

*Statu Mineralifato.**Spec. II.*

Sulphuretum hydrargyri. (*Cinnabaris*).
Hydrargyrum sulphure mineralifatum.

Spec. III.

Hydrargyrum, & cuprum sulphure
mineralifatum.

*Statu Salino.**Spec. IV.*

Oxydum hydrargyri nativum: (Præci-
pitatum per se ; f. calx mercurialis nati-
va.) (*Kirwan.*)

Spec. V.

Murias hydrargyri.

Oxydum hydrargyri acido muriatico
solutum.

Spec. VI.

Sulphas hydrargyri.

Oxydum hydrargyri acido sulphurico
solutum.

§. 25.

*Klaproth*us asserit novam se invenisse metallicam substantiam , eique nomen *Uranium* indidisse ; quam tamen *Wernerus* *Ferrum ochraceum piceum* appellaverat , credens nimirum, ferrum esse acido tungstico copulatum.

Alii de Menakanita loquuntur , tamquam de metallica substantia peculiari quadam natura prædita. *Bergmannus* barytam (terram ponderosam) metallicam substantiam esse putavit ; circa quam *Ton-dius*, & *de Ruprecketus* quamplurima instituerunt experimenta : etsi autem universi prædicti Chemici terras ad Regulos metallicos reducere tentarint ; eorum tamen experimenta rem liquido non demonstrant : quandocumque ergo perfecta earum habebitur analysi , tunc vero in iis describendis , tentandis , ac reducendis operam quoque nostram locabimus.

CAP. II.

De rebus , quæ ad praxim docimasticam, ac metallurgicam proxime requiruntur.

MINERARVM Docimasia, ac Metallurgia , quædam sunt operationum series , atque complexio, quarum finis est metallicam substantiam , cuique mineræ inhærentem , a reliquis non metallicis accuratissime segregare. Optimus utriusque scientiæ eventus pendet a perfectissima , & omnimoda minerarum fusione ; quæ , ut obtineatur , certis plerumque auxiliis indiget : singulis præterea operationibus quædam requiruntur instrumenta , quibus eadem multo reddantur faciliores. Agendum erit itaque 1. de Operationibus ; 2. de Fundentibus ; 3. de Instrumentis.

Definitio.

CONNUBIUM metallicum, s. mixtio (*liga*) dicitur, cum duæ pluresve substantiæ metallicæ invicem vel natura , vel arte commiscentur.

A R T.

A R T. I.

De Operationibus.

I.

OPERATIO illa, cujus auxilio minera metallica in partes minores ope percutientis mallei redigitur, ac subsequenter operationibus disponitur, *Trituratio* audit minerarum :

Hujus itaque utilitas est minerarum molem imminuere.

2.

Minerarum vero *Lotio* illa dicitur operatio, qua efficitur, ut aquarum motu interveniente partes terreæ, vel lapideæ ex mineris segregentur, subsidentibus interim particulis metallicis a non metallicis liberatis :

Hac igitur operatione corpuscula metallica, reliqua gravitate superantia, fundum petunt; alia vero in superficie liquoris innatantia, naturam suam
nol-

nullatenus metallicam eo ipso produ-
dunt.

3.

Est & alia mechanica operatio , qua
five in diversis venis , five in diversis ejus-
dem venæ locis , portiones quasdam su-
mimus , & invicem commiscemus. (Gal-
lice dicitur *Lotissage.*)

Quoniam vena metallica quævis , sicut
diversæ etiam inter se collocatæ , non
eadem ubique metalli copia scatent ,
idcirco pro exactiori Docimasia , ex
diversis venis mineram componentibus ,
vel ex diversis venæ ejusdem
partibus , definitæ quantitates extra-
huntur , accuratissime permiscentur ,
& examini subjiciuntur : quod I.
Cap. Docimasiæ objectum erit.

4.

Ustullatio docimastica illa dicitur ope-
ratio , qua ante minerarum liquationem
corpora illa separantur , quæ substantiis
metallicis conjuncta eas sub mineralisa-
tionis , aut dissolutionis statu constitue-
bant.

Ustul-

Ustulationum instituendarum numerus, ac perduratio, ex perfecta naturæ minerarum cognitione; substantiarum componentium indole; earum, quæ expelli debent, numero; multiplicique tandem combinationis modo, erui tantum possunt.

Operatio hæc tripliciter institui potest, ac quidem solet;

1. Aeri libero;
2. Sub tectis quibusdam, quæ columnarum auxilio elevantur, ac sustinentur;
3. In fornaculis sic dictis *reberverii*.

Triplicis hujus ustulationis speciei naturam; quibusnam earum quælibet applicari debeat mineris; ac tandem peculiarem uniuscujusque *encheiresin*; necnon figuras, quæ huc referuntur, explicata invenies *Part. II. Sect. II.*

Quæcumque tandem adhibeatur ustul-
la-

lationis species , sequens observanda erit regula : ut scilicet ignis ea lege regatur , ac moderetur , ut mineræ ipsæ nullo modo liquentur ; quo facilius principia separentur volatilia , particulæ vero metallicæ nullatenus dissipentur.

Ea propter , sicut etiam dispendii vitandi ergo , ignem illum , quem ligna alunt , ei qui carbonibus sustineretur , anteponunt Metallurgi.

§. 5.

Dicitur minerarum *Fusio* , cum mineræ igni exponuntur , ut hic eas penetret , nexum rumpat , intimamque partium minimarum attractionem dissolvat , ac propterea ipsas ex statu solido ad illum fluiditatis transire faciat.

§. 6.

Actio illa , qua scorix ex fufis metallis omnino segregantur , *Scorificatio* denominatur.

- A. Scoriarum nomine insignitur massa illa, quæ minerarum fusione, levitatis causa, ad superficiem ascendit; eique sub forma spumæ, aut materiæ vitreæ supernatat.
- B. Hæ autem scorix ex lapidibus, terris, vel substantiis etiam metallicis nascuntur; & ex his toties efformantur, quoties metalla, vel semimetalla mineris contenta facili oxydatione, ac proinde vitrificatione gaudent.
- C. Sunt præterea puræ, aut impuræ: primum obtinet, cum substantiis metallicis omnino carent; secundum, si illas complexu suo contineant.
- D. Sunt etiam vel facilis fusionis, vel difficilis: sed utrumlibet horum fit, tamquam fundentia, minerarum fusionibus applicantur.

§. 7.

Instituatur *Granulatio*, quoties metalla in minimas partes dividuntur, ut facilius liquari possint. Du-

Duplici autem modo instituitur ;

1. Via humida ,

2. —- sicca.

§. 8.

Metallorum nobilium *Excoctio* (Gall. *Affinage*) est illa operatio , qua aurum , platinum , argentum a reliquis omnino separantur ; ac proinde pura , prorsusque utilia evadunt.

Et quamvis ad eam operationem instituendam multiplicia suppetunt media , in quibus numeranda sunt oxidatio ; sulphuris , antimonii crudi , nitrive adjunctio , cætera ; commodissimum tamen , ac tutius est illud *cupellationis*.

§. 9.

Est enim *Cupellatio* operatio ea , in qua posita metalli cujuscvis ignobilis cum nobilioribus miscella , aliud , quod facile vitrescat , adhibetur ; quodque metalla illa imperfecta nobilioribus inhærentia in

scorias reducat , perfecta omnino libera ,
puraque relinquens.

A . . . Iam vero metallum, quod, ut prædictus obtineatur finis , adhiberi jam dudum consuevit , est plumbum ; cujus tamen loco post Cl. VV. *Dufayi* , *Geoffroyi* , *Sagii*que experimenta , wismuthum assumi potest.

B . . . Vasa , eidem operationi inservientia , ex cineribus vegetabilium , aut animalium ossibus fabricantur , ut per eorundem poros metallorum scoriæ transmitti possint. (*Art. III.*)

§. 10.

Exercitatio illa, cujus ope metalla perfecta a se invicem separantur , *Separatio* (*Gall. Depart*) vocari debet.

Hujus operationis fundamentum in co positum est, quod metalla non omnibus , sed propriis , ac peculiaribus menstruis solvantur.

Tres

Tres separationis species numerantur ,

Scilicet { 1. Humida ,
2. Sicca ,
3. Mistra.

A . . . *Separatio* humida triplici modo perficitur :

1 Acido nitrico ; is enim argentum solvit , aurum vero integrum post se relinquit : ut hujusmodi tamen *separatio* accuratissime fiat , necesse est ,

1. ut auri & argenti *quartatio* instituaturs ; argentum enim auro permistum plene duntaxat ab eodem acido referatur , cum portio auri est ad illam argenti :: 1 : 3 ;

2. ut acidum nitricum purissimum sit.

2 Acido nitro-sulphurico, quod Cl. *Keirrus* nuper invenit , ac pro efficacissimo argenti solvente , *Aquæ Regiæ* idcirco nomine decorandum , proposuit. (a) 3.

(a) *Transact. Philosoph.*

3. Acido nitrico-muriatico ; hoc enim intactum ferme argentum linquens , aurum præcipue solvit. Vt in hac *separationis* specie res votis plene respondeat , expedit ,

1. ut massa Granulationi prius subjiciatur ;
2. ut, quomodocumque paratum sit menstruum , ammoniacæ præsentia sedulo vitetur , ne auri fulminatio inde exoriatur.

B... Altera *separationis* species illa est , quæ sicca , s. fusione peracta nuncupatur : hæc duobus modis perficitur ,

1. Auri, argentique connubio sulphure liquato ; argentum siquidem sulphuri adhærens aurum dimittit :
2. Duplicatæ affinitatis auxilio ; ad id assequendum sulphuretum stibii adhibetur , cujus principium alterum ,
ful-

fulphur videlicet , argento copulatur , novo remanente connubio , stibio tantum & auro coalescente. Media vero utriusque miscellæ purificationem instituendi , alibi proprio loco exponetur.

C... Tertia tandem *separationis* species mista , acido muriatico cæmentationis via (Gall. *Depart concentré*) peragitur.

Confecta igitur ex sulphate ferri , ac muriate sodæ miscella (Cæmentum Regium dicitur), massa ex auro argentoque composita eidem accurate permiscetur , ac vehemens admovetur ignis.

In praxi tamen rejicienda videtur hujusmodi *separatio* , ob acidi muriatici oxygenationem , qua non argenti modo , sed auri quoque solvens ipsum redditur.

A R T.

A R T. II.

De Fundentibus.

§. I.

FUNDENTIA appellantur in Docimasia , & Metallurgia ea corpora , quæ refractariorum corporum fusionem facilem reddunt.

Ex quo intelligitur , quantum adcurata illorum cognitio in ejusmodi scientiis interfit , ut iis maxime propriis , debitoque modo , & tempore utamur. Est enim fusio partibus minerarum metallicis explicandis apprimè necessaria ; eæ autem partes cum lapidibus , ac terris , tamquam matricibus , sunt permixtæ , (*Cap. I. Art. III. Def.*) quæ actioni ignis plerumque resistunt , nec sine fundentium auxilio facile liquantur.

§. 2.

Fundentia aut minerarum *propria*, aut extrinsecus *applicata* esse possunt. *Propria* sunt, cum pars metallica iis substantiis exstat involuta, quæ ipsæ per se illius fusionem promovere valent. *Applicata* autem, quum minerarum matrix refractaria est, ipsique admoventur corpora, quæ illius fusionem facilem reddant.

Vt cumque autem res sit, optima certe matricium cognitio viro Metallurgo necessaria est. Et quidem, si matrix fundentes substantias contineat, ne fundentia superflua adhibeantur; sin e contrario, ut eorum habeatur delectus, quum enim pro incredibili mineralium substantiarum varietate, varia quoque fundentia corpora admoveri debeant, quænam adaptari cuilibet mineræ possint, inspiciendum est.

§. 3.

§. 3.

Fundentia corpora aut vi sua *immediate* agunt , aut inteveniente aliorum *combinatione*. Primum autem , quoties ipsamet sola ignis actione fusionem subeunt ; alterum , quum duæ , pluresve substantiæ separatim consideratae fusioni aptæ non sunt , conjunctim autem in vera fundentia abeunt. Ita arena , & argilla , quæ seorsum fusioni obsistunt , si alia tamen alii copulentur , ad fusionem citius subeundam disponuntur ; ita etiam lapides calcarii , & gypsei , qui nec conjunctim fusioni apti sunt , liquefiunt tamen , si tertium aliad corpus , v. g. argilla , iis admoveatur.

§. 4.

Minera duplici modo Metallurgiæ materiam præbere potest. Metallurgus enim aut illius proprietates in minutis quantitatibus explorat ; aut eam in magnis ad proprios , alienosve usus , & utilitatem convertit. In utroque autem casu non omnia fundentia adhiberi possunt : in primo ob eorum volumen ; in altero ob pretii caritatem. Propria ergo Docima-
fiæ

siæ in primis , deinde Metallurgiæ fundentia indicabimus.

- | | | |
|-----------------------------------|---|--|
| Ad Docimasiam præcipue inserviunt | } | 1. Salia alkalina , |
| | | 2. neutra , |
| | | 3. Pulvis carbonum , |
| | | 4. Anatron, s. fel vitri, |
| | | 5. Fluxus , tum albus ,
tum niger ; |

- | | | |
|-----------------|---|--|
| Ad Metallurgiam | } | 1. Pyritæ , |
| | | 2. Lapidés , |
| | | 3. Terræ , |
| | | 4. Scoriæ ex antecedentibus liquationibus obtentæ. |

A R T. III.

D E I N S T R V M E N T I S.

§. I.

De Tubo Ferruminatorio.

METALLVRGVS ad eas quandoque rerum angustias adigitur, ut minerarum tentamina vel sine necessariis instrumentis, vel in minutissimis materiæ particulis instituere cogatur.

Vt igitur incommodis inde provenientibus remedium adhiberetur, insimulque in Aurificum, Encaustarum, atque gemmarum Scalptorum gratiam, ann. 1738 *Andreas Swabius* instrumentum quoddam curvum, (*Tab. I. Fig. 1.*) *Tubi ferruminatorii* nomine appellatum, invenit, ac vulgavit: cujus utraque extremitas A, et B aperta est, ut nimirum aer oris flatu per latiore Tubi partem A intromissus, per angustiore canalis extremitatem B ad candelæ lumen dirigatur, ita ut flammam deflectendo (ut *Fig. 2* apparet) ejus vim adversus mineræ portionem (*Fig. 3*),
quæ

quæ fusioni, aut tentamini subjicitur, agere compellat, quæ quidem mineræ portio cavitare A fluxibus propriis involuta repræsentatur (*Fig. 3, 4*).

Hujusmodi tentamini unica requiritur prævia dispositio, nempe, ut mineræ portio super chalybeam laminam (*Fig. 5*) conteratur: quod ut adcurate fiat, in primis ipsamet minera in centro A laminæ collocari debet, eique annulus (*Fig. 6*) circumponi, ne vel minutissima particula dispergatur, aut pereat: deinde autem proprii adhibentur fluxus.

§. 2.

Tubo prædicto globum C (*Fig. 7*) adjunxit *D. d'Engestron*, in quo aer ex A ad B transiens, humiditatem, quæ oris flatum perpetuo comitatur, deponeret. Cui etiam fini evulgavit *Bergmannus* Tubum suum (*Fig. 8*). (a)

§. 3.

Quo hujus instrumenti ope tentamina rite instituantur, necessum omnino est, ut flammæ actio adversus datam mineræ
por-

(a) *Berg. Opusc. Phys. & Chem.* Tom. 2.

portionem sine ulla intermissione dirigatur. Ea vero operatio duo parit incommoda: 1. enim pulmones fatigat, maxime quum de metallis perfectis fundendis agitur: 2. aer, qui flatu, expirationeque evolvitur, quum sit impurus, nec combustioni omnino aptus est, et processui idcirco moram infert.

Vt ergo primum vitetur, alterum vero minuatur incommodum, inventus est Tubus follibus instructus (*Fig. 9*). Constat instrumentum istud folle triplici pede innixo, cui adjungitur Cylindrus ferreus A in spiram desinens, quo Tubus G, vel g pro rei necessitate ei possit aptari (a).

§. 4.

Iam vero, quamvis aer atmosphæricus præ exspirato aere purior sit, non perinde tamen omnino expurgatus haberi debet: quin e contrario duplici fluido aeri-formi constat, quorum alter combustionem promovet; alter vero illi obstat (*Lem. 8*). Ex iis autem gas oxygenium
ma-

(a) *Observ. Phys. Ros. 1786. Tom. 1.*
M. Hassenfratz.

maxime combustioni favet, eamque, dum omnino exhaustum non est, alit, ac fovet (*Lem. 9*). Quod quum optime animadverterent *Fourcroyus*, *Achardus*, *Gallischus*, *Lavoisierus*, ac *Meusnierus*, gas ipsum oxygenium athmosphærici aeris loco in ejusmodi tentaminibus adhibuere. Huic autem fini variis usi sunt machinis (*a*), quarum eam duntaxat in præsentî adoptamus, quæ (*Fig. 10*) describitur.

Constat autem vase quodam, seu doliolo hydro-pneumatico A, quod aqua ad extremitates *a a a a* impleri possit. In eam vero campana vitrea C introducitur, gas oxygenio recipiendo apta; cujus collo adaptatur pars D ex aurichalco fabrefacta, cum suo epistomio F; in ejusque extremitate Tubus ferruminatorius E E includitur.

Quum vitrea campanula C gas oxygenio adimpleta est, epistomium F aperitur. Illico autem gas per tubum E E exiens, flammamque deflectens ad mineram expositam, vividissimam, rapidissimamque combustionem generat (*Lem. 11*).

§. 5.

(a) Vid. laudatam Memor. 1786 d'*Hassensfratz*.

§. 5.

De Libra.

AB exactissima Libræ constructione, rectoque illius usu pendet optimus tentaminis exitus, adcurataque calculorum subductio. Nostri ergo instituti est ; 1. Libram describere , quæ & paucissimis vitiis laboret , et maxima , quoad fieri potest , commoda referat : 2. methodum indicare , qua illius ope materia quælibet adcuratissime , et sine erroris periculô , quantum per artem licet , ponderetur.

§. 6.

Libræ constructio.

SINT duæ pyramides conicæ ad basim A B C D conjunctæ (*Fig. 11*), et ad verticem linea A C divisæ. Hæ Libræ scapum constituunt , qui ex indurato chalybe constructus , et in extremitatibus *eeee* , quo levior fiat , excavatus esse oportet. In superiori basium parte duo sunt foramina *ffff* , quibus duæ laminæ *gg* chalybeæ adaptari debent : in qualibet autem
earum

earum duo iterum exstabant foramina duabus cochleis *bb* recipiendis apta, ut in *Fig. 12* videre est.

Harum partium conjunctionem exhibet *Fig. 13*. Quum vero prædictæ binæ laminæ sint Libræ scapo accurate parallelæ, cochleæque ei perpendiculares, prætereaque earum apices alter alteri ad amussim respondeant; manifestum inde est Libræ scapum suspensum fore, libereque oscillationes facturum, si duo quidem sint plana, in quibus duarum cochlearum extremitates consistant.

Detur Stylobates (*Fig. 14*) *I L M* ad perpendicularum erectus, ac intra capsulam collocatus in plano ad horisontem exacte parallelo. Ut autem de parallelismo hoc, sicuti etiam de Stylobatæ perpendiculo certi simus, inservit Tubus communicationis *N O P Q*, in quo spiritus vini continetur.

Stylobates ab *L* usque ad *M* bipartitus in furculæ speciem dividitur, ut Libram recipiat, eaque libere oscillare possit.

Duabus stylobatæ extremitatibus duæ quoque laminæ lapideæ *rr* (*Fig. 15*) eximie perpolitæ ac planæ includuntur, in quibus cochlearum apices sustentantur, ut videre est in eadem *Fig. 15*, quæ stylobatam altero tantum latere repræsentat partem Libræ sustententem.

Vidimus hucusque Libræ scapum, in stylobata sustentatum, intra suam capsulam; quæ quidem omnia conjunctim repræsentat *Fig. 16*. Nunc vero, quod ejus constructionis reliquum est, patefaciamus oportet.

Duabus scapi extremitatibus duo apponuntur corpora *S S* (*Fig. 16*) ex chalybe fabrefacta, a quibus ferrea fila pendent lancibus *T T* sustinendis accommodata. In alterutra capsulæ extremitate collocatur corpus mobile *U U*, quod ad arbitrium figi potest, definitque in aciem *X*. Ut autem hujus aciei coincidentiam cum scapo *A*, si opus fuerit, definiamus, corpori *U U* aptatur microscopium simplex *Y*.

Et ea quidem est Libræ constructio. Maxima autem illius commoda jam jam breviter exponenda sunt. §. 7.

§. 7.

Duo maxime in vulgatis Libris earum mobilitati obstant ; scilicet ,

1. Distantia , quæ inter centrum motus , centrumque gravitatis intercedit.
2. Attritus , quem Libræ axis patitur supra superficies , in quibus movetur.

Optima ergo erit Libra a nobis descripta , si duobus iis incommodis , quantum fieri potest , obstiterit.

§. 8.

Libræ sustentatio in cochlearum extremitatibus , quæ ad perpendiculum super duo plana consistunt , pro illius axis est. Centrum itaque motus in ea existat linea , quæ ab ipsis cochlearum extremitatibus ducta fingitur.

§. 9.

Centrum gravitatis in Libræ scapo fixum est. Attamen quum cochleæ attolli , deprimique possint ; poterit idcirco pun-

ctum quoque suspensionis sursum deorsumve adduci. Unde centrum motus, quod in ipso suspensionis puncto consistit (§. 8), mobile erit, poteritque pro cuiusvis arbitrio ad centrum gravitatis accedere, aut ab eo recedere; ita ut facili negotio centrum gravitatis cum centro motus coincidere valeat. In quo primum evertitur vulgarium Librarum incommodum.

§. 10.

In nostra præterea Libra non datur axis transversarius, concavis superficiebus insistens; sed duæ tantummodo chalybeæ acies, quæ super duas superficies planas, duras, ac perpolitas consistunt. Unde minimus erit in ea Libra attritus, ac fere nullus. In quo quidem alterum evertitur, quantum per artem licet, incommodum.

§. 11.

De Libræ constructione, atque præstantia hætenus. Nunc de illius usu.

Ponderanda sit parva auri v. g. quantitas. Ponatur in primis ipsa materia in lance T, quæ extremitati A libræ responderet. Deinde in altera lance T apponantur
mi-

minima cupri, orichalchi, arenæ, &c. fragmenta, aut particulæ, donec perfectum cum data auri quantitate æquilibrium obtineatur, ita ut extremitas A aciei X adcurate respondeat.

Auferatur deinde a lance T prædicta auri ponderandi quantitas, ejusque loco cognita pondera substituantur, donec amissum æquilibrium iterum recuperetur.

Hinc ex præcognitis ponderibus justum auri pondus facile erit æstimare.

Illud interim animadvertendum est, Libram hucusque a nobis descriptam altero etiam incommodo carere in vulgatis Libris frequentissimo, scapi scilicet inflexione, qua fit, ut ipsimet scapi inæquales plerumque reddantur; 1. enim in nostra Libra ipsa brachii, seu scapi configuratio nullum ejusmodi inflexioni locum præstat; 2. et si id aliquando eveniret, nullum inde oriretur incommodum, quandoquidem in ejusmodi Libra a brachiorum æqualitate minime æquilibrium pendet. (a)

§. 12.

(a) Vid. *Observ. Phys.* Ros. 1781 Tom. 1. D. J. Hyacinthi Magellan.

Vid. *Observ. Phys.* Ros. 1788. pag. 144. M. Ramsden.

§. 12.

*De fictitiis ponderibus in minerarum
tentamine adhibendis.*

QVI mineras examini subjicit, ut recte munus suum exequatur, tot fictitiis ponderibus uti opus habet, quot Metallurgus in magnis laboribus mineris ponderandis adhibet: alioquin sæpe sæpius in errore versaretur, inutiliterque tempus longioribus reductionibus consumeret.

Iam vero fictitia, aut docimastica pondera in eo ab ordinariis verisque ponderibus differunt, quod illa multo iis minora sint: quandoquidem minimis substantiarum, quæ tentamini subjiciuntur, quantitatibus ponderandis adhibentur.

Si ergo verum realeque centumpondium, quo Metallurgi utuntur, libras, uncias, octavasque unciae partes contineat, eodem plane modo fictitium centumpondium in tot partes dividendum, ut pondera contineat minora quidem, sed quæ proportionem suam libras, uncias, octavasque repræsentent.

§. 13.

§. 13.

Varia igitur fictitia pondera iis, qui mineras tentamini subjiciunt, necessaria ea plane sunt.

1	100 libræ =	centumpond.
2	64 libr.	
3	32 libr.	
4	16 libr.	
5	8 libr.	
6	4 libr.	
7	2 libr.	
8	1 libr. =	16 unciis.
9	$\frac{1}{2}$ libr. =	8 unc.
10	$\frac{1}{4}$ libr. =	4 unc.
11	$\frac{1}{8}$ libr. =	2 unc.
12	$\frac{1}{16}$ libr. =	1 unc.
13	$\frac{1}{32}$ libr. =	$\frac{1}{2}$ unc.
14	$\frac{1}{4}$ unc. =	1 octav.
15	$\frac{1}{8}$ unc. =	$\frac{1}{2}$ octav.

§. 14.

§. 14.

Et ea quidem pondera fieri debent ex lamellis argenteis quadratis, et quæ signis, quibus distinguantur abinvicem, imprimendis aptæ sint.

Ut autem pondera isthæc signentur, fumatur pondus fictitium 64 libr., quod quidem 64 gran. pondus habere potest: signetur, deindeque cæteris determinandis inserviet.

Imponatur pondus hocce fictitium 64 libr. bilance docimastica (*Fig. 16*), e latereque opposito arenula quantum fieri possit minutissima, sicca, cribroque decussa. Quum autem adfuerit æquilibrium, extrahatur pondus 64 libr.

Arenula vero in duas æquales portiones dividatur, quæ adcuratissime in duabus Libræ lancibus librentur.

Tum vero arena ex alterutra lance demissa, ejus loco argentea apponatur lamina, aliquantulum prioris laminæ dimidio maior. Et ea quidem sensim limæ ope im-
mi-

minuatur, donec perfectum cum arenula, altera Libræ lance relictæ, æquilibrium fervet. Hæc autem lamina, quum sit prioris dimidio æqualis, erit 32 libr.

Cætera pondera (§. 13) indicata facili negotio habebuntur, si nempe arena, ultimo ponderi determinando inserviens, in duas iterum æquales partes dividatur; ejus namque dimidium sequens dabit pondus, itaque deinceps. Illud tamen animadvertendum, parvulis ponderibus, laminarum loco, optime adhiberi fila argentea rectissima, atque cylindrica.

Iam vero pondus 100 libr. facile habebitur, si nempe altera Libræ lance apponantur pondera $64 + 32 + 4$ libr.

Quum enim horum summa centum libras adæquet, pondus profecto ejusmodi summæ dabit centumpondium.

§. 15.

Quum autem aurum, atque argentum pluris quam cæteræ metallicæ substantiæ æstimentur; idcirco ut eorum sinceritatis,
aut

aut adulterationis diversi gradus definiri possent, alia inventa est ponderum divisio.

A. . . Et fictitia quidem pondera, quibus varii sinceritatis gradus in argento determinantur, *Denarii* appellari solent. (*Dinbeiros.*)

B. . . Quæ vero auri sinceritati determinandæ inserviunt, *Karatia* dicuntur. (*Quilates.*)

Quælibet sane argenti portio in 12 æquales partes divisa supponitur:

A. . . Et si quidem argentum sit omnino purum, appellatur *argentum 12 denariorum*;

B. . . Si autem massa 11 argenti, 1 vero mistionis partem contineat, tum vero appellatur *argentum 11 denariorum* &c.

Singuli denarii in 24 grana dividuntur, quæ quidem non realia pondera, sed vero denariorum fractiones habenda sunt.

Au-

Aurum quoque, quæcumque illius portio sumatur, in 24 *Karatia* divisum supponitur.

A. . . Et si massa æstimanda aurum sit purissimum, vocatur quidem *aurum 24 Karatiorum*.

B. . . Si 23 auri partes, unam vero missionis alicujus contineat, erit quidem *aurum 23 Karatiorum*; et ita deinceps.

Singula auri *Karatia* in 32 partes divisa supponuntur, quæ nimirum totidem sunt Karatii cujusque fractiones.

§. 16.

De Cupella.

CUPELLA est vas quoddam fictile, instar depressioris poculi fabrefactum, in quo recipiuntur metalla, quæ nobilium *excoctioni* (Gall. *affinage*) via sicca exponuntur.

Ex ea igitur materia fabrefieri debet, quæ sequentes conditiones adimpleat :

I.

1. Ejus massa ita cohærere debet, ut metalla liquata continere possit; insimulque valde porosa esse oportet, ut iis metallis liberum det transitum, quæ in fusione vitrificationem subierint.
2. Igni violentissimo resistere debet, quin in vitrum abeat.

Substantiæ ejusmodi vasis efformandis aptissimæ sunt animalium ossa, ac vegetabilium cineres.

§. 17.

Ossium præparatio.

1. **D**IVTISSIME in aqua fervente incoquantur ossa, ut ab iis substantiis expurgentur, quæ massæ ex illorum calce efformatæ vel porositatem minuere, vel vitrificationem promovere possint.

2.

2. In calcem aperto igne redigantur. Calcinatio autem tunc absoluta habeatur, quum ossium facies tum intima, tum externa nulla atra labe inquinata fuerit.

3. Calida immergantur aqua, quæ postquam despumata fuerit, *decantatione* emitatur. Altera deinde infundatur, eademque iteretur operatio.

4. Conterantur tandem; exsiccentur; cribroque incernantur.

Ex subactō autem pulvere massa conficitur *Cupellis* Docimasix efformandis aptissima (*Fig. 17.*)

§. 18.

Cinerum præparatio.

EX vegetabilium cineribus tenuissima seligatur portio. Ea autem calida aqua sæpe sæpius abluatur, donec ipsamet aqua omnino insipida tandem reddatur.

Ex hoc deinde residuo, cum ossium terra permisto, magnæ Cupellæ Metallurgicis

gicis tentaminibus inservientes efformantur. (*Fig. 18.*)

§. 19.

Ratio autem cupellas fabricandi in eo consistit, ut massa prædicta aqua in primis humectetur, ita ut pastam constituat, quæ annulo (*Fig. 19*) introducatur; ei deinde imprimatur cylindrus (*Fig. 20*), cujus extremitas A segmentum sphaeræ perpolitum valde exprimit, a quo quidem cavitationis cupellæ configuratio pender.

Hujusmodi autem cavitas ita efformata esse debet, ut vel minima metalli liquefacti quantitas segregata obtineatur.

§. 20.

De Tegula Docimastica.

TEGULA Docimastica (Gall. *Moufle*) instrumentum est docimasticum, figura semicylindrica, vel sphæroidali, magna duritie præditum, ignisque vel violentissimi actioni obfistens, quod cupellis, cæterisque vasis scorificatoriis recipiendis infer-

fervit , ut illius ope a carbonibus , cineribusque decidentibus prohibeantur.

A. . . Tegulæ docimasticæ semicylindricæ , parvis cupellis , vasive scorificatoriis recipiendis aptæ , ad Docimasiam proprie spectant. (*Fig. 21, 22.*)

B. . . Quæ vero sphæroidales sunt , magnisque vasis excipiendis adcommodatæ , in magnis Metallurgiæ laboribus proprium usum habent. (*Fig. 23, 24.*)

§. 21.

Sit *Tegula Docimastica* (*Fig. 21*). Planum horisontale A B C cupellis , cæterisque vasis recipiendis inservit. Tectum semicylindricum B D C vasa ipsa a carbonum , cinerumque casu prohibet. Foramina lateralia E E E E viam igni patefaciunt , ut substantias metallicas vasis contentas immediate attingere , earumque nunc fusionem , nunc vitrificationem promoveri valeat ; aeris præterea , qui huiusmodi operationibus perficiendis requiritur ,

tur, liberum transitum præbent. Latus autem B D C patet omnino, ne operationis progressus Philosophum speculatorem lateat.

Si autem tot aperturæ operationi quandoque noxiæ esse videantur, tunc ostiolum B D C carbonibus, foramina vero E E E E totidem quadrangularibus obturamentis (quæ *Registros* appellamus) obstruantur (*Fig. 25.*)

§. 22.

De Fornacibus.

CUPELLATIONIS operatio, quum in Metallurgicis experimentis frequentissima sit, nec recte omnino, et adcurate in vulgaribus, usitatisque fornacibus institui possit; aliæ idcirco peculiare fornaces adhibentur, quas *reverberii* appellamus, intra quas *Tegulæ docimasticæ*, quæ *cupellas* continent, collocantur.

§. 23.

Sunt igitur Fornaces instrumenta quædam, et igni continendo, et variis, quibus

bus variæ operationes opus habent, caloris gradibus suppeditandis adcommodata.

Quum autem ea calorem gradatim suppeditandi ratio sit necessaria, plurimumque a Fornacûm structura pendeat, harum proinde fabricandarum theoriam dabimus.

§. 24.

Tria maxime in Fornace requiruntur ;

1. Ut magnum valde caloris gradum producere, ac servare valeat ;
2. Ut folle non indigeat ;
3. Ut caloris gradus pro arbitrio augeri, minuive possint.

Primum ac secundum obtinentur, quoties aeris fluentis copia libere focum permeare potest : actio autem aeris in ignem erit in ratione illius massæ, ac celeritatis, cætera si sint paria. Quod si præterea ea sit Fornacis structura, ut aeris copia pro lubitu augeri, minuive possit,

H

gra-

gradus quoque caloris minuere vel augere in nostra erit potestate ; quod erat tertium in Fornace requisitum.

§. 25.

Sit spatium quodlibet lateraliter undique clausum , desuper autem , inferneque apertum. Si media hujus spatii parte corpora combustibilia ardeant , ignis calor superiorem aerem rarefaciendo , vacuum quoddam efformabit ab inferiori aere , vi incumbentis columnæ ascendente , statim adimplendum. Jam vero tum superioris aeris rarefactio , tum inferioris ascensus continuo sibi succedent , dum perdurabit combustio : habebitur ergo hoc modo aeris fluentis , & continuo renovati copia , quæ spatium datum liberrime permeabit.

Proportiones altitudinis ac diametri superioris partis spatii ad altitudinem ac diametrum inferioris partis dabunt maiorem , minoremve caloris intensitatem.

Quislibet præterea datus caloris gradus augeri adhuc , minuive poterit ,

rit , prout ostiola quædam diversis spatii punctis existentia aperta , clausæ fuerint.

§. 26.

Sit spatium (*Fig. 26*) tribus partibus *a a a a* , *b b b b* , *c c c c* constans. Pars *b b b b* Fornacis corpus constituit , habetque diametrum 1. pedis , altitudinem vero 18 pollicum : illius parietes sunt 2 pollicum crassitudinis ; quare Fornacis diametros = 8 poll. (*Fig. 27.*)

Corpus istud in tres iterum partes , seu horizontales sectiones B , C , D dividitur.

D est veluti officina , seu *laboratorium* , in quo *Tegula docimastica* collocatur. Ejus porta n.º 4 est 4 poll. lata , alta vero $3 \frac{1}{2}$ poll.

Alia præterea datur porta duplici foramine instructa , pro commodiori progredientis operationis observatione (*Fig. 28.*)

C est focus , cujus porta n.º 3 lata est $5 \frac{1}{2}$ poll. , alta vero 4 poll.

H 2

B est cinerarium, cujus porta n.º 2
alta est 4 poll., lata 8 poll.

Fundus cinerarii B aperiri, claudique pro arbitrio potest; ad amussimque respondet columnæ A, quæ intus cava est, portamque habet n.º 1. Collocatur autem sublimis e terra, supra quatuor lateres, quo maxima fluentis aeris copia libere intrare possit; ita ut aperto cinerarii fundo, clausaque porta n.º 2, aer ipse portam alteram n.º 1 ingrediatur, totumque Fornacis spatium permeet.

Pars c c c c pyramide E constat, ac duplici tubo, seu camini spiraculis F, G. Pyramis E 9 poll. alta est, ac prope apicem truncata, ubi aperturam 3 pollicum habet, tubis adaptandis propriam. Tubi autem altitudinem habent 20 poll., latitudinem vero 4.

In aliquo pyramidis E plano exstat porta semicircularis n.º 5, quæ $6\frac{1}{2}$ poll. lata est, alta autem 4 poll., carboni intromittendo inserviens.

Internam hujus fornacis constructionem exhibet *Fig. 29.*

§. 27.

Quum in foco C corpora combustibilia ardent, ignis calor aerem in D, E, F, G contentum rarefacit: totum autem illud spatium extemplo novo aere impletur, qui sive per portam n.º 2, sive, ea clausa, apertoque cinerarii fundo, per alteram n.º 1 ingreditur. Primo in casu *Cupellæ*, altero *Fusionis Fornacem* habebimus. Et ea quoad Fornacûm theoriam satis sint, quæ quidem facili negotio ad usum reduci possunt.

C A P. III.

De nonnullis veritatibus ad theoriam illustrandam accomodatis.

Lem. I.

CORPVS combustibile illud vocatur, quod ex natura sua oxygenio copulari nititur.

Lem. II.

Corpus combustibilitatem ipsi propriam amittit, cum ejus ad oxygenium nisus, ob illius cum ipso oxygenio saturationis statum, omnino evanuit. *Lem.*

Lem. III.

Idem corpus combustibile iterum devenit, quoties ipsi oxygenium quomodo-cumque abstrahitur.

Lem. IV.

Acida cuncta communi gaudent acidificationis principio.

Lem. V.

Principium hoc acidificans, acidis omnibus commune, ad eorumque constitutionem necessarium, oxygenium est.

Lem. VI.

Radicalia vero acidificabilia in unoquoque acidorum differunt, ex illorumque varietate diversa pendet acidorum natura, ac proprietates.

Lem. VII.

Aer vitalis ex oxygenii cum calórico compositione provenit.

Lem.

Lem. VIII.

Aer athmosphæricus ex gas oxygenii, & gas azotici, seu potius oxygenii azotisque, in statu gas constitutorum, unione originem ducit.

Lem. IX.

Inter fluida quælibet elastica vitalis tantum aer substantiarum metallicarum inservit combustioni.

Lem. X.

Metallicæ substantiæ in aere athmosphærico combustibiles existunt, quod oxygenium, in cujus mutuos amplexus ruunt, aere ipso inexistit.

Lem. XI.

Quæ in aere vitali locum obtinet combustio, vividissima est, ac rapidissima.

Lem. XII.

Quamvis substantiarum metallicarum
com-

combustioni aer vitalis maxime inferviat , non integer tamen in iisdem fixus ipse redditur , sed ejus tantum basis , oxygenium.

Lem. XIII.

Rapida substantiarum metallicarum combustio cum caloris lucisque evolutione conjuncta est , quæ ab aeris vitalis substantia segregantur.

Lem. XIV.

Substantiæ metallicæ sunt corpora simplicia.

Lem. XV.

Metallicarum substantiarum oxydatio , five aquæ , five ignis , five aeris , aut acidorum denique ope fiat , earundem substantiarum cum oxygenio compositio nunquam non est.

Lem. XVI.

Oxyda metallica ex primo oxygenationis gradu proveniunt.

Lem.

Lem. XVII.

Oxyda metallica metallis, a quibus originem duxerunt, graviora sunt.

Lem. XVIII.

Menstrum, ut præsentissima obtineatur dissolutio auri, est acidum nitro-muriaticum, vel muriaticum oxygenatum.

Lem. XIX.

—— Platini, est acidum nitro-muriaticum, vel muriaticum oxygenatum.

Lem. XX.

—— Argenti, acidum nitricum.

Lem. XXI.

—— Cupri, acidum nitricum.

Lem. XXII.

—— Ferri, acidum sulphuricum, vel nitricum.

Lem.

Lem. XXIII.

———— Stanni , acidum nitro-muriaticum, vel muriaticum oxygenatum.

Lem. XXIV.

———— Plumbi , acidum nitricum.

Lem. XXV.

———— Niccoli , acidum nitricum.

Lem. XXVI.

———— Zinci , acidum sulphuricum , vel nitricum.

Lem. XXVII.

———— Arsenici , acidum nitro-muriaticum.

Lem. XXVIII.

———— Wismuthi , acidum nitricum.

Lem.

Lem. XXIX.

———— Cobalti, acidum nitricum, vel
muriaticum.

Lem. XXX.

———— Magnesii, acidum nitricum.

Lem. XXXI.

———— Molybdæni, acidum nitricum,
vel arsenicale.

Lem. XXXII.

———— Stibii, acidum nitro-muriaticum.

Lem. XXXIII.

———— Tunsteni, acidum muriaticum,
vel nitricum.

Lem. XXXIV.

———— Hydrargyri, acidum nitricum,
vel sulphuricum.

Lem.

Lem. XXXV.

Substantiæ metallicæ aptatis menstruis dissolutæ ex solutionibus deturbari possunt.

Lem. XXXVI.

Corpora ad præcipitationes inservientia enumerantur salia alkalina, liquores acidi, salia composita, aqua, terræ, necnon metalla ipsa.

Lem. XXXVII.

Ex dato præcipitati pondere, substantiæ metallicæ dissolutæ quantitas æstimari potest.

Lem. XXXVIII.

Auri 110 grana per sodam præcipitata, ex solutione nitro-muriatica, respondet
gr. - - - - - 100 Reguli.

— per carbonatem sodæ - 106 = 100 Reg.

— per sulphatē ferri - - 100 = 100 Reg.

Lem.

Lem. XXXIX.

Argenti 129 gr. per carbonatem sodæ præcip. ex solut. nitrica - - - = 100 Reg.

— per sodam præcip. - 112 = 100 Reg.

— per prussiatem potassæ 145 = 100 Reg.

— per muriatem sodæ - 133 = 100 Reg.

— per sulphatem sodæ - 134 = 100 Reg.

Lem. XXXX.

Cupri 194 per carbonatem sodæ præcip. ex solut. nitrica - - - - - = 100 Reg.

— per sodam præc. - - - 158 = 100 Reg.

— per prussiatem potassæ 530 = 100 Reg.

Lem. XXXXI.

Ferri gr. 225 per carbonatem sodæ præc. ex solut. muriatica, vel sulphurica, gr. respondent - - - - - 100 Reg.

— per sodam - - - - - 170 = 100 Reg.

— per prussiatem potassæ 590 = 100 Reg.

Lem.

Lem. XXXXII.

Stanni gr. 131 per carbonatem sodæ præc. ex solut. nitro-muriatica = 100 Reg.

— per fodam - - - - - 130 = 100 Reg.

— per prussiat. potassæ - 250 = 100 Reg.

Lem. XXXXIII.

Plumbi gr. 132 per carbonatem sodæ præc. ex solut. nitrica - - - - = 100 Reg.

— per fodam - - - - - 116 = 100 Reg.

— per sulphat. sodæ - - 143 = 100 Reg.

Lem. XXXXIV.

Niccoli gr. 135 per carbonat. sodæ præc. ex solut. nitrica - - - - = 100 Reg.

— per fodam - - - - - 128 = 100 Reg.

— per pruss. potassæ - - 250 = 100 Reg.

Lem. XXXXV.

Zinci gr. 193 per carbonat. sodæ præc. ex solut. nitrica - - - - - = 100 Reg.
per

— per sodam - - - - - 161 = 100 Reg.

— per prussiat. potassæ - 495 = 100 Reg.

Lem. XXXXVI.

Arsenici gr. 180 per prussiat. potassæ
præc. ex solut. nitro-muriat. = 100 Reg.

Lem. XXXXVII.

Wismuthi gr. 130 per carbonat. sodæ
præcip. ex solut. nitrica - - - = 100 Reg.

— per sodam - - - - - 125 = 100 Reg.

— per prussiat. potassæ - 180 = 100 Reg.

— per aquam - - - - - 113 = 100 Reg.

Lem. XXXXVIII.

Cobalti gr. 160 per carbonat. sodæ
præcip. ex solut. nitrica - - - = 100 Reg.

— per sodam - - - - - 140 = 100 Reg.

— per prussiat. potassæ - 142 = 100 Reg.

Lem.

Lem. XXXXIX.

Magnesium gr. 180 per carbonat. sodæ præcip. ex solut. nitrica - - - = 100 Reg.
 — per sodam - - - - - 168 = 100 Reg.
 — per prussiat. potassæ - 150 = 100 Reg.

Lem. L.

Stibii gr. 140 per carbonat. sodæ præc. ex solut. nitro-muriatica - - - = 100 Reg.
 — per sodam - - - - - 138 = 100 Reg.
 — per prussiat. potassæ - 138 = 100 Reg.

Lem. LI.

Hydrargyri gr. 110 per carbonat. sodæ præcip. ex solut. nitrica - = 100 Reg.
 — per sodam - - - - - 104 = 100 Reg.
 — per prussiat. potassæ - 119 = 100 Reg.

(a)

Lem.

(a) Circa platini, molybdæni, ac tungsteni præcipitationes, pauca adhuc exstant experimenta.

Lem. LII.

Oxydi antimonialis gr. 138, ab acido nitrico oxydati, reguli gr. 100 respondent.

Lem. LIII.

Stanni gr. 100, ab eodem acido oxydati, gr. 140 largiuntur.

Lem. LIII.

Zincum, ferrum, cuprum, metalla reliqua, paucis exceptis, sub regulina forma, ex suis menstuis dejiciunt.

Lem. LV.

Dum metalla alia ab aliis sub forma reguli præcipitantur, ponderis decrementum, quod in præcipitante amissum est, prænotari debet, ac in præcipitato, quod ex nova solutione obtinetur, subducendum est: nobis gitor subducta hæc quantitas erit = *a*.

THE UNIVERSITY OF CHICAGO

THE UNIVERSITY OF CHICAGO
THE UNIVERSITY OF CHICAGO

THE UNIVERSITY OF CHICAGO
THE UNIVERSITY OF CHICAGO

THE UNIVERSITY OF CHICAGO
THE UNIVERSITY OF CHICAGO

THE UNIVERSITY OF CHICAGO
THE UNIVERSITY OF CHICAGO

THE UNIVERSITY OF CHICAGO
THE UNIVERSITY OF CHICAGO

THE UNIVERSITY OF CHICAGO
THE UNIVERSITY OF CHICAGO

THE UNIVERSITY OF CHICAGO
THE UNIVERSITY OF CHICAGO

THE UNIVERSITY OF CHICAGO
THE UNIVERSITY OF CHICAGO

THE UNIVERSITY OF CHICAGO
THE UNIVERSITY OF CHICAGO

THE UNIVERSITY OF CHICAGO
THE UNIVERSITY OF CHICAGO



PARS ALTERA.

SECTIO PRIMA.

DE

DOCIMASIA.

CAP. I.

§. I.

DOCIMASIA ea est scientia, quæ substantiarum minerarum quamlibet componentium diversitatem, & quantitatem tentaminis via determinat; æstimans nimirum ex effectu laboris circa exiguas quantitates suscepti, quinam ex magnis laboribus effectus, utilitatesque capi possint.

§. 2.

Ea igitur scientia chemicam continet analysin, in qua etiam usus calculi locum

habet. Ejus vero finis est exacta substantiæ, substantiarumve metallicarum, quæ mineris continentur, speciei, earumque inter se proportionis cognitio; ita ut illius ope, quomodo substantiæ aliæ ab aliis disjungendæ, atque ad utilitatem convertendæ sint, definire valeat Philosophus.

§. 3.

Quum autem hanc scientiam non sub ea generali ratione (quod quibusdam placuit) pertractemus, ut omnium mineralium tentamina comprehendat; idcirco mineras tantum pro illius objecto constituimus. (*Part. I. C. I. Art. VII. §. 2.*)

§. 4.

Ante Agricolam nulla erat nisi in Laboratoriis Doeimasia, cujus quidem præcepta experimentis solum nixa alii ad alios quasi traditione quadam trans mittebant. Ergo primus ille fuit, qui utilissimam hanc scientiam, quam Metallurgiæ basim recte appellaveris, e chao fere eduxit; quem postea subsequuti sunt *Erckerus*, *Modestinus Fachsius*, *Allonfus Barba*, *Edwardus*,

du , *Schindlerus* , *Kieslingus* , *Geoffroyus* , *Gelbertus* , *Schluterus* , *Hellotus* , *Scribe-*
rus , *Delius* , *Monetus* , *Cramerus* , *Buque-*
tius , *Henckelius* , a quibus plurima utilia
repetas. Maximam tamen huic scientiæ
perfectionem addiderunt *Stablius* , *Ber-*
gmannus , *Sagius* , aliique.

§. 5.

Metallicas substantias omnino puras
raro admodum nobis exhibet natura: quin
imo eas in penitissimis terræ abditis recon-
dit , iis plerumque substantiis copulatas ,
quæ valde illarum proprietates immutant:
unde hominis est labore & industria eas
e terræ latebris educere , alias ab aliis se-
jungere , & propriis iterum qualitatibus
quodammodo exornare : ast quum nec
metallicarum substantiarum qualitas , at-
que natura , nec quantitas atque proportio
simplici mineræ intuitu determinari pos-
sit , Docimasiaque certo utrumque defi-
niat (§. 1.) , inde est , quod una ea sit
scientia , quæ Metallurgum de suorum la-
borum fructu capiendo certum reddat ;
sine qua profecto neque metallorum fun-
dendorum , neque monetæ cudendæ offi-
ci-

cinæ aut exstare , aut certe utiles esse possunt : tanta siquidem est Docimasiæ necessitas , & in publicam felicitatem comoda.

§. 6.

Substantiæ metallicæ , quamvis generalibus quibusdam attributis inter se omnes conveniant (*Part. I. C. I. Art. I.*); differunt tamen , tum proprietatibus quamplurimis (*Art. II.*), tum diverso , quo reperiuntur , statu. (*Art. III.*)

§. 7.

Quin etsi mineralogicæ notiones (*Part. I. C. I. Art. IV.*) Tubi ferruminatorii ope ratione (*Part. I. C. II. Art. III.*) confirmatæ satis essent , quo minera quælibet cognosci, atque in certam classẽ reduci posset ; attamen quum Docimasia non solum circa mineræ speciem , sed & circa substantiarum metallicarum proportionem versetur (§. 2) , huic fini consequendo aliæ proculdubio operationes requiruntur.

§. 8.

§. 8.

Duplex autem est hujusmodi operationum species : aliæ siquidem universas mineras generatim respiciunt ; aliæ vero in determinato duntaxat mineræ cujusvis statu locum habent. Ac de prima quidem specie hoc Capite agemus, cæteras tractaturi, quum singulas metallicas substantias perpendentes, specialem earum practicam exponemus.

§. 9.

Iam vero Docimasie duplex quoque existat species, quarum prima *Sicca* est, altera *Humida*. Nunc de prima. Quum autem illius vitia, & incommoda observaverimus, tum quidem de altera, ejusque præstantia sermonem faciendi locus erit.

§. 10.

De Docimasia Sicca.

QUandoquidem substantiæ metallicæ inæqualiter in mineris existant distributæ (§. 5) ; inde est, quod plerumque nec
omnes

omnes in eadem minera venæ, nec eadem in diversis locis ex æquo divites sint. Prima ergo Docimasiæ operatio in metallicis substantiis debite commiscendis versatur. (*Part. I. C. II. Art. I. §. 3.*)

§. II.

Ex data igitur minera tres sumantur æquales portiones ; alia nimirum ex divitiori vena ; alia ex minus divite ; tertia denique ex pauperrimo loco desumpta , quod etiam fieri debet , si unica tantum vena constet minera. Prædictæ tunc permisceantur portiones , triturenturque , ut nempe triturationis commoda (*P. I. C. II. Art. I. §. 1.*) obtineantur.

§. 12.

Ex ea vero ita præparata mineræ portione duo sumantur , triave centumpondia (*P. I. C. II. Art. III. §. 13.*) in Docimastica Balance (*Fig. 16*) adcuratissime librata, quæ deinde ustulentur. (*P. I. C. II. Art. I. §. 4.*)

§. 13.

§. 13.

Ustulatio in Docimasia eadem semper est, quod ad vasa adtinet: at si diversæ considerentur mineræ, varia quoque esse potest.

Docuimus nimirum in *I. Part.* ustulationem eo tendere, ut corpora volatilia, quæ vel fusioni obstant, vel, si eam promoveant, metallicarum tamen substantiarum puritatem vitiant, evolvantur: quamobrem quælibet mineræ portio, postquam trituratione in minutissimas partes divisa fuit, vase quodam ignis actioni subjicienda.

Trituratio hîc speciatim requiritur, ut aucto superficierum numero, volatilia corpora facilius erumpant.

§. 14.

Quum vero mineræ quædam vi fluidorum elasticorum crepitantes huc & illuc metallicas partes disjiciant, quæ, minimæ quamvis, in errorem tamen inducere possent; idcirco, ut huic malo occurratur, in
subli-

sublimatorio vase mineram ustulare oportebit , qua præparatione duo consequuntur :

1. Tentaminis perfectio: servata nàmque eadem superficie , sufficientique spatio , volatilia corpora heterogenea facillime evolvi , & in superiori vase recipi possunt ; impedita tamen metallicarum particularum dissipatione , quæ alioquin inevitabilis foret.

2. Iustæ mineralisantis substantiæ quantitatis cognitio : quæ quidem obtinetur non ex ponderis inter mineram ustulatam , ac non ustulatam , differentia ; (minera siquidem ustulata , quum ex parte saltem oxydationem patiatur , majus pondus ex oxygenio acquirere debet ;) sed vero ex corporum , quæ ustulatione avolarunt , & sub interna superioris vasis parte colliguntur , pondere.

Et ea sane ratio est , cur in cujuslibet
mi-

mineræ tentamine ustulatio, quod ad vas ustulatorium, eadem semper fit: nec valde interfit, existet, nec ne cum atmosphærico aere contactus (contra atque opinatus est *Cramerus* in *Docim.* Tom. I, p. 29, §. 126); caloricum namque verum est vaporum vehiculum.

§. 15.

Iam vero, quod ad diversas mineras, diversa quoque est ustulatio; cujus quidem rei eæ sunt rationes:

1. Quia pro varia corporum, quæ evolvenda erunt, quantitate, & cum metallicis substantiis adhæfione ac nexu, majori etiam, minorive ustulationum numero subjicienda est minera.
2. Quia pro diverso fusibilitatis, volatilitatisque gradu, quibus tum metallicæ, tum cæteræ substantiæ pollent, juste æstimandum est, quinam caloris gradus adhiberi debeant.

§. 16.

§. 16.

Ustulatio tunc perfecta putabitur , quum minera proprium oxydi sui colorem emiseric. Ast si minera cognita adhuc nobis non fuerit , alia erunt perfectæ ustulationis indicia ; scilicet , quum nullus sulphuris , arsenicive odor sentiatur, quumque , novo papyraceo obturamento vasi appposito , igneque continuato , nulla tamen obturamento corpora adhærescant.

§. 17.

Mineræ ustulationem sequitur illius reductio , quæ quidem *Fundentium*, ac *Reductivorum* in Part. I. C. II. Art. II. descriptorum ope perficienda est, quo nempe promptissima sit exoxydatio. Fundentia tamen ac Reductiva tum qualitate , tum quantitate varia esse oportet. Et , quod ad Fundentia quidem , duo animadvertere est :

- I. Non omnes metallicas substantias eodem fusibilitatis gradu polle-
re ; ac proinde probe notandum,
quemnam tentanda minera gra-
dum

dum attingat , quo scilicet vehementiora fundentia , eaque in majori quantitate admoveantur , aut e contrario.

2. Mineræ matricem aut fusibilem , aut refractariam esse posse. (*P. I. C. II. Art. II.*) Primo in casu minorem fundentis quantitatem applicari oportere , quum & ipsa mineræ matrix fundentis vices agat. Altero, fundentia maxime activa , & in majori quantitate opus esse , quum non solum metallica substantia , sed matrix etiam fundenda sit.

Quod vero ad Reductiva adtinet , duo etiam probe perpendenda sunt :

1. Diversus metalli oxydationis gradus ;
2. Maior minorve ipsum exoxydandi difficultas.

§. 18.

Diximus hucusque , quomodo per portio-

tiones commiscenda minera (§. 11) ; quænam quantitas in tentamen affumenda (§. 12) ; qua ratione ustulanda , attenta nimirum mineræ , mineralisantium , matricisque natura (§. 13, 14, 15) ; quando nam ustulatio perfecta habenda sit (§. 16) ; & quænam Reductiva , ac Fundentia adhibenda pro varia mineræ , matricisque substantia (§. 17). Nunc ergo , qua arte tentamen perficiatur , exponendum est.

§. 19.

Sumatur quædam mineræ portio (§. 12) , eaque ustulata cum alkalinis , neutrisve salibus misceatur , & cum albo aut nigro fluxu in ea proportionem adhibitis , quæ mineræ statui , ac naturæ conveniens judicabitur. Adjungatur præterea quædam fellis vitri , ac ferri scobis portio , omniaque ita permista in catinum conjiciantur , ita tamen , ut semiplenus ipse remaneat. Injiciatur desuper muriatis sodæ decrepitati quantum materiæ tegendæ sufficiat. Adcurate deinde occludatur catinus , totusque luti humor blando exsiccet igne.

Introducatur postea catinus in fornacem

nam (*Fig. 26*) ; claudatur cinerarii fundus ; aperiaturque portula (n.º 2). Altera tum portula (n.º 5) tantum carbonis injiciatur , donec catinum operiat ; accensoque igne ita temperetur ejus calor , ut catinus sensim incandescat. Carbone denique repleatur fornax , clausaque porta (n.º 2), aperiatur cinerarius , & porta (n.º 1), ut nimirum perfecta obtineatur fusio.

Continuato igne per illud temporis , quod perfectæ fusioni obtinendæ requiritur , catinus e fornace extrahatur , perpendicularique situ servetur : levibus deinde ictibus feriantur ejus latera : tum vero frigescat : ac tandem infringatur.

Scholion.

Mineram cum salibus , fluxibus , ac vitri felle permiscemus :

Quum enim minera exoxydanda , ac fundenda sit , Reductiva profecto , Fundentiaque requiruntur. Fel autem vitri mutuum cum fluxibus ad mineræ fusionem operam confert.

Ad-

Adjungitur ferri scobis pauca quantitas :

Enim vero mineræ, præsertim pyriticosæ, cum sulphure adfinitatem habent, ut, vel ustulatione peracta, sulphuris adhuc particulæ mineræ adhærentes remaneant. Quum ergo sulphur universis fere metallicis substantiis adhæreat (*Part. I. C. I. Art. II. §. 7. VIII.*), sive cum fluxuum alkalinis copulatum sulphuris hepar, quod universas metallicas substantias dissolvit (*§. 7. IX.*), efformare possit; idcirco ferrum adhibetur, ut totum omnino sulphur absorbeatur.

Catinus semiplenus remanere debet :

Ut nimirum, si corpora ibi contenta effervescentia rarefiant, attamen luta minime rumpan-
tur.

Desuper deinde injicitur sodæ murias :

Quo nempe aeris contactus, &
cum

cum eo operationis vitium, perturbatioque vitetur.

Adhibentur fluxus jam efformati ; murias sodæ decrepitatum ; exsiccaturque præterea catinus, antequam in fornacem mittatur :

Idque, quo minus detonatione, quæ fluxuum formationem comitari solet, vas rumpatur ; quod etiam incommodum, tum ex aqua muriatis sodæ, tum ex luti humore in vapores resoluti, provenire poterat.

Mitior primum adhibetur ignis :

Ut nempe vas operationis vim sustinere possit.

Catinus e fornace eductus perpendiculariter servatur :

Quo scilicet proprius unicuique substantiæ ibi contentæ locus idem, immutabilisque permaneat.

Levibus ictibus catini latera feriuntur :

K

Ut

Ut minimæ quædam metallicæ particulae, quæ adhuc fluidis scoriis immistæ manent, eo motu agitatae, majori sua specifica gravitate ad fundum vasis descendant, ibique coacerventur.

Catinus tandem frigescere debet; posteaque confringi:

Ut nimirum regulum omnino compactum, scoriisque penitus separatis, obtineatur.

§. 20.

Fracto catino, si regulum asperum & cavernosum apparuerit, scoriamque spongiosam, ac metallicis globulis refertam, iteranda erit operatio, quum tentaminis finem nondum fuerimus assequuti. Tumque solum processus perfectus putabitur, quum scoriam apprime fuerint compactæ, globulusque metallicus superficiem exhibuerit perpolitam, convexam, nativoque fulgore & colore præditam.

§. 21.

§. 21.

Docuimus (§. 19) qua methodo tentandæ sint eæ mineræ , quarum reductio difficillima habetur. Quum autem agentium vim ac virtutem explicaverimus (ejusdem §. 19 Scholio) ; facile inde erit intelligere , quænam in aliis mineris omitenda , prout nimirum major in minorve fuerit in iis tentandis difficultas.

§. 22.

Nunc vero , ut totius operationis finem consequamur , adnotare primum oportet duplicem illum esse (§. 2) ; nimirum substantiæ , substantiarumve metallicarum , quæ mineris continentur , 1. speciem , 2. proportionem cognoscere.

A. . . Et quoad speciem , si minera quidem unicam metallicam substantiam contineat , facillime ea cognoscetur ; metallum enim vero , aut semimetallum sese liquido observatori patefacit.

B. . . Quod autem ad proportionem ad-

tinet ; regulum in primis ex operatione obtentum in balance (*Fig. 16*) librare oportet : dein vero illius pondus cum pondere ad tentamen assumpto (§. 12) comparare ; indeque sequentem instituere proportionem

Fictitium centumpondium est ad illud verum , ut prioris productum ad productum alterius.

Hinc vero iuste æstimabitur , quantum utilitatis ex magnis circa mineram susceptis laboribus capere liceat.

§. 23.

Ex iis , quæ circa processum via sicca institutum dicta hucusque sunt , illud cum *Bergmanno* colligendum est : tria nimirum in Docimasia sicca omnino requiri , quod si vel unum desit , imperfectum erit , vitiosumque tentamen.

1.º Enim quælibet sive metalli , sive semimetalli portio adcuratissime exoxydari debet , huncque statum servare.

2.º

2.^o Perfecta requiritur omnium substantiarum fusio.

3.^o Ne una quidem metallicæ substantiæ atomus remanere debet, quin ad fundum vasis descendat.

A. . . Ac prioris quidem requisitæ conditionis ea ratio est : quod sine exoxydatione regulus obtineri non possit ; at si obtentus quidem iterum oxydetur, tunc vero jacturam patiatur.

Iam vero, qui via sicca adhibentur fluxus, naturam habent salinam, ac proinde metallicam substantiam aliquantum petunt, quod experientia patet, quum scorix oxydorum colore tinctæ appareant. Fieri ergo potest, ut quædam metallicæ particulæ aut omnino non exoxydentur ; aut, si id quidem, oxydationem iterum patiantur, quod sane tentaminis perfectioni adversatur.

B. . . Aliud quoque requisitum plane necessarium est. Enim vero processus tunc solum perfectus putatur, quum regulus splendens,
con-

convexus , ac superficie æquali admodum , scorix vero compactæ apparent (§. 20). Iam verò tum ad harum vitrificationem , tum ad illius reductionem perfecta omnino requiritur fusio.

Hæc autem ut via sicca obtineatur , aeris contactum penitus vitare oportet (Schol. §. 19) ; proindeque processum clausis vasis perficere (§. 19). Quo fit , ut caloris gradus accurate metiri non possimus. Inde autem facile continget , ut majori minorive , quam oportet , calore adhibito , regulus minuatur , neque tutum circa mineram iudicium ferre possimus.

C. . . Tertium tandem requisitum nihilominus necessarium est. Nam fluida corpora heterogenea , diversa densitate prædita , proprium sibi locum gravitate sua petunt ; ac proinde metallicæ substantiæ , quum sint graviores , ad fundum vasis descendent. Iam vero quandoquidem reguli ac mineræ pondera sunt
in-

inter se comparanda (§. 22); requiritur profecto, ut nulla, vel minutissima metallica particula a toto separata remaneat; hinc enim pendet iusta mineræ æstimationis.

At via ficca ea de re certi esse non possumus: minimæ siquidem metalli particulæ, quæ fluidæ, ac tenaci scoriarum massæ quasi immersæ agitantur, non omnes attritum, quem ibi patiuntur, superare, reguloque adjungi possunt.

§. 24.

Aliud tandem adhuc incommodum via ficca secum fert. Nimirum; etsi metallicæ substantiæ fusæ majori sua gravitate fundum vasis petant; attamen si non unus solum, sed diversarum specierum eæ sint, inter se uniuntur, *mixturemque* efformant (*P. I. C. I. Art. II. §. 7. XVI.*). Quum ergo metallicæ mineræ duas, tres, quatuor, pluresve diversas metallicas substantias plerumque contineant; ex iis profecto exoxydatis (si in eo sint statu) ac fusis aliæ aliis adhærebunt, sed permixtæ quidem, ita ut non plane, ac dilucide,
omni-

omnique dubio procul se se observatori prodant.

Et ea quidem sunt , quæ viam ficcam comitantur , incommoda : quæ omnia , aut saltem maxima ex parte si via humida vitentur , ea profecto & securior , & adcuratior habenda erit.

§. 25.

De Docimasia Humida.

Substantiæ metallicæ in triplici tantum statu reperiuntur (*P. I. C. I. Art. III.*) nimirum ;

1. Nativo ,
2. Mineralifato ,
3. Salino.

A. - - Quæ ad priorem statum pertinent , dupliciter sese produnt :

1. Heterogeneis corporibus permistæ ;
2. Matrici coagmentatæ.

Primo in casu præsto nobis est simplicissima lotionis operatio. (*P. I. C. II. Art. I. §. 2.)*

Al-

Altero autem , probe perpendendum est matricem ne , an substantiam ipsam metallicam solvere oporteat , quænamque menstrua ad id adhibenda sint.

B. - - - Si metallicæ substantiæ in statu mineralisato reperiantur , tunc profecto tentaminis finem via humida consequemur ; qua non solum ipsasmet substantias ab iis , quæ metallicæ non sunt ; sed etiam alias ab aliis facili negotio segregabimus.

Novimus enim vero (ex *Lematib.*) quænam sint menstrua unicuique substantiæ propria : pariterque nobis notum esse potest (*Lem.* 36), quænam corpora iis præcipitandis apta sint. (a)

C. - - Eademmet theoria in eas transferri potest substantias , quæ statu salino fuerint repertæ.

§. 26.

(a) In iis mineris , in quibus sulphur acidorum actioni in metallicas substantias obsistit, ustulatio præmittenda est.

§. 26.

Præcipitatorum ope duo nobis innotescunt, quæ tentaminis objectum constituunt: scilicet substantiarum metallicarum

1. Species,
2. Proportio.

Præcipitata enim vero in triplici forma obtineri possunt: nimirum

1. in statu Reguli,
2. - - - - Oxydi,
3. - - - - Combinationis.

A. - - - Primo in casu ex characteribus classim; inde vero *speciem* cognoscemus.

Ex obtenti autem ponderis comparisonem cum eo quod sumpsimus, substantiarum *Proportio* eruenda erit (§. 22).

B. - - - Altero, ac tertio casu ex proprietatibus, quas in præcipitatis notabimus, *Species* nobis innotescet.

Quum-

Quumque (ex *Lematib.*) noverimus , quantum ponderis iis præcipitatis accedat , quæ determinatis præcipitantibus obtinentur , hujus excessus subtractione facta , cum eo , quod ponderis residuum fuerit , eandemmet comparisonem (§. 22) instituemus , e qua tandem quæsitæ eruitur *Proportio.* (a)

§. 27.

Præparationes Docimasix humidæ tentaminibus præmittendæ , eæ sunt:

1. Mineræ in tenuissimum pulverem trituratione ac levigatione reducendæ.
2. Præcipitationes nonnisi vitreis vasis faciendæ, eaque cura , ut nihil in dissolutione residuum præcipitantis defectu remaneat.
3. Præcipitantia non immoderate

(a) In iis oxydis, in quibus ponderis accessio nondum determinata est , in iisve substantiis, circa quas ejusmodi experimenta adhuc non habentur , exoxydationem via sicca tentabimus.

te adhibenda: ne scilicet idem-
met præcipitatum iterum dis-
solvatur.

4. Dissolventia pura sint: nec
ullus aquæ, nisi distillatæ, usus
faciendus.
5. In quolibet tentamine filtri
pondus omnino examinandum:
ut, quum præcipitata librave-
rimus, illius fiat subtractio.

§. 28.

Iam vero ex Docimasix humidæ pro-
cessu manifesto conficitur, ipsam viæ sic-
cæ omnino anteferendam: tum quia iis,
quæ in Docimasix sicca præcipua habentur (§. 23), nec adcurate obtineri pos-
sunt, plane satisfacit; tum quia incom-
modum (§. 24) notatum, melius via hu-
mida, quam sicca vitari potest. Nimîrum,
quædam alia requisita, si tentamen via
humida instituatur, necessaria non sunt;
alia vero, etsi necessaria, faciliore quam via
sicca negotio obtinentur.

C A P.

CAP. II.

De substantiarum metallicarum analysi.

GENERALES siccae humidæque Docimasiæ leges hucusque statuimus : illud nunc superest, ut doceamus, qua methodo cujuslibet metallicarum substantiarum species, secundum classificationem (*P. I. C. I. Art. III.*) descriptam, ad practicam analysim reducatur. In ea autem instituenda, viam humidam, quam adcuratorem demonstravimus, ubicumque commodum fuerit, sequemur.

ART. I.

De nobilium metallorum analysi.

§. I.

A V R V M.

A VRVM duplici in statu reperitur: $\left\{ \begin{array}{l} 1. \text{ Nativo,} \\ 2. \text{ Mineralisato.} \end{array} \right.$

Statu Nativo.

Species I. duas varietates complectitur.

Va-

Varietas I. aurum continet terreis particulis diffeminatum.

Duobus autem modis ad analyfim reducitur:

1. Lotione, (*P. I. C. II. Art. I. §. 2.*)

2. Amalgamatione.

Sumantur decem partes mineræ, unaque hydrargyri. Misceantur: et simul cum aqua in vas ferreum, aut terreum infundantur. Ebullitionis calori deinde aliquandiu exponantur: lotionem tandem mistum obtinebimus ex auro, & hydrargyro compositum: hæc autem duo distillatione separabimus.

Variet. II. Aurum matrici coagmentatum.

Duplici iterum modo ad analyfim reducitur.

1. Acidorum ope.

Et matrix quidem primum in examen adduci debet. Quæ si calcarea fuerit, acido nitrico dissolvatur; quo nempe aurum relinquetur, purumque præcipitetur.

Si

Si vero matrix filiciosa fuerit, quum acidis non referetur, aurum quidem acido nitro-muriatico dissolvendum, ac ferri sulphate præcipitandum: habebitur autem præcipitati gr. 100 = 100 reguli (*Lem.* 38).

2. Trituratione; lapidum, quibus metallum non continetur, ejectione; lotionetandem; atque amalgamatione (ut *Variet. I.*)

Statu Mineralisato.

Species II. Aurum, ferrum, sulphur.

Sulphur in primis extrahatur. Quod ut recte fiat, adhiberi debet acidum nitricum dilutum. Quum autem hoc acido ferrum tantummodo solvatur; obtinebimus aurum præcipitatum; sulphur vero superficie innabit.

Extrahatur ergo sulphur: coletur solutio: aurumque habebitur.

In dissolutione ferrum duntaxat continetur: adhibeatur soda: habebitur ferrum præcipitatum. Dis-

Diffolvatur præcipitatum acido muriatico, caloris ope: præcipitetur carbonate sodæ: habebitur oxydi ferri gr. 225 = 100 reguli. (*Lem. 41.*)

Species III. Aurum, ferrum, sulphur, arsenicum.

Trituretur minera: ustuletur deinde, quo mineralisantia extrahantur. Adhibeatur acidum nitro-muriaticum; quod quidem aurum duntaxat solvit. Percoletur solutio: adhibeatur deinde ferri sulphas: habebiturque auri præcipitati 100 = 100 reguli. (*Spec. I.*)

In filtro ferrum remansit: solvatur ergo acido muriatico, præcipiteturque, ut *Spec. II.*

Spec. IV. Aurum, argentum, ferrum, plumbum, magnesium, sulphur.

Extrahatur sulphur acidi nitrici ope, ut *Spec. II*; quo quidem non aurum solvitur, sed vero cætera quæ in minera continentur (*ex Lematib.*). Habebitur ergo aurum præcipitatum, cæteris metallicis substantiis solutis. Flui-

Fluidum e vase decantatione emittatur:

Solutio argentum continet, ferrum, plumbum, ac magnesium.

Adhibeatur cupri lamina dati ponderis: habebitur argentum præcipitatum (*Lem. 54*), eruntque præcipitati $100 = 100$ reguli.

Percoletur solutio; eique adhibeatur acidum muriaticum: habebitur murias plumbi præcipitatum.

Exoxydetur via sicca (*Cap. I.*), cui fini murias plumbi cum duplò potassæ, & aliquanto picis fundatur: obtinebitur tunc regulus plumbi, cujus pondus proportionem determinabit.

In solutione ergo nihil amplius remanet præter ferrum, magnesium, eamque cupri portionem, quæ ex lamina argentum præcipitante provenit.

Adhibeatur ferri lamina altera: habebitur cuprum.

L

In

In vapores abeat solutio ad ficcitatem usque : adhibeatur deinde acidum acetosum : quod quum magnesium solvat tantummodo; habebitur profecto ferrum præcipitatum.

Percoletur solutio; in vaporesque ad ficcitatem usque abeat : habebitur magnesium : quod iterum acido nitrico, caloris ope, solvatur; carbonateque sodæ præcipitetur; habebitur magnesium præcipitatum; eruntque oxydi $180 = 100$ reguli. (*Lem. 49.*)

Ferrum in filtro residuum acido muriatico solvatur; sodæque carbonate præcipitetur (*Spec. II*): habebitur oxydi $225 = 100$ — a reguli. (*Lem. 41.*)

Species V. Aurum, hydrargyrum, sulphur.

Trituretur minera, ustuleturque : tum vero aurum purum residuum erit.

Species VI. Aurum; cuprum, ferrum, magnesium, sulphur.

Quomodo hujus mineræ instituenda sit
ana-

analysis, ex eo intelligi potest, quod supra (*Spec. IV.*) diximus. Unum duntaxat existat discrimen, quod in solutione cuprum habere debeamus: id autem ferreæ laminæ ope obtinebimus.

Species VII. Aurum, ferrum, zincum, cobaltum, sulphur.

Adhibeatur mineræ acidum nitricum dilutum: tum vero sulphur separatur: cæteræ vero substantiæ, si aurum excipias, dissolvuntur.

E solutione extrahatur aurum, ut *Spec. II.*

Solutio deinde mitioris ignis ope in vapores abeat, donec exsicccetur: habebitur compositum quoddam ex ferro, zinco, & cobalto.

Si ammoniacum adjungamus, cobaltum duntaxat habebimus solutum. Percoletur ergo solutio; adhibeatur acidum aliquod; habebimus cobaltum præcipitatum.

Id vero iterum acido nitrico solvatur caloris ope: præcipitetur soda: habebimus oxydi cobalti $140 = 100$ reguli. (*Lem. 48.*)

Residuum, quod ammoniaci actioni obstitit, ex ferro & zinco compositum, acido muriatico caloris ope solvendum: tunc vero ferrum lamina zinci cogniti ponderis præcipitandum: habebiturque præcipitati ferri $100 = 100$ reguli.

Separato ferro; dissolvatur iterum zincum acido nitrico; adhibeatur solutioni soda: habebitur zincum præcipitatum; oxydique $161 = 100 - a$ reguli. (*Lem.* 45.)

§. II.

P L A T I N V M.

P L A T I N V M reperitur duntaxat statu Nativo.

Species unica. Quinque varietates complectitur.

Variet. I. Platinum, aurumque.

Acidum nitro-muriaticum platinum, aurumque solvit. (*Lem.* 18, 19.) At ferri sulphas ejusmodi solutionis aurum præcipitat, minime vero platinum: muriasque
am-

ammoniacale e contrario platinum , non aurum præcipitat.

Ergo trituranda minera , acido nitro-muriatico solvenda : adhibendum deinde ferri sulphas , aurumque habebitur. (§. I.)

Coletur solutio : adhibeatur murias ammoniacale : habebitur platinum in statu non admodum cognito , salis nempe tripli.

Separetur præcipitatum : exoxydetur via sicca ; fluxu nimirum vitreo , octo partibus vitri , una boracis , dimidiaque carbonis composito , cujus proportio erit ad mineram ut 3 : 1. Habebitur regulus platini ; ejusque quantitas facili negotio determinabitur. (*P. II. Sect. I. C. I. §. 22.*)

Variet. II. Platinum , ferrum.

Duæ isthæc substantiæ , ut intima conjunctione copulantur , ita difficillime separari possunt. Itaque

Ad tenuissimum usque pulverem trituretur minera : adhibeatur acidum nitricum : habebitur ferrum solutum , platinum vero præcipitatum. De-

Decantetur solutio: adjungaturque præcipitato plus acidi nitrici, itereturque processus, donec totum extrahatur ferrum.

Ultimum præcipitatum platinum dabit: at vero, ut de illius sinceritate certi reddamur,

Acido nitro-muriatico solvendum: præcipitandum deinde muriate ammoniacali: ac tandem via sicca exoxydandum. (*Variet. I.*)

Ferrum ex solutionibus proveniens soda præcipitetur: præcipitatum vero iterum acido muriatico solvatur; ac denique carbonate sodæ præcipitetur: habebitur oxydi $225 = 100$ reguli. (§. I. *Spec. II.*)

Variet. III. Platinum, hydrargyrum.

Trituretur: vehementiori igni exponatur: hydrargyrum tunc separatur: platinumque purum remanet.

Variet. IV. Platinum terris admistum.

Trituretur: acidum nitricum adhibeatur: habebimus terras solutas, platinum vero præcipitatum. Si

Si vero terræ solvi non possint ; tunc

Minera acido nitro-muriatico solvatur : muriate ammoniacali præcipitetur : exoxydeturque via ficca. (*Variet. I.*)

Variet. V. Platinum omnibus, aut quibusdam ex substantiis, quæ præcedentes varietates constituunt, admixtum.

Hujus varietatis analysi ex iis, quæ pro cæteris hucusque diximus, facillime instituetur.

§. III.

ARGENTVM.

ARGENTVM triplici in statu se se prodit: {

1. Nativo,
2. Mineralisato,
3. Salino.

Statu Nativo.

Species I. argentum continere potest coagmentatum : {

1. Lapidibus,
2. Terris,
3. Substantiis metallicis.

Et

Et primo quidem casu argentum obtinebimus, si lapides primum trituratione, lotionequae extrahamus. Si autem de argenti puritatis adhuc subdubitaverimus; tunc

Minera acido nitrico dissolvatur: præcipiteturque acido muriatico; obtinebitur muriatis argenti $133 = 100$ reguli, (*Lem. 39.*)

Si vero acidi muriatici loco, laminam cupream adhibuerimus, argentum forma præditum metallica obtinebimus.

Altero casu lotione duntaxat argentum assequemur.

Tertio denique casu, quum experientia constet, non alias substantias metallicas nativo argento conjunctas esse solere, nisi aurum, cuprum, ferrum, stibiumque; idcirco

Acidum nitricum dilutum mineræ infundatur: quo fiet, ut aurum, stibiumque, quum solvi non possint, præcipitentur.

Percoletur solutio: habebitur in filtro
aurum

aurum, atque stibium : in solutioneque argentum, cuprum, ferrum.

Præcipitetur cuprum laminæ ferreæ cogniti ponderis ope : habebitur præcipitati gr. 100 = 100 reguli.

Separetur cuprum : residuum erit in solutione argentum, ac ferrum.

Adhibeatur acidum muriaticum : habebitur argentum præcipitatum, eruntque muriatis argenti gr. 133 = 100 reguli.

Ferrum soda præcipitetur : iterumque acido muriatico caloris ope dissolvatur, ac sodæ carbonate præcipitetur : erunt oxidi gr. 225 = 100 — a reguli. (*Lem. 55.*)

Quod in filtro restitit, aurum, stibiumque fuit.

Dissolvantur ergo duæ hæ substantiæ acido nitro-muriatico : præcipitetur stibium aquæ ope : coletur : adhibeatur deinde ferri sulphas : habebiturque aurum. (§. I.)

Statu

*Statu Mineralifato.**Species II.* Argentum , sulphur.

Decoquatur minera acido nitrico diluto , cujus pondus fit ad pondus mineræ :: 20 : 1.

Quum sulphur solvi non possit , superfici ei innabit : percolatione ergo separandum.

Solutioni jam percolatæ , acidum muriaticum adhibeatur : habebitur muriatis argenti gr. 133 = 100 reguli. (*Spec. I.*)

Species III. Argentum , arsenicum.

Trituretur minera : solvatur acido nitrico : coletur solutio : præcipitetur argentum acido muriatico. (*Spec. I.*)

Spec. IIII. Argentum , sulphur , arsenicum.

Adhibeatur acidum nitricum dilutum : quo quidem argentum solvitur , arsenico , sulphureque intactis.

Co-

Coletur deinde solutio : præcipiteturque argentum acido muriatico. (*Spec. I.*)

Residuum non solutum arsenico , sulphureque constat :

Adhibeatur ergo acidum nitro-muriaticum , quo quidem arsenicum duntaxat solvitur.

Separetur sulphur : adhibeatur in solutione prussias potassæ : habebitur arsenicum præcipitatum, oxydique $180 = 100$ reguli. (*Lem. 46.*)

Species V. Argentum, ferrum, arsenicum.

Ustuletur minera : solvaturque acido nitrico diluto. Tum vero præcipitetur argentum acido muriatico. (*Spec. I.*) Ac denique coletur solutio , separeturque ferrum. (*Spec. I.*)

Species VI. Argentum , ferrum , sulphur , arsenicum.

Ustuletur : solvaturque acido nitrico diluto : quo quidem argentum solvitur, ac ferrum.

Has

Has vero substantias obtinebimus , ut
Spec. I.

Si vero quædam sulphuris , arsenicive
particulæ restiterint , eæ nimirum ut *Spec.*
IV separari debent.

Species VII. Argentum , cuprum , sul-
phur , arsenicum.

Trituretur minera : ustuletur : solvatur-
que acido nitrico diluto : coletur deinde ,
ut mineralisantium quod forte superfluit
extrahatur. Habebiturque argentum , &
cuprum solutum.

Præcipitetur argentum laminæ cupreæ
ope , eruntque præcipitati 100 = 100 re-
guli.

Præcipitetur præterea cuprum ope la-
minæ ferreæ : habebiturque præcipitati
100 = 100 — a reguli.

Species VIII. Argentum , cuprum , fer-
rum , sulphur , arsenicum.

Trituretur : solvatur acido nitrico di-
luto , cujus pondus sit ad pondus mineræ

: : .

: : 20 : 1 , ebulliatque donec exsiccet. Tunc vero si acidi nitrici plus adhibeas , argentum , cuprumque solvuntur ; remanent vero ferrum , sulphur , arsenicum.

Coletur solutio : adhibeatur lamina cuprea : habebitur argentum. (*Spec. VII.*)

Separato argento , adhibeatur carbonas fodæ : habebitur cuprum præcipitatum , oxydique $194 = 100 - a$ reguli. (*Lem. 40.*)

Ferrum , sulphur , atque arsenicum , quæ in filtro fuerunt residua , digerantur acido muriatico : tunc vero ferrum , arsenicumque solvuntur , sulphure remanente.

Separetur sulphur : in solutioneque adhibeatur aqua : habebitur arsenicum præcipitatum.

Decantetur solutio : adhibeatur prussias potassæ : habebitur ferrum : eruntque oxydi $590 = 100$ reguli. (*Lem. 41.*)

Quod si scire oporteat quantum arsenici aquæ ope præcipitatum fuerit ; tum vero

Sol-

Solvatur acido nitro-muriatico : præcipitetur prussiate potassæ ; habebiturque oxydi arsenici $180 \doteq 100$ reguli. (*Spec. IV.*)

Species IX. Argentum , zincum , sulphur.

Solvatur acido nitrico diluto : argentum quidem , ac zincum solvuntur : sulphur vero intactum remanet.

Filtretur solutio : separetur sulphur : præcipitetur argentum lamellæ zinci ope : eruntque præcipitati $100 \doteq 100$ reguli.

In solutione zincum duntaxat continetur, tum ex minera, tum ex lamina proveniens.

Adjiciatur soda : habebitur zincum præcipitatum , eruntque oxydi $161 \doteq 100$ — a reguli. (*Lem. 45.*)

Species X. Argentum , cuprum , antimonium , sulphur , arsenicum.

Decoquatur minera acido nitrico diluto ,

to , cujus pondus fit ad pondus mineræ
 $:: 6 : 1$.

Sulphur cum solvi non possit , enatabit sursum : antimonium atque arsenicum præcipitabuntur , quin dissolvantur ; argentum vero & cuprum solutionem subibunt.

Separetur sulphur : coletur solutio : præcipiteturque argentum lamina cupri ; cuprum vero carbonate sodæ. (*Spec. VIII.*)

In filtro antimonium restitit atque arsenicum.

Oxygenetur ergo acido nitrico : tunc vero antimonium insolubile præcipitabitur : ergo antimonii oxygenati $138 = 100$ reguli. (*Lem. 52.*)

Arsenicum in solutione residuum aqua præcipitetur : separetur deinde : dissolvatur iterum acido nitro-muriatico : præcipitetur tandem prussiate potassæ : ergo oxydi $180 = 100$ reguli. (*Spec. VIII.*)

Species XI. Argentum , ferrum , cobaltum , sulphur , arsenicum.
 Af-

Affundatur mineræ acidum nitricum dilutum : quo quidem non sulphur nec arsenicum , bene vero cæteræ substantiæ solvuntur.

Colatæ solutioni affundatur acidum muriaticum : habebitur oxydi argenti 133 = 100 reguli. (*Spec. I.*)

Separetur argentum, evaporeturque solutio quoad usque exsiccetur: tum vero ferrum insolubile eo acido evadit, majori nimirum oxygenatione.

Adhibeatur plus acidi nitrici : quo non ferrum , sed cobaltum quidem solvitur.

Colata solutione habebitur in filtro oxydum ferri, in solutione vero cobaltum : Adjiciatur solutioni soda : habebitur cobaltum præcipitatum, eruntque oxydi 140 = 100 reguli. (*Lem. 48*)

Ferrum in filtro residuum acido muriatico caloris ope solvatur : præcipitetur deinde prussiate potassæ : habebuntur oxydi 590 = 100 reguli. (*Spec. VIII.*)

Spe-

Species XII. Argentum, antimonium, baryta, sulphur.

Dissolvatur minera acido nitrico diluto; quo quidem argentum solvitur, ac baryta; antimonium vero sulphurque separantur.

Coletur solutio: adjiciatur cupri lamina: argentum quidem præcipitabitur: ergo præcipitati $100 = 100$ reguli.

Separetur argentum: infundatur solutioni acidum sulphuricum: habebitur spatium ponderosum præcipitatum.

Cuprum e lamina solutum in solutione remanet: antimonium vero ac sulphur solutionem minime subierunt.

Si ergo acidum nitro-muriaticum adfundamus, antimonium solvetur; sulphurque separari poterit.

Percoletur solutio: adhibeatur carbonas sodæ: habebitur antimonium præcipitatum: ergo oxydi $140 = 100$ reguli.
(*Lem. 50.*)

M

Spe-

Species XIII. Argentum , antimonium ,
fulphur.

Diffolvatur minera acido nitrico dilu-
to : & argentum quidem solutionem sub-
ibit , antimonio sulphureque intactis.

Coletur solutio ; adfundaturque aci-
dum muriaticum : ergo muriatis argenti
 $133 = 100$ reguli. (*Spec. I.*)

Antimonium ac sulphur extrahantur ,
ut *Spec. XII.*

Statu Salino.

Species XIV. Argentum , & oxygenium.

Solvatur acido nitrico , acidoque mu-
riatico præcipitetur. (*Spec. I.*)

Species XV. Argentum , acidumque muria-
ticum.

Adjiciatur plus acidi muriatici ; mine-
raque statim solutionem subibit : adhibita
ergo cupri lamina argentum habebitur ;
eruntque præcipitati $100 = 100$ reguli.

A R T.

A R T. II.

De metallorum imperfectorum analysi.

§. I.

C V P R V M.

C VPRVM triplici { 1. Nativo,
 statu se se prodit : { 2. Mineralifato,
 { 3. Salino.

Statu Nativo.

Species I. Cuprum du- { 1. Matrīci coa-
 pliciter con- { gmentatum ;
 tinere po- { 2. Substantiis me-
 test , scili- { tallicis copula-
 cet { tum.

Primo casu : Solvatur acido sulphurico ;
 laminaque ferri præcipitetur : erunt præ-
 cipitati 100 = 100 reguli.

Altero casu : Quum experientia notum
 sit aurum , argentum , ac ferrum eas esse
 metallicas substantias , quæ nativum cu-
 prum plerumque comitari solent ; idcirco

Adfundatur acidum nitricum dilutum ,
 quo , ut diximus , aurum intactum præci-

pitatur (*Art. I. §. I.*) : colata ergo solutione , aurum purum habebimus ; cuprum vero , argentum , ac ferrum soluta remanebunt.

Adhibeatur solutioni lamella cupri : habebitur argentum , præcipitatieque $100 = 100$ reguli. (*Art. I. §. III.*)

Extrahatur argentum : decoquatur solutio donec exsiccet : residuumque acido sulphurico iterum solvatur : injiciatur tandem solutioni lamina ferri : habebitur cuprum tum ex minera , tum ex lamina , qua præcipitatum fuit argentum , collectum : ergo cupri præcipitati $100 = 100$ — a reguli. (*Lem. 55.*)

In solutione nihil amplius residuum est præter ferrum ex minera , laminaque proveniens.

Adjiciatur carbonas sodæ : habebitur ferrum : eruntque præcipitati $225 = 100$ — a reguli. (*Lem. 41.*)

Statu Mineralisato.

Species II. Cuprum , ferrum , sulphur.

Trituretur minera , solvaturque acido
sul-

fulphurico , cujus pondus sit ad pondus mineræ :: 5 : 1 : habebitur separatim sulphur , cupro , ferroque solutis.

Coletur solutio ; præcipiteturque cuprum ferri lamina ; ferrum vero carbonate sodæ. (*Spec. I.*)

Quum autem fieri possit , ut si minera non admodum dives sit , præcipitatione rapida nimis , aut lente fiat , quædam ferri portio cum cupro simul præcipitetur ; idcirco

Præcipitatum solvatur denuo ; in eaque solutione idem instituatur processus : habebimus profecto cuprum duntaxat , idque purum.

Species III. Cuprum , ferrum , sulphur , arsenicum.

Trituretur , ustuleturque minera : cætera autem ut *Spec. II.*

Species IV. Cuprum , stibium , sulphur , arsenicum.

Adhibeatur acidum nitricum dilutum ; in quo duntaxat cuprum solvitur.

Extrahatur sulphur : coletur solutio : ha-

habebimus in filtro stibium , & arsenicum ; in solutione vero cuprum.

Solutioni immittatur ferri lamina : habebitur cuprum. (*Spec. I.*)

Residuum vero , stibium scilicet , atque arsenicum , acido nitrico oxygenetur adhuc : habebiturque stibium oxygenatum , eruntque $138 = 100$ reguli. (*Lem. 52.*)

Arsenicum aqua præcipitetur : solvaturque iterum acido nitro-muriatico : tum vero prussiate potassæ præcipitetur : erunt oxydi $180 = 100$ reguli. (*Art. I. §. III, Spec. X.*)

Species V. Cuprum , ferrum , zincum , sulphur , arsenicum.

Trituretur minera , eique adfundatur acidum nitricum dilutum : quo fit , ut arsenico , sulphureque intactis , cæteræ substantiæ solvantur :

Coletur solutio : habebitur in filtro arsenicum , ac sulphur.

Adjiciatur solutioni ferri lamina : habebitur

bebitur cuprum : ergo præcipitati $100 = 100$ reguli. (*Spec. I.*)

In solutione residuum est zincum , ac ferrum , tum ex minera , tum ex lamina proveniens.

Decoquatur solutio ad ficcitatem usque, adfundaturque plus acidi nitrici : tum vero zincum solvitur , ferro tamen remanente insolubili.

Coletur solutio : sodayue ei immittatur : habebitur zincum : ergo oxydi $161 = 100$ reguli. (*Lem. 45.*)

Ferrum oxygenatum acido muriatico caloris ope solvatur ; potassæque prussiate præcipitetur : oxydi ergo $590 = 100$ — a reguli. (*Lem. 41.*)

Quod si arsenici sulphuri adhærentis quantitatem scire velimus : tunc vero

Adfundatur acidum muriaticum ; quo quidem, soluto arsenico, sulphur separatur.

Coletur solutio : adhibeatur prussias potassæ : habebitur arsenicum : ergo oxydi $180 = 100$ reguli. (*Art. I. §. III. Spec. IV.*)

Sta-

Statu Salino.

Species VI. Cuprum, & acidum carbonicum.

Solvatur acido sulphurico : laminaque ferrea præcipitetur : ergo præcipitati $100 = 100$ reguli.

Si vero in ea minera quædam exstiterit ferri portio ;

Coletur solutio : eique immittatur carbonas sodæ : habebitur ferrum : oxydi ergo $225 = 100 = a$ reguli. (*Spec. I.*)

Species VII. Cuprum, acidumque sulphuricum.

Solvatur aqua calida : præcipiteturque ferri lamina : præcipitati ergo $100 = 100$ reguli. (*Spec. VI.*)

Species VIII. Cuprum, acidumque muraticum.

Calidâ solvatur minera ; sodayque præcipitetur. Tum vero præcipitatum acido
ni-

nitrico iterum solvatur : immittaturque solutioni sodæ carbonas : habebitur cuprum : oxydi ergo $194 = 100$ reguli. (Lem. 40.)

§. II.

F E R R U M.

TRIPlici in statu re- $\left\{ \begin{array}{l} 1. \text{Nativo,} \\ 2. \text{Mineralifato,} \\ 3. \text{Salino.} \end{array} \right.$
peritur ferrum ;

Statu Nativo.

Species I. Ferrum conti- $\left\{ \begin{array}{l} 1. \text{Matrici,} \\ 2. \text{Ferri oxydo.} \end{array} \right.$
net immistum

Solvatur acido muriatico ; zincique lamina præcipitetur : ergo habebitur præcipitati $100 = 100$ reguli.

Si matris solvi nequeat ; coletur solutio , antequam præcipitatio fiat.

Si matrix vero solubilis fuerit ; in solutione remanebit , nec zinco præcipitabitur.

Sta-

*Statu Mineralisato.**Species II.* Ferrum, ac sulphur.

Ustuletur : solvaturque acido muriatico ; ac suda tandem præcipitetur : oxydi ergo $170 = 100$ reguli. (*Lem. 41.*)

Species III. Ferrum, & arsenicum.

Ustuletur : solvatur, ac præcipitetur, ut *Spec. II.*

Species IV. Ferrum, sulphur, arsenicum.

Ustuletur: cæteraque fiant, ut *Spec. II.*

*Statu Salino.**Species V.* Ferrum, acidumque carbonicum.*Variet. I.* Ferrum, acidum carbonicum, magnesium.

Oxygenetur minera acido nitrico ; decoquaturque, donec exsiccet : habebitur compositum ex ferro, ac magnesio oxygenato. Iam

Iam vero, si huic residuo acidum acetosum adfundatur, magnesium duntaxat solvetur: solutionis ergo colatione, & evaporatione magnesium separatum habebitur.

Id vero iterum acido nitrico caloris ope solvatur; sodæque carbonate præcipitetur; erunt ergo oxydi magnesi $180 = 100$ reguli. (*Art. I. §. I. Spec. IV.*)

Ferrum oxygenatum iterum acido muriatico caloris ope solvatur: carbonate sodæ præcipitetur: ergo oxydi $225 = 100$ reguli. (*Art. I. §. I. Spec. II.*)

Variet. II. Ferrum, & carbonas calcareus.

Solvatur acido muriatico: adjiciatur acidum sulphuricum: habebitur sulphas calcis (*selenites*) præcipitatus.

Percoletur: habebitur in solutione ferrum duntaxat, quod quidem carbonate sodæ præcipitabitur. (*Variet. I.*)

Variet. III. Ferrum, & argilla.

Solvatur acido sulphurico: injiciatur
la-

lamina zinci : habebitur ferrum : ergo præcipitati 100 = 100 reguli.

In solutione restabit argilla, nec non zincum, quod lamina dimisit.

Variet. IV. Ferrum, filex.

Adhibeatur acidum muriaticum : ferrumque solvetur, filice præcipitato.

Coletur solutio : præcipiteturque ferrum per sodæ carbonatem. (*Var. I.*)

Species VI. Ferrum, acidumque sulphuricum.

Affundatur aqua calida : solvetur profecto minera. Adhibeatur soda : habebitur ferrum : oxydi ergo 170 = 100 reguli. (*Lem. 41.*)

Species VII. Ferrum, & acidum prussicum.

Ustulata minera, acidum prussicum decomponitur, oxydo ferri remanente.

Id vero acido muriatico solvatur, aut
sul-

fulphurico: ac deinde soda præcipitetur.
(*Spec. VI.*)

Species VIII. Ferrum, acidumque phosphoricum.

Solvatur acido sulphurico, præcipiturque soda. (*Spec. VII.*)

Species VIII. Ferrum, & carbonicum.

Solvatur acido muriatico: præcipiturque sodæ carbonate: ergo oxydi 225 = 100 reguli. (*Spec. V. Var. I.*)

§. III.

STANNVM.

STANNVM triplici in $\left\{ \begin{array}{l} 1. \text{Nativo,} \\ 2. \text{Mineralifato,} \\ 3. \text{Salino.} \end{array} \right.$
statu se se prodit:

Statu Nativo.

Species I. Stannum continet coagmen- $\left\{ \begin{array}{l} 1. \text{Matrici,} \\ 2. \text{Substantiis} \\ \text{tatum} \end{array} \right.$ metallicis.

Si primum; trituretur: lavetur; solvaturque acido nitro-muriatico; præcipi-
te-

teturque tandem carbonate sodæ: habebitur ergo oxydi $131 = 100$ reguli. (*Lem. 42.*)

Si secundum ; quum ferrum & cuprum ea sint metalla, quæ nativum stannum plerumque comitari solent : idcirco

Acidum nitricum adhibeatur : quo ferrum, cuprumque solvuntur, stannum vero oxygenatum præcipitatur.

Percoletur solutio: habebitur in filtro stannum oxygenatum: ergo $140 = 100$ reguli. (*Lem. 53.*)

In solutione cuprum ac ferrum restat.

Adjiciatur ferri lamina: habebitur cuprum: ergo præcipitati $100 = 100$ reguli.

Ferrum præcipitetur soda: iterum acido muriatico solvatur; ac sodæ carbonate præcipitetur: erunt oxydi $225 = 100$ — a reguli. (*Art. II. §. II. Spec. V. Var. I.*)

Statu Mineralisato.

Species II. Stannum, ac sulphur.

Separetur e matrice trituratione, ac
lo-

lotione : in tenuissimum deinde pulverem usque contundatur : aliquotque tandem horarum spatio vehementiori igne concoquatur acido sulphurico : tum vero , postquam frigefacta fuerit , adfundatur acidum muriaticum ; duabusque horis elapsis, adhibeatur aqua.

Separato sulphure , quum limpida apparuerit solutio , decantetur ; ac sodæ carbonate præcipitetur : habebitur stannum : ergo oxydi 131 = 100 reguli. (*Lem. 42.*)

Statu Salino.

Species III. Stannum , acidumque carbonicum.

Hujus mineræ analysi eodem modo instituenda, atque *Spec. II.*

§. IV.

P L V M B V M.

P L V M B V M duplici { 1. Mineralisato ,
statu se se prodit : { 2. Salino.

Statu

Statu Mineralifato.

Species II. Plumbum continet, argentum, ferrum, ac sulphur.

Adfundatur acidum nitricum dilutum : matrix, quæ insolubilis est, præcipitabitur : sulphur separabitur ; plumbum vero, argentum, ferrumque solventur.

Per colum trajiciatur solutio : injiciatur cupri lamina : habebitur argentum : ergo præcipitati 100 = 100 reguli.

Extracto argento injiciatur ferri lamina : habebitur cuprum a lamina dimissum.

In solutione ergo non nisi plumbum restat, ac ferrum.

Decoquatur itaque ipsamet solutio iterum ac sæpius (pro ferri statu), donec exsiccet : habebuntur pro residuo duo oxyda ; aliud nimirum ferri acido nitrico insolubile ; aliud vero plumbi, quod in eodem acido solvi potest.

Si ergo acidum nitricum adhibeatur ; solvetur duntaxat plumbi oxydum.

Co-

Coletur solutio; injiciaturque sodæ carbonas: habebitur plumbum: ergo oxydi $132 = 100$ reguli. (*Lem.* 43.)

Ferri oxydum acido muriatico solvatur, præcipiteturque, ut *Art.* II. §. II. *Spec.* V. *Var.* I.

Species III. Plumbum, argentum, antimonium, sulphur.

Adhibeatur acidum nitricum dilutum: habebitur sulphur insolutum, ac supernatans; antimonium præcipitatum; plumbum, argentumque soluta.

Solutione per filtrum transmissa separetur sulphur:

Argentum cupro præcipitetur: cuprum autem ferro. Ut vero plumbum a ferro, quod lamina cuprum præcipitans amisit, separetur; instituendus processus, ut *Spec.* II.

Antimonium in filtro residuum oxygenetur acido nitrico concentrato, caloris ope adjecto: habebitur ergo antimonii
N oxyge-

oxygenati 138 = 100 reguli. (*Lem. 52.*)

Species IV. Plumbum , sulphur , arsenicum.

Adhibeatur acidum nitricum dilutum ; habebitur sulphur separatum ; arsenicum præcipitatum ; plumbum vero solutum.

Separetur sulphur : percoleturque solutio.

Adhibeatur solutioni sodæ carbonas : habebitur plumbum : ergo oxydi 132 = 100 reguli. (*Spec. II.*)

Arsenicum in filtro residuum acido nitro-muriatico solvatur ; ac prussiate potassæ præcipitetur : oxydi ergo 180 = 100 reguli. (*Art. II. §. I. Spec. V.*)

Statu Salino.

Species V. Plumbum , & acidum carbonicum.

Extrahantur primum lapides ac terræ trituratione , ac lotionem : deinde solvatur minera acido nitrico ; sodæque carbonate præcipitetur. (*Spec. IV.*)

Species

Species VI. Plumbum , & acidum sulphuricum.

Solvatur aqua ferventi : sodaque præcipitetur : tum vero solvatur iterum acido nitrico : præcipitetur tandem sodæ carbonatæ. (*Spec. IV.*)

Species VII. Plumbum , & acidum phosphoricum.

Solvatur acido nitrico caloris ope ; acidoque sulphurico præcipitetur : ergo habebitur sulphatis plumbi $143 = 100$ reguli. (*Lem. 43.*)

A R T. III.

De semimetallorum tenacium , durorumque analysi.

§. I.

N I C C O L V M.

N I C C O L V M tri-
plici in statu adinve-
nitur ;

{ 1. Nativo,
2. Mineralifato ;
3. Salino.

N 2

Statu

Statu Nativo.

Species I. Niccolum dupliciter continere potest; nimirum { 1. Matrīci,
2. Substantiis metallicis immixtum.

Si primum ; trituretur minera : lavetur : solvatur acido nitrico ; fodaque præcipitetur. Erunt oxydi niccoli $128 = 100$ reguli. (*Lem. 44.*)

Si vero & matrix solubilis fuerit, præcipitetur niccolum zinco : ergo præcipitati $100 = 100$ reguli.

Si secundum ; quum substantiæ metallicæ, quæ niccolo nativo copulatæ inveniuntur , sint argentum , ferrum , wismuthum , & cobaltum ; idcirco

Acidum nitricum dilutum adhibendum , cujus nimirum ope prædictarum omnium substantiarum habebitur solutio.

Adfundatur aqua : hebebitur wismuthum : ergo oxydi $113 = 100$ reguli. (*Lem. 47.*) Adhi-

Adhibeatur acidum muriaticum : habebitur muriatis argenti $133 = 100$ reguli. (*Art. I. §. III.*)

Evaporet solutio ad ficcitatem usque : adhibeatur ammoniaca : habebitur cobaltum solutum.

Decantetur solutio : præcipitetur cobaltum cujuslibet acidi ope : solvatur iterum acido nitrico , sodayue præcipitetur : ergo oxydi $140 = 100$ reguli. (*Art. I. §. I. Spec. VII.*)

Residua erunt duntaxat niccolum , ac ferrum.

Ebulliat iterum acido nitrico : tunc vero niccolum in solutione remanebit , ferro ob maiorem oxygenationem præcipitato.

Solutioni per filtrum transmissæ adjiciatur soda : ergo oxydi niccoli $128 = 100$ reguli. (*1.º cas.*)

Qua autem ratione ferri oxygenati quantitas determinari possit , supra jam indicavimus.

Statu

Statu Mineralifato.

Species II. Niccolum , ferrum , cobaltum ,
fulphur, & arsenicum.

Ustuletur , ut nempe mineralifantia
extrahantur. Cæteras vero substantias ob-
tinebimus , æstimabimusque , ut *Spec. I.*

Statu Salino.

Species III. Niccolum , & acidum carbo-
nicum.

Solvatur acido nitrico, sodaque præ-
cipitetur: ergo oxydi $128 = 100$ reguli.
(*Spec. I.*)

Species IV. Niccolum , & acidum sulphu-
ricum.

Adfundatur acidum sulphuricum ,
donec perfecta habeatur solutio : adjicia-
tur deinde soda : habebitur niccolum præ-
cipitatum.

Coletur solutio : tum vero niccoli oxy-
dum obtentum iterum acido nitrico sol-
vatur ;

vatur ; præcipiteturque sodæ carbonate :
ergo oxydi $135 = 100$ reguli. (*Lem. 44.*)

§. II.

ZINCVM.

ZINCVM dupliciter $\left\{ \begin{array}{l} 1. \text{ Statu Minerali-} \\ \text{festo ,} \\ 2. \text{ Salino.} \end{array} \right.$
sefe prodit ; nimirum,

Statu Mineralifato.

Species I. Zincum , ferrum , ac sulphur
continet.

Solvatur acido nitrico diluto :

Separato sulphure , habebitur zinci ,
ferrique solutio.

Adjiciatur zinci lamina: habebitur fer-
rum. Ergo præcipitati $100 = 100$ reguli.

Adhibeatur prussias potassæ: habebi-
tur zincum ; eritque prussiatiss zinci 495
 $= 100 - a$ reguli. (*Lem 45.*)

Si

Si vero quædam portio cupri in minera exstiterit, illud ferro præcipitabimus; ferrum autem zinco: eruntque ferri præcipitati $100 = 100 - a$ reguli.

Si in eadem minera argentum, plumbumve reperiatur, ex ipsamet solutione argentum cupro præcipitabitur.

Argento autem separato, plumbum acido muriatico præcipitandum; illius autem valor determinabitur, si via quidem sicca exoxydatio fiat. (*Art. I. §. I. Spec. IV.*)

Extracto plumbi muriate, nihil amplius in solutione habebitur præter zincum, ferrum, & cuprum, quæ quidem statuta jam methodo & obtinenda, & æstimanda sunt.

Statu Salino.

Species II. Zincum, & acidum carbonicum.

Solvatur acido nitrico; præcipiteturque sodæ carbonate: ergo oxydi $193 = 100$ reguli. (*Lem. 45.*)

Hujus

Hujus mineræ matrix esse potest, $\left\{ \begin{array}{l} 1. \text{ Insolubilis,} \\ 2. \text{ Solubilis.} \end{array} \right.$

Prima quidem in instantia : Matrix, antequam zincum præcipitetur, decantatione, seu filtratione separanda.

In altera : Matrix $\left\{ \begin{array}{l} 1. \text{ Calcarea,} \\ 2. \text{ Argillofa.} \end{array} \right.$ iterum esse potest,

Si primum : adfundatur solutioni acidum sulphuricum : habebitur sulphas calcareus (*Selenites*) præcipitatus.

Coletur deinde, præcipiteturque postea zincum.

Si vero matrix argillofa fuerit : adhibeatur prussias potassæ : tunc vero, argilla in solutione remanente, præcipitabitur zinci prussias ; eruntque $495 = 100$ reguli. (*Spec. I.*)

Species III. Zincum, & acidum sulphuricum.

Solvatur acido sulphurico ; præcipiteturque soda. Fil-

Filtretur deinde solutio; præcipitatumque iterum acido nitrico solvatur. Adhibeatur tandem sodæ carbonas: habebitur zincum. Ergo oxydi $193 = 100$ reguli, (*Spec. II.*)

A R T. IV.

De fragilium semimetallorum analysi.

§. I.

A R S E N I C V M.

A R S E N I C V M tri-
plici in statu reperitur, {
1. Nativo,
2. Mineralisato,
3. Salino.

Statu Nativi.

Species I. Arsenicum conti-
net immistum: {
1. Matrisci,
2. Metallis.

Primo casu: Adhibeatur acidum nitromuriaticum.

Si matris insolubilis fuerit, præcipitatur quidem, arsenico soluto.

Fil-

Filtretur solutio : eique adfundatur aqua : habebitur arsenicum præcipitatum.

Jam vero præcipitatum istud solvi iterum non licet , ut illi respondens reguli quantitas determinetur : ne scilicet quædam illius portio in acidum arsenicum transeat. Ut autem huic occurratur incommodo ,

Separetur arsenicum aqua præcipitatum : subigatur deinde oleo quovis : ignique tandem sublimatorio vase exponatur. Obtinebitur profecto regulus ex *Cap. I.* §. 22. æstimandus.

Si vero matrix sit solubilis , simul quidem cum arsenico solvetur ; at vero minime aqua præcipitabitur. Separatum itaque arsenicum via sicca exoxydabitur , ut diximus.

Altero casu : Nativum arsenicum argento , ac ferro immistum reperitur.

Adhibeatur acidum nitro-muriaticum : quo quidem argentum præcipitabitur , arsenico , ferroque soluto.

Co-

Coletur solutio : obtinebitur argentum
(*Art. I. §. III.*)

Adfundatur solutioni aqua : habebitur ergo arsenicum præcipitatum , quod via ficca exoxydabimus. (1.^o *cas.*)

In solutione remansit ferrum.

Præcipitetur itaque soda : iterum deinde acido muriatico solvatur , ac sodæ carbonate præcipitetur (*Art. II. §. II.*)

Statu Mineralifato.

Species II. Arsenicum , sulphur.

Digeratur minera acido muriatico ; adhibeaturque pauxillatim acidum nitricum , quo scilicet facilius solutio obtineatur.

Colatione deinde facta , habebitur in filtro sulphur ; in solutione arsenicum.

Præcipitetur arsenicum aquæ ope.

Quum autem fieri non possit , quin solutio longiori temporis spatio , & caloris
ope

ope peracta quandam arsenici portionem in acidum arsenicum converterit ; idcirco

Post filtrationem evaporetur solutio ad ficcitatem usque : habebitur enim eo modo acidum arsenicum concretum : quod cum antea obtento præcipitato conjunctum , via ficca exoxydandum (*Spec. I.*) : tunc enim vero illius proportionem accurate definiemus.

Statu Salino.

Species III. Arsenicum, & acidum carbonicum.

Solvatur acido nitro-muriatico ; præcipiteturque aqua , ac tandem exoxydetur. (*Spec. I.*)

§. II.

W I S M V T H V M.

TRIPLICI statu wismuthum reperitur , { 1. Nativo ,
2. Mineralifato ,
3. Salino.

Statu

Statu Nativo.

Species I. Wismuthum { 1. Matrici ,
 continet 2. Substantiis me-
 tallicis immi-
 stum.

Si 1.^{um} Trituretur minera : lavetur : solvatur acido nitrico : coletur : adfundatur aqua, habebiturque wismuthum : ergo oxydi 113 = 100 reguli. (*Lem. 47.*)

Si 2.^{um} Substantiæ metallicæ , quæ cum nativo wismutho conjunctim reperiuntur , sunt argentum , & cobaltum ,

Adhibeatur acidum nitricum : omnia solventur.

Adfundatur aqua : habebitur wismuthum : ergo oxydi 113 = 100 reguli. (1.^o cas.)

Colata solutione , habebitur in ea argentum , atque cobaltum.

Adhibeatur acidum muriaticum : ergo muriatis argenti 133 = 100 reguli. (*Art. I. §. III.*)

Co-

Coletur solutio : adjiciatur soda : habebitur cobaltum ; ergo oxydi $140 = 100$ reguli. (*Lem. 48.*)

Statu Mineralisato.

Specis II. Wismuthum , sulphur.

Adhibeatur acidum nitricum dilutum : habebitur sulphur separatum , wismuthum vero solutum.

Coletur solutio : wismuthumque aqua præcipitetur ; ac tandem æstimetur. (*Spec. I.*)

Species III. Wismuthum, ferrum, sulphur.

Adjiciatur acidum nitricum dilutum : sulphur separabitur ; wismuthum vero , ac ferrum solutionem subibunt.

Filtretur : wismuthumque aqua præcipitetur. (*Spec. I.*)

Ferrum eodem acido oxygenetur ; iterumque acido muriatico solvatur , ac tandem sodæ carbonate præcipitetur. (*Art. II. §. II.*)

Statu

Statu Salino.

Species IV. Wismuthum , & acidum carbonicum.

Solvatur acido nitrico , & aqua præcipitetur. (*Spec. I.*)

Species V. Wismuthum , & acidum sulphuricum.

Adhibeatur acidum sulphuricum , donec perfecta obtineatur solutio , præcipiteturque aqua.

Wismuthum autem præcipitatum separetur ; iterumque acido nitrico solvatur ; ac denuo aqua præcipitetur. (*Spec. I.*)

§. III.

C O B A L T V M.

C O B A L T V M dupliciter se se prodit ; { 1. Statu Mineralisato,
2. Salino.

Statu Mineralisato.

Species I. Cobaltum , ferrum , sulphur.
Adj.

Adjiciatur acidum nitricum : quo quidem sulphur separatur ; cobaltum vero ac ferrum solvuntur.

Coletur solutio : fervefiatque ad ficcitatem usque : habebitur compositum quoddam ex cobalti , ferrique oxydis.

Adjiciatur ei acidum acetosum : et oxydum quidem cobalti solvetur.

Tum vero , percolatione facta , obtinebitur in filtro oxydum ferri ; in solutione vero cobaltum.

Evaporet solutio ad ficcitatem : residuumque acido nitrico iterum solvatur : præcipitetur deinde sodæ carbonate : habebiturque oxydi cobalti $160 = 100$ reguli. (*Lem. 48.*)

Oxydum ferri acido acetoso insolubile , solvatur acido muriatico , et sodæ carbonate præcipitetur. (*Art. I. §. I. Spec. IV.*)

Species II. Cobaltum , ferrum , arsenicum.

Adjiciatur acidum muriaticum , quo universæ prædictæ substantiæ solventur. (*ex Lematib.*)

O

Ad-

Adfundatur aqua ; præcipitabiturque arsenicum , facile quidem æstimandum.
(*Art. IV. §. I.*)

Décantetur solutio ; cobaltumque a ferro separetur , ut *Spec. I.*

Species III. Cobaltum , ferrum , sulphur , arsenicum.

Adhibeatur acidum muriaticum ; quo quidem sulphur separabitur , cæteris substantiis solutis.

Separato sulphure , adfundatur aqua : habebitur arsenicum (*Spec. II.*) ; eo autem separato , nova nempe filtratione ; cobaltum quoque a ferro separari poterit , ut *Spec. I.*

Statu Salino.

Species IV. Cobaltum , et acidum carbonicum.

Solvatur acido nitrico ; sodayque præcipitetur : ergo oxydi cobalti $140 = 100$ reguli. (*Lem. 48.*)

Si

Si in ejusmodi mineris (quod fieri quidem potest) argentum reperiatur ; tunc vero lamina cupri opus erit : habebiturque ejus ope præcipitati argenti $100 = 100$.

Quandoquidem vero eo in casu in cobalti solutione cuprum quoque e lamina disjunctum reperiatur necesse est ; idcirco non adhibenda quidem foda , quæ utramque simul præcipitaret substantiam.

Præcipitetur ergo cuprum ferri lamina.

Filtretur deinde solutio : quumque in ea cobaltum , ferrumque existent , processus instituendus , ut *Spec. I.*

Quod si vero in prædictis mineris et niccolum reperiatur , analysim quidem *Art. III. §. I.* descriptam persequemur.

Species V. Cobaltum , acidumque sulphuricum.

Adhibeatur acidum sulphuricum , donec perfecta obtineatur solutio : injiciatur foda : habebitur cobaltum præcipitatum.

Præcipitatum autem iterum acido nitrico solutum ; iterumque prussiate potassæ præcipitabitur : ergo $142 = 100$ reguli. (*Lem.* 48.)

§. IV.

M A G N E S I V M.

R E P E R I T V R magnesium statu Salino.

Statu Salino.

Species I. Magnesium { 1. puri oxydi :
triplici sub { 2. cum matrice,
forma con- {
tinere po- { 3. cum ferro con-
test ; nimi- { junctum.
rum

1.º Oxydum magnesi nativi , dum aliqua oxygenii portione privatum non fuerit , acidis insolubile est : ac proinde

Injiciatur minera acido nitrico : adjungatur parum sacchari ; digestionisque calori exponatur. Observabitur profecto quædam solutio.

De-

Decantetur: residuoque iterum adhibeatur tum acidi, tum sacchari æqualis quantitas, itereturque idem processus, donec nulla omnino appareat solutio.

Liquores simul omnes magnesium solutum continent.

Adjiciatur sodæ carbonas: habebitur magnesium præcipitatum: ergo oxydi 180 = 100 reguli. (*Lem. 49.*)

2.º Mineræ matrix $\left\{ \begin{array}{l} 1. \text{ Insolubilis} \\ 2. \text{ Solubilis.} \end{array} \right.$
esse potest,

Si primum; solvatur eodem modo atque instantia prima: tunc vero matrix præcipitata in filtro residua erit: solutiones vero post filtrationem magnesium duntaxat continebunt.

Si secundum; Magnesium zinco præcipitetur: quum autem magnesium ita præcipitatum in statu perfecti reguli non obtineatur; idcirco iterum acido nitrico, adjecto saccharo dissolvendum, præcipitandumque, ut 1.º casu.

3.^o Solvatur minera, ut præcedenti casu : ferveat postea ad siccitatem usque; habebiturque compositum quoddam ex magnesiæ ac ferri oxydis.

Adjiciatur huic composito acidum acetosum : quo quidem solum magnesiæ oxydum solvetur. (*Art. I. §. I. Spec. IV.*)

Coletur : evaporeturque usque ad siccitatem : habebitur magnesiæ oxydum separatum.

Diffolvatur acido nitrico sacchari additione ; præcipiteturque sodæ carbonate, (1.^o casu.)

Oxydum autem ferri in filtro residuum , iterum acido muriatico solvendum , ac sodæ carbonate præcipitandum, (*Art. II. §. II.*)

§. V.

M O L Y B D E N V M.

M O L Y B D E N V M non nisi in statu Mineralisato reperitur.

Spe-

Species I. Molybdenum, et sulphur.

Trituretur: ustuleturque, donec albescat:

Adhibeatur acidum nitricum in ea scilicet proportionem ut 3 : 1. Exsiccentur: eademque iteretur operatio bis, aut tertio, donec observetur acidum nitricum non esse sensibilibiter decompositum. Tunc vero habebitur acidum molybdicum concretum.

Cujus quidem acidi sumatur portio quædam; quolibet oleo subigenda. Dividatur deinde in parvos globulos, qui in crucibulum carbonis pulvere intrinsecus obductum immittantur: obtegantur carbonis pulvere: crucibulo deinde probe clauso, duarum, triumve horarum spatio violenti ignis actioni exponatur: obtinebitur molybdeni regulus, cujus quantitatem facile erit æstimare.

§. VI.

STIBIVM.

STIBIVM duplici { 1. Mineralisato,
statu reperitur, { 2. Salino.

Sta.

*Statu Mineralisato.**Species II.* Stibium , sulphur.

Adjiciatur acidum nitro-muriaticum : sulphur quidem purum remanebit , stibium vero solvetur.

Percoletur solutio : fervefiatque acido nitrico : habebitur stibium oxygenatum , quod quidem per semetipsum præcipitatur : ergo stibii oxygenati $138 = 100$ reguli. (*Lem. 52.*)

Species III. Stibium , et arsenicum.

Adhibeatur acidum nitro-muriaticum : utraque profecto substantia solvetur. (*ex Lematib.*)

Adjiciatur solutioni acidum nitricum , in eo nimirum pondere , quod sit ad pondus mineræ :: 2 : 1.

Ebulliat deinde : habebitur stibium majori oxygenatione præcipitatum. (*Spec. II.*)

Separetur stibium ; arsenicum vero aqua præcipitetur , ac tandem via ficca exoxydetur. (*Art. IV. §. I.*) Sta-

Statu Salino.

Species IV. Stibium , et acidum carbonicum.

Solvatur acido nitro-muriatico : præcipiteturque sodæ carbonate ; ergo $140 = 100$ reguli. (*Lem. 50.*)

Species V. Stibium , et acidum muriaticum.

Adjiciatur acidi muriatici ea quantitas, donec perfecta obtineatur solutio : adhibeaturque soda : habebitur stibium præcipitatum.

Percoletur : iterumque acido nitro-muriatico solvatur , ac sodæ carbonate præcipitetur : ergo $140 = 100$ reguli. (*Spec. IV.*)

§. VII.

TVNSTENV M.

TVNSTENV M invenitur tantum statu Salino.

Spe-

Species I. Tunstenum , et oxygenium.

Trituretur minera : misceaturque tribus , quatuor-ve carbonatis potassæ partibus : igne lique scat mistio : ac post refrigerationem , denuo calida aqua solvatur : coelur : adhibeatur solutioni acidum muriaticum : habebiturque tandem acidum tunsticum præcipitatum.

Filtretur deinde ; laveturque præcipitatum , et exsiccetur.

Exoxydetur tandem via sicca : cæteraque omnia fiant , ut statuimus circa molybdeni exoxydationem. (§. V.)

Species II. Tunstenum , oxygenium , oxydum ferri , et magnesium.

Hujus speciei analysi eodem modo instituenda ac *Spec. I.* Enim vero magnesii oxydum , dum aqua calida mistum solvimus , præcipitatur : oxydum autem ferri , si quidem remansit , suspensum in solutione , acidi muriatici interventu solvetur ; ac proinde acidum tunsticum concretum , a cæterisque substantiis plane explicatum , præceptis ruct. A R T.

ART. V.

De semimetalli fluidi analysi.§. *Unicus.*

HYDRARGYRVM.

HYDRARGYRVM { 1. Nativo ,
triplici in statu reperitur : { 2. Mineralisa-
to ,
3. Salino.

*Statu Nativo.**Species I. Hydrargyrum nativum.*

Hujus autem quod tentamine indiget ,
dupliciter existere potest : nimirum

{ 1. cum matrice ,
2. cum metallicis sub-
stantiis copulatum.

Si primum : lotionis , destillationisque
operationibus locus erit.

Si

Si alterum obtinet ; substantiæ metal-
licæ , quæ nativum hydrargyrum comita-
ri plerumque solent , sunt aurum , argen-
tum , ac wismuthum.

Adhibeatur acidum nitricum : aurum
cum solvi nequeat , præcipitabitur.

Auro extracto , remanebit in solutione
hydrargyrum , argentum , et wismuthum.

Adfundatur aqua : habebitur wismu-
thum ; quod quidem æstimare poterimus.
(*Art. IV. §. II.*)

Residua ergo sunt hydrargyrum , ar-
gentumque.

Adhibeatur acidum muriaticum ; et
utraq; substantia præcipitabitur.

Præcipitatum hocce compositum in
retortam introducatur , destilletque : ha-
bebitur hydrargyrum in statu reguli.

Argenti vero murias , fixus remansit :
eruntque $133 = 100$ reguli. (*Art. I. §. III.*)

Sta-

*Statu Mineralisato.**Species II.* Hydrargyrum, sulphur.

Adhibeatur acidum nitro-muriaticum tribus acidi nitrici, unaque acidi muriatici partibus constans, cujus pondus sit ad pondus mineræ :: 8 : 1. Habebitur hydrargyrum solutum, sulphurque separatum.

Coletur : adjiciaturque solutioni zinci lamina : habebitur hydrargyrum : ergo 100 = 100 reguli.

Species III. Hydrargyrum, cuprum, sulphur.

Ignis actioni in sublimatorio vase minera exponatur : habebitur cuprum fixum, sulphuretum vero hydrargyri (*Cinnabarim*) sublimatum.

Hoc autem adcuratissime separato, instituendus in eo processus *Speciei II.*

Cuprum acido nitrico solvendum; sodæ carbonate præcipitandum, ac tandem æstimandum. (*Art. II. §. I.*)

Sta-

*Statu Salino.**Species IV.* Hydrargyrum oxygenatum.

Solvatur acido nitrico, ac sodæ carbonate præcipitetur: ergo $110 = 100$ reguli. (*Lem.* 51.)

Species V. Hydrargyrum, et acidum muriaticum.

Solvatur aqua calida; sodaque præcipitetur.

Tum vero percoletur: iterumque acido nitrico solvatur, et sodæ carbonate præcipitetur. (*Spec.* IV.)

Species VI. Hydrargyrum, et acidum sulphuricum.

Adhibeatur acidum sulphuricum, donec obtineatur solutio: adjiciatur tum lamina zinci: habebitur hydrargyrum: ergo $100 = 100$ reguli.

C A P. III.

METALLICARVM substantiarum analysis nec semper via humida perfici potest, sed viam quidem siccam persequi quandoque opus est. Quo igitur sive in parvis, sive in magnis quantitatibus suscepti labores optimum effectum consequantur, necessaria omnino est fusio.

Metallicæ tamen substantiæ fusione permiscentur plerumque. Quum ergo perfecta metalla tum proprietatibus, tum prætio præ imperfectis, et semimetallis præstantiora sint; parum quidem adcurata essent tentamina, magnique labores minorem præ se ferrent utilitatem, nisi perfecta metalla ab aliis metallicis substantiis sejungendi ratio constaret.

Id vero cupellatione consequitur. (*P. I. Cap. II. Art. I. §. 9.*) De cupellatione igitur primo hujus Capitis articulo sermonem instituemus.

Iam vero perfecta metalla alia aliis quoad proprietates suas proxima sunt.
Et-

Etsi ergo cupellatione ab aliis metallicis substantiis separentur, inter se tamen unita manere experientia notum est.

Necessaria igitur est methodus, qua et a se invicem disjungantur.

Ea vero methodus *Separationis* (Gallice *Depart*) processum constituit. (*P. I. C. II. Art. I. §. 10.*) De quo quidem altero hujus Cap. articulo pertractabimus.

A R T. I.

§. I.

De Cupellatione.

CUPPELLATIONIS finem alium non esse, nisi metallorum imperfectorum, aut semimetallorum, quæ perfectis immixta sunt, vitrificationem, scorificationemve promovere, jam alibi statuimus. (*P. I. C. II. Art. I. §. 9.*)

Diximus quoque (ibid.) plumbum, ac wismuthum eas esse substantias, quæ ejusmodi fini consequendo aptæ sunt.

Quum

Quum tamen binæ hæ substantiæ argento sæpe sæpius immistæ sint ; (*P. I. C. I. Art. IV. §§. XIII. XVIII.*) illud in primis Metallurgus curare debet, ut de illarum sinceritate certus fiat, (maxime si de tentamine agatur) ut nimirum propositum finem sine errore consequi valeat.

§. II.

Quod vero adtinet ad proportionem qua plumbum, wismuthumque diversis cupellationibus sunt adhibenda, varia est sententia. Alii siquidem maximam putant requiri quantitatem, quo nempe securius perfectorum separatio metallorum obtineatur.

Alii e contrario minimam quantitatem cupellationis fini accuratissime consequendo adhibendam esse opinati sunt : ea nimirum ratione ducti, plumbum ac wismuthum scorificatione quamdam nobilium metallorum portionem nunquam non secum trahere.

Quum autem utraque sententia, nostro iudicio, vitio laboret, ut mediam teneamus, experientia maxime consulenda.

P

A.

A. Quum metalli cujusdam perfecti proportionem ac puritiem determinare voluerimus ; quantitas quidem scorificantis substantiæ , & accurata , & præcognita fit oportet , ita ut cupellæ pondus non excedat , imo vero ab eo superetur.

B. Quum vero in magnis laboribus perfecta metalla purificare , & ab omni prorsus mistione separare volumus , tum vero substantiæ scorificantis , & scorificandæ quantitates inter se esse debent :: 8 : 10 circiter.

Ad argenti cupellationem , sequentem Tabellam adcuratissimis experimentis confirmarunt *Hellotus* , *Macquerus* , atque *Tilletus*.

Plumbi nempe quantitatem ad eam argenti esse debere, si argentum 12 denariorum fit - - - - :: 2 : 1.

Si arg. 11 den. & 12 gran. :: 4 : 1.

Si 11. denar. - - - - :: 6 : 1.

Si 9. denar. - - - - :: 10 : 1.

Si 8. - - - - :: 12 : 1.

Si 7. - - - - :: 14 : 1.

Si 6. - - - - :: 16 : 1.

§. III.

Iusta ignis adplicatio maximi quoque in cupellatione momenti res est.

A. Si enim modum excedat, plumbum quidem ac wismuthum rapido motu ad cupellam transeunt, quin substantias scorificandas secum ferant.

B. Si vero nimium sit remissus, duo inde oriuntur incommoda.

1.^o Litargyrum majoribus massis adunatum penetrandæ cupellæ ineptum evadit.

- 2.^o Operationis progressui obstat :
 litargyrum enim vero condensatum metallicæ mistionis superficiem tegit, quin aeri liberum accessum præbeat.

§. IIII.

Caloris nimietas ex sequentibus phænomenis agnoscenda.

- 1.^o Si massæ liquatæ superficies convexa nimium apparuerit ;
- 2.^o Si vehementiori agitetur motu ;
- 3.^o Si cupella candens adeo exstiterit ,
 ut litargyri eam penetrantis colores conspiciendos non præbeat.

Quum autem nimius calor fit operationi noxius (§. III.), idcirco, ut moderari quidem possit, carbones ab tegulæ docimasticæ ingressu extrahendi, aut foramina quidem E E E E (*Fig. 21*) instrumentis propriis (*Fig. 25*) obturanda (*P. I. C. II. Art. III. §. 21.*)

§. V.

§. V.

Calorem vero nimis remissum esse ex sequentibus judicabis.

- 1.º Si liquati metalli superficies (habito nimirum ad totam massam respectu) parum sphærica apparuerit ;
- 2.º Si lentissimo agatur motu ;
- 3.º Si cupellæ color fit opacus ;
- 4.º Si cupella denique quadam oxydi plumbi, aut wismuthi pellicula obtegatur, quin eam absorbeat.

Iam vero cum & calor nimium remissus operationi nocëat (§. III.), majori profecto aeris fluentis copia augeatur necesse est. Tum vero observare erit

- 1.º Pelliculam evanescere ;
- 2.º Oxydum a cupella absumptum vitrificari ;
- 3.º Circulationem sensibilem evadere.

§. VI.

§. VI.

Quum vero utrumque extremum in vitium ducat (§. III.); iccirco ignis ita temperandus, ut sequentia phænomena observentur :

- 1.º Ut tota liquata massa superficiem sensibilibiter convexam fervet ;
- 2.º Ut eademmet superficies undulatorio quodam motu continuo agitetur ;
- 3.º Ut præterea majorem præ cupella incandescentiam exhibeat ;
- 4.º Ut denique litargyri quodam velut annulo circumdata appareat , qui a cupella absumptus perpetuo tamen renovetur.

Quæ phænomena quandiu conspicua se se præbuerint , tandiu processus continuandus erit, ac persequendus.

§. VII.

Quandoquidem ergo & ignis, & scori-

rificantium quantitas non semper accurate applicantur; cupellæque præterea formâ ac naturâ suo fini consequendo aptissimâ carent aliquando; fieri inde potest, ut harum rationum qualibet, plumbum, aut wismuthum cupellis absumpta, aliquam perfectorum metallorum portionem secum auferant.

Ergo ut justam in tentaminibus quantitatem æstimare, integramque in magnis laboribus utilitatem capere possimus, cupellæ, quibus usi fuimus, sedulo servandæ sunt, ut extractis inde scorificantibus corporibus, contentam in eis metallorum nobilium portionem separemus. (*Act. Academ. An. 1763.*)

§. VIII.

Cupellarum finis est, substantias, quæ in vitrum sive scoriam abierunt, absorbere, metalla vero perfectâ cavitare sua retinere. (*P. I. C. II. Art. III. §. 16.*) Maxime igitur curandum, ut justam cum scorificandarum substantiarum quantitate proportionem habeant, ne scilicet ipsismet absorbendis impares omnino reperi-

riantur , idque præfertim quum de tentamine instituendo agitur.

§. VIII.

Quum igitur de cujuslibet perfecti metalli sinceritate judicium est ferendum , ipsave metalla ab aliis metallicis substantiis disjungenda , sequenti via incedamus oportet.

Sumatur portio purificanda , accurateque balance (*Fig. 16*) ponderetur.

Seligatur deinde cupella (*Fig. 17*) , colloceturque sub tegula doctima (*Fig. 21*) , ac tandem in fornacem introducatur (*Fig. 26*). Postquam cupella incandescentiæ gradum attigerit , in eo statu per horæ dimidium fervetur : quumque rubrum subalbicantem induerit colorem , in eam tum metallum purificandum , aut mistio perfecta metalla continens immittatur simul cum ea plumbi , aut wismuthi portione , quæ conveniens visa fuerit. (§. II.)

Ca-

Calor deinde augeatur, clausa nimirum portula (n.º 2.), & aperto cinerarii B fundo: eoque statu fervetur, donec perfecta obtineatur fusio: perfecta autem erit, si massa liquata rubrum emittat colorem; si fumum exhalet, motuque undulatorio agitata superficiem lævem, & æqualem undequaque exhibeat.

Tum vero loco portulæ (n.º 2.) alia apponatur (Fig. 28), quo nempe Metallurgus caloris gradus ita temperare possit, ut notata phænomena (§. IV, V) vitare, alia vero §. VI descripta perpetuo consequi possit.

Et in eo quidem statu processus ad finem usque servandus.

§. X.

Processus autem absolutus habebitur:

Quum globulus metallicus majori, quam paulo ante, densitate præditus appar-

paruerit , nullaque litargyri pellicula tectus , sed vero colore vivido ac radiante splendens.

XI.

Quum ad eum statum operatio pervenerit , cupella aliquibus adhuc momentis in eodem caloris gradu servanda , ut nimirum , quod mistionis forte superfuit , sub metallico globulo retentum scorificetur. Ita enim perfecta metalla , & quidem sola , ac pura obtinebimus.

§. XII.

Tum vero lente frigescat cupella , donec metallicus globulus condensetur : is deinde ferrea forcipe , cupella adhuc calente , extrahatur ; pondereturque tandem , ut ponderis differentia notetur.

Quo autem nihil prorsus dubii circa tentamen remaneat ; institui potest processus duplici cupella sub eadem tegula docimastica , ut nempe effectus comparando , de operationis successu multo redamur certiores.

§. XIII.

§. XIII.

Etsi vero cupellationis processus accuratus videatur, tamen certum est, non semper metalla perfecta omnino pura in cupella obtineri. Ejusmodi enim vero processus perfectio a plurimis pendet: & quidem

- 1.º A majori, minorive, qua scorificantes substantiæ erga scorificandas adfinitate donantur;
- 2.º A majori quoque, vel minori adfinitate, quam metalla perfecta, cæteraque inter se habent;
- 3.º Ex eo quod imperfecta metalla ad liquationem, vitrificationemque magis minusve apta sint;
- 4.º Tandem ex vario in metallis perfectis fusibilitatis gradu.

§. XIII.

Ex quibus ea quidem corollaria consequuntur.

- 1.^{um} Ex omnibus perfectis metallis argentum præ cæteris facilius cupellari posse : 1.^o enim majori fusibilitate, quam aurum & platinum, gaudet : 2.^o majori quoque adfinitate ad plumbum trahitur.
- 2.^{um} Ad platini, argentine ferro immisti cupellationem optime wismuthum præ plumbo adhiberi : quandoquidem wismuthum majori quam plumbum adfinitate ferro adhæret.
- 3.^{um} Auri cupellationem, & difficiliorem, & imperfectiorem esse ; quum difficilius quoque præ argento aurum liquationem subeat,
- 4.^{um} Longe difficillimum fore cuprum a perfectis metallis cupellatione penitus extrahere : cuprum enim nobilibus metallis adunatum maxime scorificationi plumbi auxilio obtinendæ obstat, idque præsertim, si auro immistum sit.

5.^{um} Platini cupellationem omnium esse difficillimam, magisque imperfectam: 1.^o quia platinum vitri plumbi actioni maxime obfistit; 2.^o quia difficili negotio liquatur; 3.^o quia intimam cum ferro unionem adfectat: Ferrum autem ad cupellam transiens fieri non potest, quin quasdam platini particulas secum deferat.

§. XV.

Ex quibus omnibus facile est colligere, non solum quomodo in cujuslibet metalli perfecti, mistionisve ipsi adunatæ scorificatione procedendum; verum etiam quandonam certi esse poterimus, effectum accuratissimum obtinuisse, nec operationem immutandam, iterandamve.

§. XVI.

In magnis laboribus eæ cupellæ adhibendæ, quæ quinquaginta selibras ad centum usque unica cupellatione purificandas capere possint: ita enim & combustibilium corporum, & temporis minus absumitur. Ejus-

Ejusdem vero cupellæ ex vegetabilium cineribus efformari possunt : optimæ erunt tamen, si & ossium calce in iis componendis uti fuerimus. (*P. I. C. II. Art. III.*)

A R T. II.

De Separatione.

§. I.

QUVM perfecta metalla non ignis solum, verum etiam plumbi, wismuthique actioni, dum scorificantur, obistere, & inter se copulata post cupellationem manere soleant; alia proinde media per tentare opus est, quo ab invicem separentur. Id vero *Separationis* objectum constituit.

§. II.

Diximus jam supra hujus operationis fundamentum in eo consistere, quod singularum metallicarum substantiarum tum solutioni, tum præcipitationi propria sint menstrea. (*P. I. C. II. Art. I.*)

Quum igitur observatione constet, acidum nitricum, nitro-sulphuricum, &
mu-

muriaticum , sulphurque argentum non aurum solvere ; ac præterea acidum nitro-muriaticum aurum duntaxat petere ; modum hinc colligere licet , quo duæ hæ substantiæ ab invicem separentur.

Quumque observatione itidem certum fit , aurum & platinum eodem quidem acido dissolvi , & præcipitantibus tamen diversis præcipitari ; (*P. II. C. II. Art. I. §. II.*) non difficile quoque inde erit colligere , quomodo platinum ab auro separari possit.

§. III.

Iam vero , qua ratione perfectorum metallorum *separatio* obtineatur , ubi de minerarum examine docimastico actum est , diximus (*P. I. C. II. Art. I.*) Nunc ergo de *Separationis* processu in magnis laboribus instituendo agere operæ præmium est. Cæteris ergo processibus prætermisissis , de quibus *P. I.* , sequentem duntaxat adoptabimus.

Detur nimirum quælibet auri atque argenti mistio , ut harum quidem substantiarum alia ab alia separetur.

Su-

Sumatur argentum purissimum, datæque massæ immisceatur, ita ut sit argenti quantitas ad illam auri :: 3 : 1, vel secundum *Sagium* :: $2 \frac{1}{2}$: 1.

Adhibeatur deinde plumbum : & cupellationi subjiciatur.

Habebitur quidem & omnium substantiarum heterogenearum extractio, & perfecta auri argentique fusio.

Nova isthæc argenti & auri mistio ad tenues lamellas redigatur, quæ in cucurbitam introducantur.

Adfundatur tum acidum nitricum ad 32 concentrationis gradus ; quo quidem argentum vapores emittens solvitur. Horæ quadrante præterlapso, idem iteretur processus, decantata nimirum solutione, novoque acido & puriore, & meraciore adhibito, ut ultimas, minimasque argenti particulas petat.

Et ea quidem operatione peracta habebitur in cucurbita aurum purum.

La-

Lavetur tum calida aqua , donec ipsa-
met insipida reddatur : exsiccetur aurum :
ponderetur : statimque illius proportio no-
bis cognita erit.

§. IV.

Argentum in solutionibus restitit.
Ut ergo illud obtineatur , in magnis va-
sis , sufficientique aquæ quantitate attenu-
andum : tum vero cupri laminis immixtis ,
argentum obtinebimus.

§. V.

Processus *separationis* platini in ma-
gnis laboribus idem plane est , atque in
ejus docimasia.

Solvatur nimirum mistio acido nitro-
muriatico : præcipiteturque platinum mu-
riatis ammoniacalis ope.

S E C T I O II.

C A P. I.

MINERÆ Metallicæ in terræ visceribus recluduntur, montesque ipsarum domicilium maxime cognoscuntur :

Primum igitur de monte metallifero, ad quem Metallurgus potissimum attendere debet, pertractabimus.

Venæ metallicæ in sinu telluris diverso modo collocantur, & extenduntur; earumque directionem (proxime saltem) prosequi debet Metallurgus, quoties de cavitatibus quibuscunque, seu aperturis pro venarum exploratione faciendis agitur :

Hinc secundo pauca de Geometria subterranea delibabimus.

Cum ditissimæ plerumque venæ, seu unius ejusdemque venæ ditior pars in inferiori montis metalliferi parte offendantur; necesseque tunc habeat Metallurgus pro-

profundiores multo excavationes agere, subque multiplici directione vias sibi aperire, in campumque exspatiari, ut venarum ductum sua in directione prosequatur; fieret procul dubio, ut incassum omnis adhiberetur industria, aere operariorum aptissimo respirationi deficiente :

Tertio igitur loco, de mediis aërem in metallifodinis innovandi, verba faciemus.

Præter generaliores quasdam, quæ ad Metallurgum perficiendum requiruntur cognitiones, aliæ quoque sunt necessariae, cujusque locorum peculiare, quæque pro diverso minerarum situ magnopere variant :

Quarto igitur, postremoque loco, quid juxta quælibet loca, aut climata, variamque montis indolem animadvertendum maxime sit, ac consulendum, ut accuratior metallicæ substantiæ obtineri possit extractio, indicabimus.

A R T. I.

De Monte Metallifero.

§. I.

DVPLICI sub adspectu Montem Metalliferum contemplatur Metallurgus : 1^o externe ; 2^o interne. Externorum quorundam indiciorum, licet valde quidem lubricorum, ope, minerarum existentia conjectatur. Sunt autem modo dicta indicia ;

1.^o Montis vetustas : siquidem non in primævis, s. antediluvianis, ut nec in recentioris formationis montibus, mineræ frequentius occurrunt metallicæ ; sed in iis maxime, quæ secundaria formatione extiterunt.

2.^o Figura : sic enim, quo magis ad verticalem mons accedit directionem, eo steriliorem esse observatione constat : contra vero, montes illi metallo ditiores esse creduntur, quorum minor ad horizontem inclinatio reperitur.

3.^o Structura : nam lapidum, qui mon-
tem

tem efformant, natura ejusdem minerosam fertilitatem indicare potest, ac solet. Lapidem graniticum, generatim loquendo, minerarum matricem non constituere satis constat: contra vero Schistus, Marmor, s. Sphatum calcareum, ac ponderosum, metallorum matrix sæpissime deveniunt.

4.^o Exhalationes: ex his enim quarundam minerarum decompositio, destructioque concluditur.

5.^o Productiones: constat enim montem metallicas substantias sinu suo foventem, vegetationi minus aptum esse, cum vegetantia cuncta ibi maxime languescant.

6.^o Aquæ: cum enim hæ per subterraneas montium metalliferorum rimas, & canales fluant, fieri nequit, quin minerarum particulis imprægnentur.

Hinc ex aquarum gustu, cæterisque proprietatibus minerarum existentia proditur; Reagentia vero corpora, earumdemque evaporatio, ad substantiæ metallicæ naturam detegendam nos tutissime ducunt.

Horum

Horum tamen omnium signorum nullo, quamvis alia aliis sint tutiora, fidentum; siquidem aut pauperrimam explorarique nullatenus dignam produnt sæpe venam, aut etiam omnino circa minerarum ibi existentiam decipere possunt Metallurgum. Tutissimam igitur ibit viam, cui *terebrâ metallurgicâ* (*Sonda*) uti placuerit.

§. II.

Interna montis metalliferi consideratio docet Metallurgum, quotuplici modo mineræ metallicæ in sinu telluris dispositæ reperiantur. Offenduntur itaque potissimum vel 1.º cummulatæ; vel 2.º in venis plus minus extensis.

Definitio.

Venæ metallicæ dicuntur quidam tractus, s. fissuræ quædam subterraneæ, quæ substantia metallica a terris, s. lapidibus involventibus distincta replentur.

§. III.

Venæ tum majores, cum minores, s.
ve-

venulæ, five ramuli metallici, pro diversa quam sequuntur directione, esse possunt,

- A. Rectæ,
- B. Obliquæ,
- C. Flexuosæ.

Ratione vero crassitie sunt, vel

- A. Venæ majores, seu simpliciter venæ;
- B. Venæ minores, s. venulæ, ramuli, s. *fibræ venosæ*.

Quoad continuitatem spectat, sunt vel

- A. Continuæ,
- B. Abcissæ, s. turbatæ.

§. IV.

Tria circa venas metallicas quascumque præcipue animadvertenda: scilicet,

- 1.º Earum directio, & ad horizontem inclinatio;
- 2.º Earum vis;
- 3.º Substantia involvens.

A.

- A. Venarum metallicarum directionem, multiplicesque inclinationis gradus (proxime saltem) mensurare (sequent. Art.) edocebimus.
- B. Venarum vis ex earumdem longitudine, latitudine, ac profunditate determinatur. Hæc non in diversis tantum venis, sed non raro quoque in eadem summopere variant. Siquidem dantur venæ notabilis adeo longitudinis, ut, vel si vallis, fluviusve interjaceat, ad unius pluriumve leucarum distantiam protendantur nobiliores nonnunquam, s. ditiores, postquam abciissæ fuerant, quam in origine evadentes.

Contra vero, aliæ offenduntur, quæ vix a loco natali distant, ac cito pereunt.

Venarum latitudo etiam variationi subjacet; cum eadem plerumque vena quibusdam in locis vix pollicem æquet; in aliis pedum, ac tandem in aliis hexapedarum gaudeat latitudine.

Idem circa profunditatem tenendum est.

- C. Substantia venam metallicam obvolvens dicitur a Metallicolis *Matrix*, f. *Lapis venæ*: quæ iterum vel *Tectum*, vel *Lectum*, f. *Fundus* pendens, ac jacens, Wallerio, aliisque audiunt; quorum definitiones dedimus *P. I. Cap. I. Art. III. §. 2. 3.*

§. V.

Venarum ubertas trinæ ipsarum dimensionis rationem, longitudinis videlicet, latitudinis, ac profunditatis, non semper, imo raro sequitur. Dantur enim venæ solidæ satis atque compactæ, metalloque ditissimæ; dum alias reperire licet, in quibus substantia metallica maxima aut terrarum aut lapidum mole obvolvitur: aliarum pars extima, velut quadam chrySTALLIzatione metallica, vix obducitur; dum intus substantia metallica omnino destituitur. Quædam tandem colore metallico vix per totam suam substantiam tinguntur, pro vario, a quo originem duxerunt, oxydo.

ART.

A R T. II.

De Geometria subterranea.

§. I.

SCIENTIA illa , quæ fodinarum extensionem sibi proponit determinandam , Geometria audit subterranea ; lineis maxime , angulisque dimetiendis accommodata.

§. II.

Instrumenta quibus utitur sunt eadem , quæ in Geometriæ vulgaris , ac Trigonometriæ Rectilineæ praxi adhibentur ; suntque præcipue

- I.^o Acus magnetica cum circulo in bis duodecim æquales partes , quæ horæ nominantur , diviso , quæque iterum in minores partes , octavas dictas , dividi solent. Adhibetur ad venarum directionem quamlibet relate ad Mundi plagas determinandam.

- 2.^o Semicirculus in gradus, atque minuta distributus. Adhibetur ad venarum inclinationis gradus dimetiendos.
- 3.^o Catena: instrumentum, quo distantiae mensurantur.

§. III.

Quæ nobis passim Scientia, de qua agimus, proponit resolvenda problemata, haud quidem difficilia illis esse debent, qui Geometriæ, ac Trigonometriæ principiis instructi sunt. Logarithmicis enim sinuum, numerorumque tabulis calculos atque operationes multo evadent breviores. Qui vero plura huc spectantia desideraverint, adeant *Cl. Jars Itinera Metallurgica*.

§. IV.

Ut quædam resolvantur, quæ in praxi & obvia magis, & utilia existunt; sit (*Fig. 30*) A B C planum verticale cujusdam fodinæ, in qua scilicet A venæ A D ad telluris superficiem detectæ originem refert: B G puteum exhibet verticalem viæ hori-

horizontali GF, quæ AB est parallela, cujusque auxilio vena ipsa FHC, cujus origo ponitur esse in A, detecta fuit, communicantem. Ejus autem inclinatio per angulum GFH, quem ponimus $\equiv 54^\circ \equiv BAF$, mensurata fuit.

Si deinde vena ipsa juxta eandem, five huic proximam directionem cum superius, tum inferius protendatur, tria sequentia solvi poterunt problemata.

P R O B L E M A I.^{um}

Sit, per actualement scilicet. dimensionem, BG \equiv 76, ac GF \equiv 74 pedib. perquiratur horizontalis AB.

Ducatur recta FE BG parallela, eritque in triangulo AEF, AE : EF :: 1 : tg. A (posito nempe radio \equiv 1.)

Igitur $AE = \frac{EF}{tg. A} = \frac{BG}{tg. 54^\circ} = \frac{76}{tg. 54^\circ}$. Jam

L.	76	- - - - -	1, 8808135
C L.	tg. 54°	- - - - -	9. 8612610
L.	AE	- - - - -	<hr/> 1, 7420745

Idcirco $AE = 55, 22$ pedib. Adjectaque $EB = FG = 74$ pedib. erit $AB = 129, 22$ pedib.

PROBLEMA 2.^{um}

Data nunc & horizontali AB , & angulo A , quæritur, quænam sit venæ longitudo, ab origine scilicet ad locum, ubi cum puteo verticali BG producto concurrat, supputando.

In triangulo rectangulo ABC , erit
 $1 : \cos. A :: AC : AB$; igitur $AC = \frac{AB}{\cos. A}$
 $= \frac{129, 22}{\cos. 54^\circ}$

L.	129, 22	- - - -	2, 1113297
C L.	$\cos. 54^\circ$	- - - -	0. 2307813
L. AC	- - - -	- - - -	<u>2, 3421110</u>

Hinc $AC = 219, 84$ pedib.

PROBLEMA 3.^{um}

Tandem data horizontali AB , una cum angulo A , putei verticalis BG altitudinem, s. profunditatem, ut ad venam AC perveniat, determinare.

In triangulo ABC erit $1 : \operatorname{tg}. A :: AB : BC = AB \times \operatorname{tg}. A = 129, 22 \times \operatorname{tg}. 54^\circ$

L. 129, 22 - - - - - 2, 1113297

L. $\operatorname{tg}. 54^\circ$ - - - - - 0, 1387390

L. BC - - - - - 2, 2500687

Idcirco $BC = 177, 85$ pedib.

A R T. III.

De aeris innovatione in fodinis.

§. I.

NOTISSIMA sunt, quæ ex aeris quomodocunque infecti inspiratione Metallicolis proveniunt incommoda: maximi igitur erit momenti aerem in metallifodinas introducere, ejusque circulationem ibi liberam reddere. Operæ pretium igitur nos esse facturos existimavimus, si media, quibus aer respirationi maxime conveniens in cavitatibus ad minerarum extractionem institutis conservari possit, indicaverimus.

§. II.

§. II.

Observationibus constat thermometricis aeris atmosphærici temperaturam hieme esse $= 0$: sed iisdem tamen compertum est, quod si in modo dicta anni tempestate thermometrum in fodinæ cujusvis aperturam introduxeris, eandem quidem temperaturam $= 0$ in ingressu exhibet; ad interiora tamen, ac profundiora loca progrediendo, ad gradum $10.^{\text{um}}$ usque $12.^{\text{um}}$ ascendit.

Æstate vero temperaturam aeris externi esse $= + 20$ gr. ejusdem generis observationes docuerunt; intromisso tamen thermometro, 9 usque 10 grad. infra zerum descendisse constat. (a)

Aer igitur atmosphæricus hiemali tempore 10^{es} 12^{es} ve densior, quam qui intra fodinarum cavitates reperitur, existit: contra vero, æstate 9^{es} 10^{es} ve rarior deprehenditur.

§. III.

Posita itaque fodina qualibet duplici
aper-

(a) *Jars. Itinera Metallurg.* Tom. 1. pag. 340.

apertura instructa , altera quidem inferiori multo , altera vero sublimiori , necessario sequitur :

- 1.^o Aerem atmosphæricum circulationem suam hiemali tempore ita esse peracturum , ut per inferiorem introductus aperturam, per superiorem egrediatur.
- 2.^o Æstate autem per superiorem ingressum , per inferiorem exiturum.

Propositio I.

Detur via , s. campus subterraneus fœdinæ A B (*Fig. 31*), cujus in extremo altero sit apertura A ; in altero vero puteus C B existat 10 aut 12 perticas aperturam A elevatione superans.

Cum sit A B C cavitas subterranea, aeris ibi contenti calor erit hieme = $+ 10$ gr. dum atmosphærae calor eadem tempestate = 0 reperitur (§. II.) Jam punctum B columna premit ejusdem cum atmosphæra altitudinis , cujus calor usque
ad

ad $C = 0$, ex C vero ad $B = + 10$ gr. reperitur.

Cum tamen supra punctum A prementis columnæ calor fit $= 0$, hinc graviolem esse eâ quæ in B premit fit manifestum: cum igitur in A gravitatem suam exercent, ærem in AB contentum egredi per aperturam C compellat necesse est.

Propositio II.

Æstivo tempore aeris fodinam inhabitantis calor, scilicet in ABC , est $= + 10$ gr.; cum atmosphæræ calor sit $= + 20$ gr. (§. II.) Totius igitur columnæ supra A prementis temperatura est $= + 20$ gr., cum illa quæ premit in B temperaturam habeat usque in $C = + 20$, ex C vero in $B = + 10$ gr.: gravius igitur premens columna CB ærem in CA contentum per aperturam A illum egredi coget.

Hinc quoties in metallifodinis duplex instituta fuerit apertura, dummodo inæqualis sit utriusque altitudo, aer intra cavitates ipsas circulabitur.

§. IV.

Observatum jam dudum fuit , aerem in mineris difficulter cum verno , tum quoque autumnali tempore circulationem suam absolvere ; hinc debilis admodum candelarum flamma , ob combustionem nimis debilem ac tardam , opera ipsa intermittere ut plurimum cogit Metallurgum. Phænomeni causa in eo posita est , quod aeris temperies intra minerarum cavitates eadem pene sit ac in atmosphæra : eadem igitur in columnis superincumbentibus densitas , aut ferme eadem , aeris circulationem impedit , eumque potius quasi in æquilibrio retinet.

§. V.

Quoties igitur adest æqualis externi , internique aeris temperies , quæcunque demum causa fuerit , aerem combustionis ope instaurabimus , ad libereque circulandum determinabimus.

Sit puteus A B (*Fig. 32*) , cujus in ima parte canalis B C ad venam metalliferam prosequendam ducendus sit : aerem
in

in C *ex gr.* deficientem quo pacto innovabimus ?

Extruatur prope putei modo dicti orificium A furnus G E , camino E F satis elevato instructus : lateri vero ipsius putei canalis insit , cujus extrema pars altera G furno communicet ; altera vero, prout opus ipsum progressum fuerit, producat veluti ex G in H ; ex H in I. Admoto igne , aereque ex E usque ad F illico rarefacto , columna atmoiphærica in A gravior erit , aeremque in A B , ac B C contentum premens , illum per canalem I H E F egredi compellet : unde in spatio A B C continua fiet aeris circulatio.

Eadem omnino circa latus B D intelligenda veniunt , idque sive mons , aut fodina ipsa horisonti fiant parallela , sive diverso modo inclinentur ; puteique directio perpendicularis sit, sive obliqua.

§. VI.

Hinc concluditur, quam turpiter errasset Metallurgus aperturas aeris innovandi obtentu multiplicando. Siquidem

- 1.° Si plures sint , omnesque ejusdem prorsus altitudinis aperturæ , omnes ab æqualibus atmosphæræ columnis æqualiter prementur : erit igitur æquilibrium , nullusque aeris motus stabiliri poterit.
- 2.° Operariorum impensæ multum quidem increverent ; nullo interim ipsius operis emolumento.
- 3.° Datis plurimis in fodina quavis aperturis , aquarum receptacula multiplicarentur , auctis in eadem ratione pro ipsius extrahendis & labore & impensis.

§. VII.

Nonnunquam tamen accidit , ut multiplices institui præstet aperturas ; si nempe vena plurimis in locis simul extrahenda sit. Id autem locum habet :

- 1.° Quoties mons ipse metalliferus
ex-

excavationibus agendis facilem se præbet;

2.^o Cum haud magna est illius elevatio, venaque metallica superficialis deprehenditur.

A R T. IV.

De iis, quæ pro fodinarum natura, situque consulenda sunt.

§. I.

CVM multiplex minerarum indoles, situsque diversus opera metallurgica variare nunquam non cogat Metallurgum, quasdam necesse est regulas indicare, ad quas ipse debet animum intendere.

Regula I. Clima perpendendum est.

Talis cognitio operationibus quibuslibet metallurgicis rite ordinandis, ac dirigendis infervit. Sunt namque regiones, ubi ardentior, sicciorque autumnus, quam canicula: sunt aliæ, in quibus nivium liquefactionis tempus magnopere variat, ita ut inunda-

dationes , ruinæque prævideri certo nequeant. Dantur quoque , ubi impetuosissimi venti , ubi imbres , glacies , nix maxima anni parte persistunt , ac dominantur. Quæ omnia sedulo ad examen revocanda : quamvis enim venæ extractionem omnino non impediant ; lotionem tamen , exportationem , cæterasque operationes , quæ absque detrimento suspendi nequeunt , impedire apta nata sunt.

Regula II. Viarum distantiae , conditioneque considerentur.

Plurimæ existunt mineræ , in quibus permagnas opus est materie massas , ut laventur , vel fusioni subjiciantur , alio transferre , fusaque metalla exportare. Præterea viarum ipsarum ratio habenda est , ut exportationum impensis , cæterisque quasi ad trutinam reductis , omne quod ex mineris capi poterit emolumentum æstimari valeat.

Regula III. Aquarum scaturiginis distantia , quantitas , ac soli natura , quod pertranseunt , inspicienda sunt.

Ex horum namque trium consideratione tempus, quo caloris actione in vapores abire poterunt, æstimare licebit. Perpendatur etiam, utrum in usus agrarios distrahi ipsæ soleant: ac tandem dies festos, quantum licuerit, perspectos habere oportet; ita enim profesti dies, ac in mineralium labores impendendi innotescunt.

Regula IV. Combustibilium & quantitas, & natura consulantur.

§. II.

Aperturarum pro mineralium substantiarum extractione institutarum directio triplicem ob causam variare potest. Scilicet, vel 1.^o pro montis figura; vel 2.^o pro venæ profunditate; ac denique 3.^o pro substantiarum montem constituentium indole.

§. III.

Methodus, qua via, loca, fauces, campique in fodinis aperienda sunt, atque ducenda, pro montium diversitate diversa quoque esse debet. Ita in monte, qui sa-

xo tantum , rupeve componitur , alia ; alia vero in iis , qui vel terra tantum , vel terrarum simul ac rupium stratis constant, adhibenda est operandi ratio.

§. IV.

Aquæ in fodinis coacervatæ ipsarum laboribus, extractionique impedimento sunt. Extrahi idcirco debent : quod fit 1.º , si vasis ligneis , s. capsulis clausis ad superficiem , eadem omnino via , eademque machina , quibus minera ipsa educitur, eleventur : 2.º antliarum auxilio.

§. V.

Adhibitis licet aerem in fodinis instaurandi mediis superius (*Art. III.*) indicatis , fieri tamen potest , ut acidum carbonicum, (*aer mephiticus*) maxima copia evolutum , incommodum pariat operariis haud sane exiguum. Caveri idcirco quam diligentissime debet. Id autem duplici modo obtinebimus ;

1.º Adhibitis ventilatoribus ;

2.º Causticæ, s. potassæ, s. calcis solutionis ope.

§. VI.

Hydrogenium tandem , haud exigua dum ex mineris extricatur copia, si ad candelarum flammæ contactum pervenerit , cum maximo operariorum vitæ discrimine inflammatum displodetur. Succensis igitur iteratis vicibus, ac per brevía satis temporis intervalla , combustibilibus corporibus , gas illud , si quod evolutum fuerit , destruetur.

C A P. II.

A R T. I.

*De magnis Metallurgiæ laboribus
circa Aurum.*

§. I.

Aurum arenis , terrisve immistum.

P RIMA circa hanc mineram operatio lotione constat. Quæ ut recte fiat ,

Construatur canalis A A (Fig. 34)
ad quem perpetuo aqua decurrat. Com-
mu-

municent cum eo parvuli canales B B, quibus aqua ad capsas C C defluat. Iam vero capsæ superimponi debent planis inclinatis D D, quæ & labris instructa, & intrinsecus pellibus arietinis, textilive laneo, crasso, ac villoso obducta sint, oportet. Ipsamet denique plana D D versus extremitates E E angustiora sint, ibique cum horifontali capsâ F F communicent.

Sumatur minera, & in capsas C C injiciatur, quo statim canalibus B B aqua defluat. Capsis impletis, aqua exundans ad plana, imbricesve D D sponte decidet.

Iam vero manifestum est, aquam e capsis ad plana defluentem grandiusculas, gravioresque auri particulas secum non ferre, sed tenuiores tantum, & eas quidem terris adhuc, arenisque immistas.

Aqua delapsa per plana, seu imbrices D D, in capsam F F recipitur. Quum autem plana ipsa extremitatem versus angustiora sint, aquæ profecto fluxus aliquanto ibi retardatur, metallicæque tum particulæ ad fundum subsident, lanæ, aut villo plana obducenti adhærentes.

Quæ

Quæ autem simul cum aqua ad capsam FF delabuntur, cum ea iterum in capfas CC injicienda: operatioque toties iteranda, donec particulæ metallicæ penitus evolvantur, se seque a cæteris explicent corporibus.

Iam vero eadem machina, eademque operatio omnium minerarum lotioni aptissima est.

§. II.

Quod si forte eveniat, ut tum terreæ, tum metallicæ particulæ nimium exiles sint, aut aquæ operationi perficiendæ non sufficiant; tum vero minera in ligneis alveolis lavanda, qui proinde varias in fundo rimas tribus, quatuorve lineis latas habeant necesse est; eoque modo doliis aqua repletis agitentur.

§. III.

Si lotionis operatio auro e cæteris substantiis evolvendo satis non sit;

Amalgametur: prematur deinde per corium, ac tandem destilletur.

Ea

Ea amalgamatio magnis vasis ferreis facienda: destillatio vero fictilibus retortis, aut etiam vitreis balneo arenæ impositis. Fornaces autem depressæ, adcurateque fabricatæ sint oportet: tum etiam variis desuper foraminibus instructæ, quibus retortæ & recipi & sustineri valeant, ut scilicet eodem temporis spatio plures simul destillationes fieri possint.

§. IV.

Aurum matrici coagmentatum.

Extrahatur, & a matrice maxima parte segregetur triturationis auxilio. Id autem ut perficiatur;

Duæ sint ligneæ columnæ AA & AA (Fig. 33) ad perpendicularum collocatæ, ac solo infixæ. Iis vero in transversum adfigantur duæ aliæ BB, & BB, locis *c c c* &c. perforatæ, ita ut tamen inferioris foramina foraminibus superioris columnæ adcurate respondeant.

Prædictis foraminibus lignei mallei D D D introducantur, qui non solum
suf-

suspensi maneant , verum etiam libere moveri possint. Ii vero mallei & prominentiis E E instructi , & inferne ferreo calceo F F armati sint necesse est.

Extet præterea rota G cum arbore H H , quæ variis prominentiis *iii* sub planorum inclinatorum forma , & in eadem cum malleorum prominentiis directione circuminstructa sit.

Sub malleis capsa K collocetur.

In eam igitur immittatur minera : ro-
taque G cum arbore H H aquæ, aut animalium vi circumvertatur. Tum vero arboris prominentiæ , prominentiis malleorum intricatæ , malleos ipsos sursum attol-
lent , iterum super mineram alternis vicibus casuros , donec eam in pulverem contundant.

Et ea quidem machina , operatioque minerarum quarumlibet triturationi intervenire potest.

Minera vero in pulverem comminuta lavetur (§. I.) Tum aurum lotionem obten-

obtentum separetur , amalgamationisque tandem , expressionis , ac destillationis processus instituatur , ut §. III.

§. V.

Aurum mineralisatum.

Species II.

Trituretur (§. IV) , laveturque (§. I.)

Ustuletur deinde , reposita quidem minera inter alterna lignea strata (*Fig. 35*) , aut intra eam muri speciem (*Fig. 36*) descriptam , eoque modo ustulatio fiat , ut quidquam adhuc sulphuris mineræ coagmentatum remaneat.

Iam vero aurum facilius , quam ferrum liquatur ; sulphur autem fusione ferrum , non vero aurum , mineralisatum reddit.

Ergo si minera ita ustulata propriis suæ matricis fundentibus immisceatur , ac reverberii fornace liquetur , cujus planum versus centrum , ubi ejus extat capsula , inclinatum sit ; habebitur profecto in capsula aurum liquatum , ferri vero maxima pars sulphure scorificata. Ad

Ad fundentia quod adtinet, diversa quidem ea esse debent pro matricis diversitate : unde ,

A . . Si matrix sit calcarea , argillam pro fundente adhibebimus;

B . . Si argillofa , lapidem calcareum;

C . . Si denique filiciofa , tum vero argilla simul cum lapide calcareo adhibenda ; quibus anteriorum processuum scorix ad-dendæ sunt.

Aurum fusione obtentum , ferro adhuc immistum est. Ut igitur purum habeatur ,

Wismutho, hujusque defectu plumbo immiscendum.

Extet deinde fornax , in eaque cupella ex cineribus fabrefacta , in cujus labris aliqui existant canaliculi , quibus scorificatæ substantiæ delabantur. Cupella autem ejus sit magnitudinis , ut cum massa cupellanda proportionem habeat.

In

In eam igitur prædicta injiciatur mistio : cæteraque fiant , ut diximus (*P. II. Sect. I. Cap. III.*)

Species III.

In ea minera iidem instituendi labores , ac *Spec. II.* Enim vero arsenico ustulatione segregato eadem omnino remanent contenta. (*Spec. II.*)

Species IV.

Trituretur , lavetur , ustuleturque , ut *Spec. II.*

Sulphur prius ferrum , quam aurum , argentum , plumbumve mineralisatum reddit.

Caloris præterea gradus , qui auro , argento , ac plumbo liquando satis est , magnesium oxydare vix aptus , ac par est.

Si ergo minera , in prædicta fornace , (*Spec. II.*) propriis fundentibus liquetur , sequentes obtinebimus effectus ,

- I. Ferrum in scorias redactum ,
ab ea nimirum sulphuris
por-

portione , quæ post ustulationem superfuit;

2. Magnesium oxydatum ;

3. Aurum , argentum , ac plumbum in fornacis capsula liquatum.

Separantur scorix , oxydumque magnesi. Massa deinde liquata , in supradicta fornace cupelletur. Obtinebitur quidem aurum , & argentum , eaque separatum a plumbo , tum a quibusdam ferri , magnesiique residuis , quæ fusionem forte subierunt.

Duplex tamen ea substantia , aurum scilicet , atque argentum , inter se adhuc manent conjuncta. Ut igitur ab invicem separantur , processus eodem modo instituendus , quo diximus (*P. II. Sect. I. C. III. Art. II.*)

Species V.

Trituretur : lavetur ; ustuleturque , majori tamen caloris gradu adhibito , ut nempe cinnabaris e minera evolvatur.

S

Ustu-

Ustulatione peracta , aurum remanet ; quod quidem purum obtinebitur , si, nulla adhibita substantia , liquetur in fusionis fornace (*Spec. II.*) , cujus planum pulvere carbonum fit adpersum.

Species VI.

In ea minera tum instituendi labores , tum quæ observantur phænomena cum *Spec. IV* ad fusionis usque statum plane conveniunt. Deinceps vero aliter res habeat necesse est ;

1.^o enim minera plumbum non continet.

Ergo si aurum cupellatione evolendum fuerit ; plumbum profecto adhiberi debet , & in ea quidem proportionem , quam indicavimus (*P. II. Sect. I. C. III. Art. I.*)

2.^o Massa liquata auro , cupro , quibusdam residui ferri atomis , magnesioque constat , ut *Spec. IV.*

Labores ergo circa hanc mineram instituti cupellatione finiendi : quum enim
nul-

nullum ibi extet argentum , *separationis* processu minime opus est.

Species VII.

Trituretur : lavetur : ac tandem ustuletur.

Habebitur quidem sulphur , & zincum separatum.

Etsi autem zincum , dum sublimatur , quamdam auri portionem fecum auferat ; ea tamen , quum parva admodum sit , pro nihilo æstimanda est.

Post ustulationem liquetur minera in fornace reverberii (*Spec. II.*)

Ignis , qui auro liquando fatis est , cobaltum oxydat tantummodo.

Ergo post fusionem scorias ferri habebimus , oxydumque cobalti.

Iis ergo separatis , cupelletur massa liquata (*Spec. II.*)

§. VI.

*De magnis Metallurgiæ laboribus
circa Platinum.*

MINERA in primis trituranda, & ab omnibus lapideis, terreisve particulis lotionem explicanda. (*Fig. 33, 34.*)

Substantiæ metallicæ, { 1. Aurum,
quibus platinum copula- { 2. Ferrum,
tum inveniri solet, sunt { 3. Mercurius.

Minera adcuratissime comminuta igni exponatur. Habebitur mercurius sublimatus. Ferrum autem magnete extrahatur.

His peractis cupelletur minera, & quidem wismuthi ope: quod duplici ratione adhibendum;

1.º Quia, quum sit platinum præ cæteris omnibus metallicis substantiis infusibilius, wismuthum, tanquam fusioni determinandæ efficacissimum, potius quam plumbum adhibendum.

2.º

2.^o Quia platinum intimam cum ferro adfinitatem habet: unde , ut separentur , wismuthum adhibere oportet , a quo quidem ferrum vehementius quam a plumbo trahitur , in scorias abiturum.

§. VII.

Si peracta cupellatione platinum purum non obtineatur , sed auro adhuc copulatum ; tum vero *amalgamationis* processus instituendus.

Quod si neque amalgamatio satis sit , tunc *separatio* peragenda , soluta nempe mistione acido nitro-muriatico , præcipitatoque auro ferri sulphate , platinoque tandem muriate ammoniacali. (*P. II. Sect. I. Cap. II. §. II. Variet. I.*)

Si post cupellationem platinum ferro adhuc conjunctum remaneat , nova instituenda est cupellatio , novâ itidem wismuthi quantitate adhibitâ. Quod si autem parva sit platini portio , tum vero solutiones acido nitrico sæpe sæpius iterandæ. (*P. II. Sect. I. Cap. II. §. II. Variet. II.*)

§. VIII.

*De magnis Metallurgiæ laboribus
circa Argentum.*

Argentum nativum.

Species I.

LABORES circa mineras, in quibus argentum terris, aut matrici involutum exstat, suscepti, operationibus triturationis; lotionis, & amalgamationis constant, non secus ac de laboribus circa aurum instituendis diximus.

Quum autem nativum argentum auro, aliisve metallicis substantiis coagmentatum reperitur, fusio adhibenda, & quidem plumbi ope facta; deinde *cupellatio*; tandem *separatio*.

§. IX.

Argentum mineralisatum.

Spec. II. III. & IV.

Mineræ, quæ triplicem hanc speciem constituunt, triturandæ primum
(*Fig.*

(*Fig. 33*) ; ac lavandæ (*Fig. 34*) ; deinde vero ustulandæ (*Fig. 35.*)

Et ustulatione quidem obtinetur in secunda specie sulphuris , in tertia arsenici , in quarta denique sulphuris simul arsenicique extractio.

His operationibus peractis, tum minera igni exponatur fusoria reverberii fornace, cujus planum inclinatum carbonum pulvere sit inspersum : habebitur quidem fusionis , & exoxydationis interventu argentum fornacis capsula receptum.

Spec. V. VI. VII. & VIII.

Quadruplicis hujusmodi speciei reductio trituratione primum, deinde ustulatione inchoanda.

Tum vero igni fusorio exponatur minera, adhibito, pro faciliori liquatione obtinenda, plumbo : & præterlapso tempore optimæ fusioni requisito habebuntur

- 1.º In fornacis plano quædam ferri scoræ ;
- 2.º

2.º In ejus capsâ massa quædam liquata , quæ quidem constabit

A. *Spec. V. & VI.* argento , ferro , ac plumbo;

B. *Spec. VII. & VIII.* argento , ferro , cupro , & plumbo.

Massa ita obtenta in frustra (panes vocant liquationis) dividatur eæ magnitudinis, ut intra fornacem commodissime , ratione mox indicanda , ordinentur.

Tum vero exstet fornax reverberii , intra quam variæ sint ferreæ laminæ plana inclinata efformantes, quæ versus fornacis capsam dirigantur. Horum autem planorum medio frustra superius dicta imponantur. Iam vero

A. Plumbum facilius liquatur , quam cuprum , ac ferrum ,

B. Plumbum præterea vehementius ab argento , quam a cupro , & ferro trahitur.

Ergo , continuato igne , observabitur

1.º

1.^o Plumbum liquatum per plana inclinata ad capsam defluere, ibique recipi, manentibus adhuc cupro & ferro in eodem soliditatis statu.

2.^o Plumbum, relictis ferro & cupro, argentum tantummodo secum ferre.

Argentum itaque a plumbo cupellatione separabitur, fornace nimirum ejusmodi operationi adcommodata, jamque a nobis alibi descripta.

Spec. IX.

Triturata, ustulataque minera, zincum, & sulphur maxima ex parte volatilifata habebuntur.

Tum vero plumbi ope liquetur, tandemque cupelletur.

Spec. X.

Labores circa hanc mineram instituendi iidem plane sunt cum iis, quos paulo ante descripsimus: ea solum differentia, quod post plumbi in planis inclinatis liqua-

quationem in fornacis capsa residua sint argentum, antimonium, ac plumbum simul liquata.

Cupellatione igitur separabitur argentum.

Spec. XI.

Trituretur, ustuleturque minera : fusoria deinde fornace liquetur, adhibito nimirum lapide calcareo, argillave, aut utroque simul pro matricis natura. Tum vero in fornacis plano ferri scorias, oxydumque cobalti, in ejus vero capsa argentum, & quasdam ferri, cobaltique particulas obtinebimus.

Extrahatur tandem massa liquata, & cupelletur.

Spec. XII. & XIII.

Triturentur: ustulentur: & plumbi ope fundantur. Habebimus argentum, antimonium, ac plumbum in liquationis statu.

Cupellatis ergo; purum obtinebimus argentum.

§. X.

*Argentum in statu salino.**Spec. XIV.*

Exponatur igni fusoria fornace , cujus planum inclinatum carbonum pulvere fit inspersum. Habebitur in capsâ argentum liquatum , exoxydatumque.

Spec. XV.

In ea pertractanda minera , illud in primis curandum est , ut acidum muriaticum inde extrahatur : cui fini

Attenuata minera , magnesi oxydo misceatur : igni deinde in aperta fornace exponatur: quo fit, ut acidum muriaticum majori oxygenatione volatile reddatur , & abeat.

Iam vero præterlapso tempore huic operationi requisito , e fornace duplex extrahatur oxydum , permisceaturque lapidi calcareo , aut argillæ : igni tandem fusoria fornace exponatur. Tum vero habebitur in fornacis quidem plano magnesium in statu oxydi ; in capsâ autem argentum liquatum , exoxydatumque.

A R T. II.

*De magnis Metallurgiæ laboribus
circa Cuprum.*

§. I.

Cuprum nativum.

Spec. I.

IN hujus mineræ analysi instituenda triturationis maxime, lotionisque operationes adhibendæ sunt.

§. II.

Cuprum mineralisatum.

Spec. II. & III.

Trituratione primum, ac lotionem a matrice separentur. Deinde ustulentur, ac tandem plumbo fundantur.

Quum autem plumbum vehementius a cupro, quam a ferro trahatur, quumque præterea præ ferro fusibilius sit: idemque tandem substantiis, quibus copulatur, fusibilitatem præstet; consequens inde est, ut hujusmodi encheiresi obtineamus

- 1.^o Cuprum , plumbumque in fornacis capsula liquata.
- 2.^o Ferrum in ejusdem fornacis plano partim scorificatum ; partim vero oxydatum.

Ex massa vero liquata varia efformentur frustra , (panes liquationis) quæ in fusoria fornace planis inclinatis superimponantur. Cætera autem fiant , ut diximus de argento pertractantes (§. *VIII.*)

Ita autem purissimum obtinebimus cuprum , & ab omni prorsus mistione segregatum.

Quum autem eveniat sæpe sæpius , ut unica liquatione cuprum purum non obtineatur , ea profecto pluries , longiorique temporis spatio , ac vehementiori igne adhibito iteranda. In iis vero , ut recte , apteque ad finem consequendum procedat Metallurgus , processus observatio diligenter instituenda est.

Spec. IV.

Ustulatione in primis mineralisantia
ex-

extrahantur. Tum vero minera plumbi ope liquetur. Liquefactione autem peracta, antimonium separabitur (§. II.)

Spec. V.

Ustuletur: habebiturque non solum sulphur, & arsenicum, verum etiam zincum quoad maximam partem extractum.

Liquetur deinde plumbi ope: eadem profecto obtinebimus, quæ §. II.; prætereaque, in massa liquata, quædam zinci portio.

Liquefactione deinde purum cuprum obtinebimus.

§. III.

Cuprum in statu salino.

Spec. VI.

Trituretur: carbonumque pulvere in fusoria fornace immisceatur: habebitur quidem cuprum exoxydatum, ac fusum.

Spec. VII.

Cupri sulphates (*vitriola cupri*) valde Societatis commodis inserviunt. Quamobrem

obrem, ubi eæ repertæ fuerint minerae, præcipuus is esse debet Metallurgi labor, ut eas & a matrice, & a cæteris heterogeneis corporibus separet.

Si tamen cuprum ex his mineris obtinere velis, præparandæ tibi sunt aquæ cæmentatoriæ artificiales: cui fini

Cupri sulphates magnis cupreis ahenis, stanno interne obductis, & aqua repletis solvantur: præcipitetur deinde cuprum ferri ope: habebitur cuprum purum.

Id tamen quamdam ferri portionem secum ferre solet; quæ ut extrahatur,

Cupri sulphureto immisceatur, ustulatione præcedente: ita enim residua sulphuris portio, ferro majori adfinitate adhærescens, scorias efformabit. Eoque modo cuprum obtinebimus.

Spec. VIII.

Ea minera in parva adeo quantitate reperitur, ut nullum plane magnis metallurgicis laboribus locum præbeat.

Id tamen si quando forte contingat, tum vero acidum muriaticum magnesi oxydo oxygenetur: exoxydetur deinde cuprum carbonis ope; ac tandem liquetur.

§. IV.

*De magnis Metallurgiæ laboribus
circa Ferrum.*

Ferrum nativum.

E MATRICE, cæterisque heterogeneis corporibus trituratione, lotionequé evolvatur.

§. V.

Ferrum mineralisatum.

Spec. II. III. & IV.

Triturentur, ustulenturque. Habebitur minerarum quælibet mineralisante, mineralisantibusve destituta.

Tunc vero ferrum oxydatum remanet, quibusdam tamen particulis immistis.

Iam vero tanta est quandoque ferri
co-

copia, isque ejus status, ut simplex carbonum mistio eo exoxydando, ignis autem applicatio fundendo sufficiat.

Aliquando tamen ad nimiam ferri infusibilitatem, diversumque ejus statum, & matricem attendere oportet: hinc enim pendet non solum fundentium adhibendorum cognitio, verum etiam caloris graduum, quibus exponi debet minera, justa æstimatio, ac tandem fornacis optimæ fusioni adcommodatissimæ constructio.

Quamobrem trita prædictarum minerarum qualibet, longoque tempore ustulata, lapidi calcareo, argillæ, aut utrique simul pro matricis natura immisceatur. Vehementissimo deinde igni exponatur reverberii fornace, quæ 12 aut 18 pedes alta sit: conserveturque ignis, dum liquatum ferrum ad fornacis capsam defluere observabitur.

Processu absoluto, liquatum extrahatur ferrum, quod quidem fragile plerumque, nec ea ductilitate, quæ illi propria est, donatum apparet. Ea autem ut obtineatur,

T

Fe-

Ferrum in massas dividatur : quæ ubi incandescentiæ gradum attigerint, malleo fortiter iteratis ictibus contundantur : tum vero ferrum ipsum obtinebimus propria sua malleabilitate, ac ductilitate donatum.

§. VI.

Ferrum in statu salino.

Spec. V.

Diximus alibi quadru- { 1. Magnesio,
plici sub statu eam mine- { 2. Carbonati
ram reperiri posse, im- { calcareo,
mistam scilicet { 3. Argillæ,
{ 4. Silici.

Igitur

In Primo : Trituretur, propriumque fundens adhibeatur. Habebimus ferrum liquatum, magneziumque oxydatum.

Altero : In ea minera, quum & ipsa-
met matrix fundentis substantiæ vices
agat, nihil aliud agendum restat, nisi ut
eadem trituretur, eique argilla adhibeatur:
tunc enim vero fusionem obtinebimus.

Tertio : Huic mineræ argilla exstat
copu-

copulata: adhibeatur ergo lapis calcareus.

Quarto: Quum terra siliciofa naturâ sit refractariâ; ut optima obtineatur fusio, lapsis calcareus argillaque simul adhibenda, ut diximus, quum de auro fermonem instituimus. (*Seet. II. Cap. II. Art. I. §. V.*)

Spec. VI.

Ferri sulphates (*Vitriola ferri*) quum maximum usum habeant, Metallurgiæ objectum ingrediuntur duntaxat, quatenus e mineris propriis extrahendi, ut diximus de cupri sulphatibus (*§. III. Spec. VII.*)

Spec. VII. VIII.

Eæ mineræ quum rarissimæ sint, laborum in iis instituendorum regulas præscribere operæ pretium non esse judicamus.

Spec. IX.

Triturata minera, vehementissimo igni resecta fornace exponatur. Tunc enim vero carbonicum aeris oxygenio, calorigue combustionem unitum, in gas oxydum carbonicum convertitur, & volatilifatur, oxydo tamen ferri in fornace remanente.

Istud vero oxydum ut exoxydetur , as-
fundatur , processus ut §. V. instituendus.

§. VII.

*De magnis Metallurgiæ laboribus
circa Stannum.*

Stannum nativum.

H VIUS mineræ labores adcuratissima
trituratione , & lotione constant.

Quum autem stannum sit metallorum
omnium levissimum , ejusque particulæ
admodum tenues , eodem proinde modo
lavari debet, atque aurum ; imbricibus ni-
mirum lana , pannove villoso intus obdu-
ctis , quibus tenuissimæ stanni particulæ
adhæreant, nec aquarum impetu ferantur.

§. VIII.

Stannum mineralisatum.

In crassiora usque frusta trituretur hæc
minera : deinde vero ustuletur.

Et

Et trituration quidem in tenuissimas particulas fieri non debet: quum enim ejusmodi stanni particulæ parva admodum specifica gravitate donentur; fieri certe poterit, ut magna metallicæ substantiæ portio a sulphure ustulatione auferatur: eundem vero effectum arsenicum producere potest, quod (ex quamplurimum Mineralogistarum sententia) stanni mineris adventitium plerumque reperitur.

Ustulatio autem reverberii fornace peragenda, in cujus summitate tubus exstet, infumibulumve horizontale 40, aut 50 haxapedas longum; ut scilicet sulphur, & arsenicum illius parietibus adhærescens minime deperdatur.

Minera eo modo ustulata, carbonibus, ac fundenti, (si opus sit) matricis naturæ proprio, per strata immisceatur.

Fusioni deinde exponatur reverberii fornace, cujus planum versus latera inclinatum, canalem ejus circumferentiam ambientem habeat, qui cum capsula extra fornacem exstante communicet. In ea ergo capsula stannum post fusionem collectum habebimus.

Quan-

Quandoquidem vero in stanni mineris ob indicatas rationes perfecta ustulatio fieri non potest ; inde est , quod stannum fufum non omnimodam , quæ ei propria est , puritiem obtineat.

A. - - Strata superiora stanno puriore , malleabili , & molli constant.

Quod quidem ut œconomicis usibus inservire valeat , majori duritie donari debet , cuilibet nimirum illius centumpondio tres cupri libras immiscendo.

B. - - Strata media fragiliori stanno constant.

Ut autem illud malleabilitate donetur ; quodlibet centumpondium cum 5 plumbi libris immiscendum.

C. - - Inferiora strata impurissimum stannum continent.

Quo

Quo tamen ad usus quosdam adhiberi possit, cuilibet illius centumpondio 9 plumbi libræ immiscendæ.

§. IX.

Stannum in statu salino.

Trita minera, e matriceque separata, exoxydetur in eadem fornace (§. VIII.) carbonum ope, propriisque fundentibus tandem liquetur.

§. X.

De magnis Metallurgiæ laboribus circa Plumbum.

Plumbum mineralisatum.

PLVMBVM { 1. Sulphuri, & arsenico;
mineralisatum {
plerumque co- { 2. Sulphuri, argento, ac
pulatum reperi- | ferro;
ri solet { 3. Argento, & cupro.

Primo casu: Trituretur, ustuleturque ita, ut mineralisantia penitus extra-

trahantur : tum carbonibus ,
propriisque fundentibus li-
quetur eadem fornace mi-
neris stanni inferviente , &
§. VIII. descripta.

Secundo :

Trituretur, ustuleturque : &
propriis fundentibus , ante-
riorumque laborum scoriis
liquetur. Jam vero quum sit
plumbum maxime fusibile ,
illud profecto in fornacis ca-
psa liquatum obtinebimus ,
remanente ferro in ejusdem
fornacis plano.

Præterea , quum ipsummet
plumbum vehementer nimis
argentum trahat , eique pro-
priam fusibilitatem commu-
nicare soleat , argentum pro-
inde plumbo copulatum ob-
tinebimus.

Cupellatione ergo separentur.

Quod si & plumbum obti-
nere velis , colligatur totum
lytar-

lytargyrum , ac plumbi vitrum in cupellatione efformatum : tritureturque , ac tandem carbonis ope reducatur.

Tertio casu : Trita , ustulataque minera , reverberii fornace liquetur : habebitur trium substantiarum fusio.

Separetur deinde a cupro plumbum atque argentum , liquationis nimirum processu. (*Seet. II. Cap. II. Art. I. §. IX.*)

Argentum quoque a plumbo cupellatione separetur. (*cas. 2.º*)

Tandem lytargyrum carbonum ope reducatur. (*cas. 2.º*)

§. XI.

Plumbum in statu salino.

Ouæ mineræ in eo statu reperiuntur ,
ma-

magnisque Metallurgiæ laboribus objectum præbent, sunt duntaxat plumbi carbonates.

Triturentur ergo, matrice, quoad fieri possit, extracta: tum vero carbonum ope exoxydentur; ac tandem in eadem fornace ad mineras stanni jam supra descripta liquentur.

A R T. III.

§. I.

*De magnis Metallurgiæ laboribus
circa Niccolum.*

NICCOLI mineræ primum omnium trituri, deinde ustulari debent.

Arsenicum, ac ferrum ita niccolo adhærent, ut primum quidem difficulter nimis, alterum nunquam plane, omnino ab eo separetur: quamobrem

Ustulata minera, fornacis reverberii plano propriis fundentibus exponatur, carbonis, & sulphuris pulvere involuta, itaque liquetur.

Ea autem fusio sæpe sæpius iteretur, adhibitis tamen, pro singulis fusionibus, novis tum carbonis, tum sulphuris portionibus: eoque modo niccolum fere purum obtinebimus.

Carbonis auxilio iteratis fusionibus, magis magisque niccolum exoxydatur: substantiæ autem metallicæ, dum exoxydantur, minus aptæ redduntur, quo arsenico uniantur. Carbonis ergo ope non solum niccolum exoxydamus, sed etiam illud ab arsenico separamus.

Sulphur ferrum in scorias vertit: si ergo niccoli minera sæpe sæpius addito sulphure fundatur; ita ferrum a niccolo separabitur pene omne.

§. II.

*De magnis Metallurgiæ laboribus
circa Zincum.*

ZINCI mineræ postquam tritæ, e matriceque separatæ fuerint, diutissime ustulandæ mitiori igne, qui nimirum & sulphur elevare, & zincum minime inflammare

mare valeat ; alioquin & sulphur & zincum sublimatum haberemus.

Ustulata minera , carbo , aliquantumque picis ei immisceatur , exponaturque deinde fornace stanni mineris propria (*Señ. II. Cap. II. Art. II. §. VIII.*) mitissimo igni. Tum vero zincum , quum facile exoxydetur & fundatur, tubo laterali defluit , & in exteriori fornacis capsula colligitur.

Jam vero paries tubo laterali proximus tenuis esse debet , ut aqua madefactus frigiditatem zinco fuso communicet , illudque condensari potius cogat, quam inflammari sinat.

Durante processu , quædam zinci portio proculdubio sublimanda , parietibus , caminoque fornacis adhærere debet.

Hoc vero zinci oxydum & suos quoque usus habet : quod si illud in statu reguli obtinere velis, tum vero colligendum, atque eidem processui subjiciendum.

Zinci carbonatibus iidem applicari debent labores : at zinci sulphates ita servandi

vandi sunt, pro magnis quos in Societate habere possunt usibus.

§. III.

De magnis Metallurgiæ laboribus circa Arsenicum.

ARSENICVM laboribus propriis suis-
met mineris institutis non obtinetur; sed
ustulationibus quidem variarum minera-
rum, cobalti maxime, quæ cum illo simul
mineralisatæ reperiuntur. Arsenicum enim
vero in statu oxydi sublimatum parieti-
bus adhæret horisontalis camini fornacis
Art. II. §. VIII. descriptæ, quæ ejusmodi
quidem operationibus aptissima est.

Hoc arsenici oxydum suos quidem
usus habet: attamen si in statu reguli illud
obtinere velis, tum profecto pulvere car-
bonis, ac pice exoxydandum, mitiorisque
ignis ope liquandum.

§. IV.

§. IV.

*De magnis Metallurgiæ laboribus
circa Wismuthum.*

NIMIA wismuthi fusibilitas metallurgicos labores simpliciores reddit : quamobrem

Trituretur ; ustuleturque ejus minera : misceatur deinde propriis fundentibus ; ignique exponatur in ea fornace , cujus planum versus centrum , extremitatesve inclinatum sit. Tum wismuthum exoxydatum , ac fusum , a cæteris corporibus separatur , imumque locum occupat : quo fit , ut in fornacis capsa colligatur.

§. V.

*De magnis Metallurgiæ laboribus
circa Cobaltum.*

COBALTVM ad eas metallicas substantias spectat , quæ diversis caloris gradibus adhibitis , magis magisque oxydatur , difficillimeque funditur. Quum tamen præcipui cobalti usus illud in statu oxydi non reguli requirant , idcirco metallurgici circa

ca cobaltum labores optimam illius oxydationem , non vero fusionem spectare debent.

Trita minera , igni exponatur plano fornacis reverberii , horisontali camino instructæ , quo arsenicum , in iis mineris copiosum, recipiatur. Adhibeatur ignis vehemens , massaque non semel agitetur : eo enim modo non solum ignis ultima mineralisantium residua sublimabit ; sed etiam aliquam liquabit metallicæ substantiæ portionem , quæ mineræ immista reperiri possit , dum tamen cobaltum oxydatum remanet.

Istud cobalti oxydum , quod vulgo *Saffra* appellamus, eximios in Artibus usus habet.

Idipsum vero si 3 quartzi , 1 vero potassæ partibus immisceatur , fusionique exponatur , vitrum quoddam cæruleum constituit , quod vocant *Esmalte* , in Artibus quoque longe utilissimum.

§. VI.

*De magnis Metallurgiæ laboribus
circa Magnesium.*

MAGNESIVM in statu oxydi maxime usum habet, eoque tantum statu in natura reperitur (*P. I. C. I. Art. IV.*)

Labores ergo circa magnesium instituendi eo spectare debent, ut oxydum a matrice trituratione separetur, vehementique igni reverberii fornace exponatur.

§. VII.

*De magnis Metallurgiæ laboribus
circa Molybdænum.*

TRITVRETVR : lavetur : ustuleturque.

Minera vero evoluto sulphure, propriis fundentibus, carbonum pulveri, accipici immisceatur : tum vero vehementiori igni fornace reverberii exponatur : habebitur molybdænum exoxydatum, liquatumque.

§. VIII.

§. VIII.

*De magnis Metallurgiæ laboribus
circa Stibium.*

TRITVRETUR, matrixque, quoad fieri possit, extrahatur.

Tum vero varia exstent fictilia vasa, ita constructa, ut unius os alterius fundum recipere valeat, habeatque illorum quilibet, inferiori excepto, fundum variis foraminibus instructum.

Trita minera, superioribus vasis immittatur, quæ igni exponantur.

Tum stibium, quum facile fundatur, per foramina superiorum vasorum defluens, simul cum sulphure ad inferiora descendet.

Quod si & stibii regulum obtinere opus sit, tum quidem trituretur minera, nitroque immisceatur. Ex ea autem mitione in cujuslibet fornacis plano cumulus efformetur, detonationeque peracta, habebitur stibii oxydum a sulphure separatim.

U

Jam

Jam vero oxydum istud fundentibus, carbonisque pulvere liquetur : habebitur stibii regulus.

§. IX.

*De magnis Metallurgiæ laboribus
circa Tunstenum.*

TUNSTENVUM oxydatum reperitur (P. I. C. I. Art. IV.) Quamobrem si ejus regulum obtinere velimus ,

Trituretur ; carbonisque pulveri ac pici immisceatur ; tum deinde exoxydetur mitiorisque ignis ope liquetur.

§. X.

*De magnis Metallurgiæ laboribus
circa Hydrargyrum.*

HYDRARGYRVM nativum purum nullam præparationem requirit ; bene vero illud , quod matrici , terris , arenisve copulatum reperitur.

Trituretur itaque , hydrargyrumque lo-
tio-

tione præcipitetur : tum destillatione ab heterogeneis substantiis separetur : destillationis autem methodum dabimus paulo infra.

§. XI.

Hydrargyrum mineralisatum.

Si hydrargyrum a cinnabari extrahere velimus, trituretur in primis minera: deinde cribro incernatur : calcisque vivæ sub triplo immisceatur, & in ferreas retortas introducatur. Tum vero exstet deprefior fornax adcurate fabrefacta, superneque iis foraminibus instructa, quibus varias retortas recipere valeat (*Seet. II. Cap. II. Art. I. §. III.*)

Uniuscujusque retortæ collo excipula, aduratissime adplicata, & aqua semiplena adaptentur.

Admoto igitur igne, calx viva sulphuri adunata, calcareum sulphuris hepar efformat, tumque hydrargyrum evolutum in prædicta vasa destillatione defluit.

Eadem vero operatio perfici potest,

si nimirum prædicta mistio fornace exponatur, cujus planum versus latera inclinatum extremitatem habeat tubis exstantibus, & cum fictilibus vasis communicantibus instructam: ita enim hydrargyrum ob propriam fluiditatem decidens in magna vasa recipietur.

§. XII.

Et ii quidem generales sunt processus, quamlibet ex metallicis substantiis hucusque cognitis spectantes. Illud tamen animadvertendum, prædictas substantias multis variisque modis inter se copulatas a natura plerumque propalari. Unde variæ quoque, ac diversæ laboribus instituendis formulæ derivari debent.

Quum tamen mineræ pro diversa substantiarum conjunctione, pro vario illarum situ, ac matrice variæ esse soleant, infinitum esset propemodum, ac plane impossibile, singulis circumstantiis proprias leges decernere.

Præterquamquod ea est Elementorum cujuslibet Scientiæ tradendorum methodus,

us, ut generalioribus, præcipuisque theoriæ legibus statutis, præcipuis etiam experientiæ factis confirmantur. Nos igitur, ea ratione ducti, generaliores formulas descripsimus: peculiare vero, sicut & earum variis circumstantiis adplicationem Philosophi observatoris studio, ac solertiæ relinquimus.

F I N I S.

IN-

M E N D A.

Pag. x	lin. 10	Egyptios	lege Ægyptios
— —	— 14	Egyptiis	— Ægyptiis
— xi	— 3	fecibus	— fæcibus
— 12	— 22	Phogisti	— Phlogisti
— 43	— 6	Fulvus	— Fulvum
— 68	— 15	reberverii	— reverberii
— 73	— 7	is enim	— id enim
— 102	— 23	Quislibet	— Quilibet
— 133	— 4	decrepitatum	— decrepitatus
— 149	— 10	præcipitatum	— præcipitatus
— 153	— 1	ammoniacale	— ammoniacalis
— 173	— 15	matrix	— matrix
— 183	— 6	carbonatæ	— carbonate
— 184	— 21	hebebitur	— habebitur
— 190	— 17	matrix	— matrix
— 207	— 10	duplicitur	— dupliciter
— 209	— 16	Cinnabarim	— Cinnabaris
— 221	— 11	(n.º 2.)	— (n.º 4.)
— 281	— 14	haxapedas	— hexapedas
— 295	— 17	aduratissime	— adcuratissime

I N D E X.

Metallurgiæ Prolegomena. - - pag. ix

P A R S P R I M A.

CAP. I.	<i>De Substantiis Metallicis in genere.</i> - - - - -	i
ART. I.	<i>De ipsarum attributis, atque proprietatibus physicis.</i> - -	ibid.
ART. II.	<i>De Substantiarum metallicarum attributis chemicis.</i> -	9
ART. III.	<i>De diverso statu, in quo substantiæ metallicæ occurrunt.</i>	18
ART. IV.	<i>De Naturali substantiarum metallicarum Historia.</i> - -	25

<i>De Auro.</i> - - - - -	31
— <i>Platino.</i> - - - - -	33
— <i>Argento.</i> - - - - -	35
— <i>Cupro.</i> - - - - -	39
— <i>Ferro.</i> - - - - -	42
— <i>Stanno.</i> - - - - -	45
— <i>Plumbo.</i> - - - - -	46
— <i>Niccolo.</i> - - - - -	50
— <i>Zinco.</i> - - - - -	51
— <i>Arsenico:</i> - - - - -	53

Wi-

—	<i>Wismutho.</i>	- - - - -	54
—	<i>Cobalto.</i>	- - - - -	55
—	<i>Magnesio.</i>	- - - - -	57
—	<i>Molybdæno.</i>	- - - - -	58
—	<i>Stibio.</i>	- - - - -	59
—	<i>Tunsteno.</i>	- - - - -	60
—	<i>Hydrargyro.</i>	- - - - -	62

CAP. II.	<i>De rebus, quæ ad praxim docimasticam ac metallurgicam proxime requiruntur.</i>	-	65
ART. I.	<i>De Operationibus.</i>	- - - - -	66
ART. II.	<i>De Fundentibus.</i>	- - - - -	76
ART. III.	<i>De Instrumentis.</i>	- - - - -	80
—	<i>Tubo ferruminatorio.</i>	ibid.	
—	<i>Libra.</i>	- - - - -	84
—	<i>Fictitiis ponderibus in minerarum tentamine adhibendis.</i>	- - - - -	90
—	<i>Cupella.</i>	- - - - -	95
—	<i>Tegula Docimastica.</i>	-	98
—	<i>Fornacibus.</i>	- - - - -	100

CAP. III.	<i>De nonnullis veritatibus ad theoriam illustrandam accommodatis.</i>	- - - - -	105
-----------	--	-----------	-----

P A R S S E C V N D A.

SECTIO I. <i>De Docimasia.</i>	119
CAP. I.	ibid.
<i>De Docimasia Sicca.</i>	123
<i>Docimasia Humida.</i>	140
CAP. II. <i>De substantiarum metallicarum analysi.</i>	145
ART. I. <i>De nobilium metallorum analysi.</i>	ibi.
ART. II. <i>De metallorum imperfectorum analysi.</i>	167
ART. III. <i>De semimetallorum tenacium, durorumque analysi.</i>	183
ART. IV. <i>De fragilium semimetallorum analysi.</i>	190
ART. V. <i>De semimetalli fluidi analysi.</i>	207
CAP. III.	211
ART. I. <i>De Cupellatione.</i>	212
ART. II. <i>De Separatione.</i>	226
SECTIO II.	230
CAP. I.	ibid.
ART. I. <i>De Monte Metallifero.</i>	232
ART. II. <i>De Geometria subterranea.</i>	238
ART. III. <i>De aeris innovatione in fodinis.</i>	242

ART. IV.	<i>De iis quæ pro fodinarum natura, situque consulenda sunt.</i>	- - - - - 249
CAP. II.	- - - - -	253
ART. I.	<i>De magnis Metallurgiæ la- boribus circa Aurum.</i>	- - ibid.
	<i>Circa Platinum.</i>	- - - - - 264
	<i>— Argentum.</i>	- - - - - 266
ART. II.	<i>De magnis Metallurgiæ la- boribus circa Cuprum.</i>	- - 272
	<i>Circa Ferrum.</i>	- - - - - 276
	<i>— Stannum.</i>	- - - - - 280
	<i>— Plumbum.</i>	- - - - - 283
ART. III.	<i>De magnis Metallurgiæ labo- ribus circa Niccolum.</i>	- - 286
	<i>Circa Zincum.</i>	- - - - - 287
	<i>— Arsenicum.</i>	- - - - - 289
	<i>— Wismuthum.</i>	- - - - - 290
	<i>— Cobaltum.</i>	- - - - - ibid.
	<i>— Magnesium.</i>	- - - - - 292
	<i>— Molybdænum.</i>	- - - ibid.
	<i>— Stibium.</i>	- - - - - 293
	<i>— Tunstenum.</i>	- - - - - 294
	<i>— Hydrargyrum.</i>	- - - ibid.








Fig. 5.






Fig. 2.

Fig. 3.





Fig. 4.




Fig. 7.



Fig. 8.




Fig. 9.




Fig. 10.




Fig. 11.



Fig. 12.




Fig. 13.

Est. 1.

Fig. 4.




Fig. 11.




Fig. 13.








Fig. 17.



Fig. 18.




Fig. 19.




Fig. 20.




Fig. 25.




Fig. 21.




Fig. 22.




Fig. 23.




Fig. 24.




Fig. 26.



Fig. 28.



Fig. 27.









Fig. 29.

238





(1785)



100

100





all camp 05 1977



